



# 東 方 雜 誌

第 二 卷 第 七 期



東方雜誌售例

- 一 本雜誌零售每冊大洋銀二角五分外埠加郵費五分
  - 二 預定全年十二冊本埠大洋二元五角外埠加郵費洋陸角外國加郵費洋二元五角香港澳門青島三處與外國同日本與外埠同至未通郵政之應民局寄費閱者自給
  - 三 凡至總發行所定購者務請將資費送交總發行所收銀後當付收據惟報資未能照章寄足者祇可照零售例每冊以大洋銀二角五分計算寄足應得冊數為止
  - 四 在總發行所定購者本埠按期派送不取酒資
  - 五 凡一人定購五份寄送一處者照價九折十份者八折
  - 六 在總發行所定購者如遷徙他處務託安人代收一面知照總發行所改寄惟已寄原處之冊不能複寄其在代售處定購者請自向代售處商辦總發行所不能接寄
  - 七 總發行所按期寄送以郵局民局回單為憑中途遺失閱者自理
  - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千元者六折即每份以大洋一圓五角核算是也惟郵費分文不扣
  - 一 代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局  
有正書局 保定府官書局 湖南長沙集益書社 常德啓智書局 湖北武昌文明書局 中東書社 新政書局 總派報處 漢口 商務印書館 江左漢記 廣東開新書報公司 聖教書樓 英文書莊 江西南昌廣智書莊 南京明遠書莊 中西書局 杭州崇實齋 深辨書報處 史學齋 蘇州閱智書室 日本東京金港堂書店

商務印書館新編

歷史科教科書

# 中國歷史教科書

全 冊 兩

是為初等小學第四  
 第五兩年之用共兩  
 冊每兩卷每卷四十  
 課每星期授兩課以  
 一年畢一冊起自上  
 古訖於今日專取歷  
 代大事及名人事蹟  
 之足資觀感者以充  
 材料簡要不繁文筆  
 亦雅潔可誦每冊大  
 洋三角○附歷代沿  
 革圖一冊即日出售

## 西洋歷史地圖

(壹冊全)

讀史不可無圖歐美諸國疆  
 域時有變遷故讀西洋史需  
 圖尤急本館搜集各種外國  
 讀史地圖擇其要者繪為是  
 冊共計三十八圖足敷中學  
 之用鏤版明晰著色鮮美○  
 洋裝精緻定價大洋八角

4838

商務印書館出版  
歷史類教科書

錢塘夏穗卿先生撰

中學  
堂用  
中國歷史教科書

全書凡五冊陸續出版

第一冊	起上古至戰國	每冊定價洋七角
第二冊	起秦皇至西漢	每冊定價洋五角
第三冊	起東漢至三國	每冊定價洋五角
第四冊	起西晉至南北朝	每冊定價洋五角
第五冊	起隋朝	每冊定價洋五角

中國二十四史卷帙浩繁非史學家不能盡讀即通鑑續通鑑紀事本末九通之類其浩繁亦不下於正史欲撮其綱要成一簡本者代有其人然化極繁為極簡其事大不易易是以成書甚多而善本甚少本館特聘錢塘夏穗卿先生編為此書敘述古今以十三經二十四史為主而緯以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此為從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

# 東方雜誌第七期目錄

## 圖畫

日本聯合艦隊諸將

日本東鄉大將訪問俄俘將羅提督於佐世保病院

奉天城樓  
奉天城外紀念碑

烟臺停車場  
營口海關及郵政局

## 社說 選論附

論制治之原 本社撰稿

崔東壁學術發微 本社撰稿

論中國人民之可用 錄乙巳四月二十六日大公報

論今日社會之無直道 錄乙巳五月初五日時報

論日俄戰局結後中國之危險 錄乙巳五月初八日時報

論真守舊者之可貴 錄乙巳五月初十日中外日報

論中俄於世界之關係 錄乙巳第十四號外交報

蘆照

蘆照

目錄

## 諭旨 五月初二日至二十九日

## 財政

光緒二十九年戶部進出款項表書後 錄乙巳三月二十一日中外日報

論粵督籌議禁賭 錄乙巳五月初六初七日時報

財政處戶部會奏遵 旨籌議八省土膏統捐請派大員管理摺

督辦關內外鐵路大臣 會奏查明關內外鐵路第一案報銷收支各款摺

直隸總督袁奏直隸認解練兵經費已如數籌解並另籌的款摺

黑龍江將軍達等會奏江省錢法壅滯設立公司開使紙幣摺

兩湖總督張奏湖北清理衛田原定章程屯戶積多不便另籌簡易辦法摺

河南巡撫陳奏試鑄銅圓摺

浙江巡撫壽奏查明各屬地糧銀米並折徵價目造送表冊摺

戶部奏請 飭各省依期籌解練兵經費片

乙巳

前江蘇巡撫效奏鑄造制錢工本虧耗試行當五銅錢以資彌補片

安徽巡撫誠奏加撥練軍經費請 敕部立案片

練兵處新編陸軍六鎮餉項調查

各省財政彙誌

各國財政彙誌

### 實業

中國工藝日衰之痛論 錄乙巳三月二十一日時報

論振興商務當先興農業工業 錄乙巳四月二十四日時報

前奉天將軍增奏查勘錦川府屬試墾及海退河淤各地酌擬辦法派員丈放以裕餉源摺

前奉天將軍增奏陳清丈盤蛇驛地畝大概情形並酌擬章程摺

浙江巡撫奏浙江省城試辦工藝傳習所講求實業摺

署兩江總督周奏開辦江浙魚業公司摺

雲貴總督丁奏滇省創辦罪犯習藝所情形摺

出使俄國大臣胡致商部籌議織獸毛製樹膠咨呈

安徽磁土公司機器開採磁土節略

江蘇農務總局查荒招墾詳細章程

各省農桑彙誌

各省工藝彙誌

各省礦務彙誌

各省魚鹽彙誌

各國礦務彙誌

### 交通

論河北鐵路以道口為中心點 錄第四十三期商務報

外務部商部戶部會奏議覆川漢鐵路集股章程摺

四川京官為川漢鐵路請商部代奏公呈並批

署兩江總督周電詢外務部德商擬由青島行輪海州辦法文

外務部電覆署兩江總督周德商擬由青島行輪海州辦法文

外務部致駐華法使駁覆滬紹行輪文

總稅務司赫申呈外務部甲辰郵政情形文

常鎮道郭飭丹徒縣查撤境內  
川漢鐵路按租抽穀詳細章程

各省航路彙誌

各省鐵路彙誌

各省電政彙誌

各國航路彙誌

各國鐵路彙誌

各國電政彙誌

各國郵政彙誌

### 商務

論英人言中國不守商約事 錄乙巳四月十一日時報

商業首重調查說 錄乙巳二月初十日大公報

荷日通商逸事 錄乙巳第五號外交報譯日本太陽報

光緒三十年通商各口華洋貿易情形總論

直隸總督袁山東巡撫胡會奏濟南城外商自開商埠先  
擬開辦章程摺

目錄

署兩江總督周奏金陵關商務漸興亟應勘定租界設  
款修築以安遠商而便治理摺

各省商務彙誌

僑商自治

各國商務彙誌

各國賽會彙誌

### 宗教

論提倡佛教 錄乙巳五月初八日新聞

論佛教國同盟 錄乙巳第十三期外交報

各省教務彙誌

### 小說

### 雜俎

### 叢談

三

221





目録



四

七月






敷島艦長 大佐 寺垣猪三  
 千代田艦長 大佐 依仁親王殿下  
 三笠艦長 大佐 伊地知彦次郎  
 富士艦長 大佐 松本和


淺間艦長 大佐 八代六郎  
 入雲艦長 大佐 松本有信  
 日進艦長 大佐 竹内平太郎  
 春日艦長 大佐 加藤定吉

吾妻艦長 大佐 村上格一  
 磐手艦長 大佐 川島令次郎  
 出雲艦長 大佐 伊地知季珍  
 常磐艦長 大佐 吉松茂太郎

日本聯合艦隊諸將



本日東鄉大將訪問俄俘將羅提督於佐世保病院



樓 城 天 奉



碑 念 紀 外 城 天 奉



烟 臺 停 車 場



營 口 海 關 及 郵 政 局

商務印書館新編

高等小學教科書

最新

理科教科書

四册全

每部大洋八角

是書為山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新

地理教科書

四册全

每部大洋五角

是為高等小學堂第一第二兩年之用共四册每册四十課每一星期教授兩課以半年畢一册前二卷論中國後二卷論外國如江淮省之新析中美洲巴拿馬之自主均已敘入無愧最新之目揮印銅版精圖一百餘幅幼童讀之尤有興味○附五彩地圖一册即日出書

五十七號

五十七號

商務印書館新編  
初等小學教科書

習畫帖

是帖爲初等小學堂第二年至第五年學生所用由  
簡而繁所繪皆尋常易見之物用毛筆臨寫計共八  
册每册十圖每兩星期臨  
摹一圖約半年畢一册

全部八册  
每册大洋七分

教員用習畫帖

一册全

共八十圖均標明用  
筆先後最便教授  
每册大洋二角

此帖專備初  
等小學堂所  
用易學易精

商務印書館新編  
初等小學教科書

最新

# 修身教科書

第一册  
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無

形

最新

# 修身教科書教授法

第一册  
大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰騭文有益多矣

商務印書館新編

中學教科書

- 國文教科書
- 國文典
- 算學教科書
- 代數教科書
- 幾何教科書
- 三角教科書
- 中國歷史教科書
- 外國歷史教科書
- 中國地理教科書
- 外國地理教科書
- 物理教科書
- 英語教科書
- 地文教科書
- 動物教科書

已出全  
已出全  
已出全  
已出全  
已出全  
已出全  
已出全  
已出全  
已出全  
已出全  
已出全  
已出全  
近刊  
近刊  
近刊

- 植物教科書
- 礦物教科書
- 生理教科書
- 法制教科書
- 理法教科書
- 習字帖
- 習畫帖
- 用器習畫帖
- 歌譜
- 體操教授法
- 化學教科書
- 日語教科書

已出全  
已出全  
已出全  
已出全  
已出全  
已出全  
已出全  
已出全  
已出全  
已出全  
已出全  
已出全





社說

選論附

論制治之原 本社撰稿

海通以來。吾國之政界輿論。有兩種現象。其始視外人如鬼魅。凡泰西之政法學術。不屑措意。及屢戰屢敗。乃憬然覺悟。一切反前所爲。尊外人如神明。如良醫。以爲但變舊傳法制。一切取西來者而更代之。卽足以救敗亡。致富強。甲午以前。通國人心之現象。皆爲前一種。幾乎舉國一致。甲午以後。人心現象。漸變爲後一種。雖其間有已變與未變者之衝突。然自庚子以至今日。則後一種現象。又幾幾乎舉國一致矣。此兩種現象。其初皆發於輿論。而後浸及政界。甲午以後。去今未遠。人人腦海中。尙能記憶。不必明舉左證。固能以經歷未久之事。自得左證也。甲午以前。則去今已稍遠矣。在後生之未知。與年老之善忘。抑銳於進取。視陳迹猶敝屣者。或竟忘之。故今略舉一事。以爲由輿論浸及政界之符驗。如沈寶楨購回上海至吳淞之鐵路。而毀棄之。實懼輿論訾議。爲彼盛德之累。又如李鴻章奏請開辦鐵路。下六部九卿會議。劉錫鴻以一疏阻止。亦由當時輿論。不以鐵路爲然。故沈懼爲輿論詬罵。劉則正以代表輿論。當時現象之實際。固如此也。



社說

一百三十二

七月

凡兩事對立擬於心者必有然否議於口者必有是非當其然否紛錯是非未定之時各用意氣相為攻取黨派以出風潮以起及夫勢運既至萬目睽睽如見一極雖有大力莫敢或違此固人事演進之自然然其所持循者皆為意識界之生滅起仆總觀兩種現象固不離於佛氏所謂我執法執未足以言制治之原也

中西制治同乎異乎此頗淆雜之問題也蓋人類生存首重衣食衣列子有曰人道不而求衣食之道則以地勢氣候之不齊而其途遂不能不有差異因此遞推遞積各循於天演者殆千萬年更當辨以未乃始出而相見而又有言語之捍格故當乍見之頃與相見雖熟而猶未能通情之時不能察及隱微得撫遺精固亦勢所必至也大抵中國地面為世界無雙之大陸當漢族人居之始雖有苗黎蟠據不甚蕃衍誠可謂地廣人稀又有江河灌輸之便故漢族之民即由游牧時代而轉入耕稼時代其求衣食之途惟在農桑土物早於西遂以重農貴粟為國之本務且欲使天下同出耕稼一途以粟多為國富乃至輕商賈禁末作文巧而井田宗法於斯以立遂為制治之淵藪歷數千年雖有更革然其大要終不大遠其初亦越於今猶未出乎宗法社會西方地勢多山陵而無中國沃野之原隰故其民之求衣食者重在商貨故貴技巧崇末作且本洲之物產不足以供生事故復重航海覓地而以擴張國勢為

務。中國業漢雖亦其性實與西方絕異如是則其民紛雜走散非若業農者之較若畫一  
故貴自治。法中西財產因此非此不能保有衣食山陝中國人以善商名於域內者如其政府壓  
力之施於民者民之自治力足以相制故民遂獲政權此同異之數可以鑿括而言者也。使此

近古時代立憲若初民之世則差遠甚少

約而論之。重農之國。職業。單簡。能力。因以。薄弱。而又。受井田宗法之部勒。故其民易於統治。  
而無政權。重商之國。職業。夥頤。能力。因以。發生。自治力。強故宜於分治。而民有政權。事勢所  
趨。豈偶然哉。然而。服習。既久。化演。益深。無政權之民。絕不知有恢復之志。在上者。既視為天  
命所歸。在下者。又以為。分定。宜然。橫目。蚩蚩。如出一治。故中國。凝滯不進。而西方。乃絕影而  
馳。今欲。取質性不同之治法。強相傳麗。此則。胥臣。蒙馬之虎皮。固非有虎之能力也。

西力東侵。禍如剝膚。嚮日國計。遂致不周於用。而自有明末葉。東西商貨交通。已具萌芽。至  
近日。商民。漸有。掌握財源之勢力。政府。以有仰賴於商人。遂不能無煦嫗之舉。關於待議接  
延見之故商部所定科條。亦遂較他部稍合於理。各省商會。在今日。雖無左右國計之能。然  
使政府財用。日益窮乏。至於常年歲入。差負懸遠。則必有乞命於商之日。此時。各省商民。固  
可乘熾。以要政權也。之按觀其例如是然而。要求政權。固非絕無自立之能。即可獲得。又

社說

一百三十三

乙巳

社說

一百二十四

七月

非一蹴。可以致。及固當隨時。展發得間。即入切勿遇事。受給被虛爵。所籠絡。如近日勳績

蓋當閉關絕港之日。保守數千年之習俗成法。其自力固無由革新。即有革新之事。要不能  
有域外之觀。以收調劑之用。今既為他力所動。自力不足。且有喻化於他力之虞。此近日現  
象之極。可憂危者。而微察於政府意嚮。猶多消滅自力之舉動。以為他力驅除。故吾民救死  
之方。惟在伸張自力。捨此以外。絕非有可倚賴者存也。且政治之革新與否。他力之退斂與  
否。亦皆視吾民之自力。何若。以為程以近事例之。則數年前之爭俄約。絕無裨於事實。而頃  
者之爭美約。則政府不能不稍有容納。外人亦不能不稍有踟躕。斯固可為自力伸張之機  
牙。惟須有堅忍不拔之志。以殿其後。則豈惟一二事實受其福。他日政治之革新。與憲令之  
確立。亦將植基於此矣。

崔東壁學術發微 本社撰稿

雜照

中國禮經所存者。皆三古制度。占古史一大部分。其文繁縟。以是施於教科。當依戴東原七  
經小記之義例。條列各事。取古說之可信者。以著明其因果。凡關涉一羣之大事。如封建井  
田宗法。如冠昏喪祭。如明堂寢廟。一為之疏明。使古代制度。犁然在目。讀者之精神。能與

三古相接愛國之念自然據發承學之士又得有稽考不致誤用功力實為今日制作之大業也。出接段若傳說文注之旨制度者而為其今人編國史教科書能明此意者蓋寡故其所成。大率不甚完備於上古羣治多致荒疏。近二百年中國治化誠無臻進可言而學界中亦有差勝於古者一事則考訂是也。就其善者言之如江戴修撰程原東其言皆具條理界說與名理無稍差忒彼其所標之義所析之詞融會貫通必求其審嚮使四子生於今日獲聞科學得讀西書其所成者甯止如是又使今人能如四子之搏精不為價薄之行剽掠無恆則所被之功決非如此日學界之幽暗矣。當海禁未通之日學者耳目封於域內由今觀之四子之說固猶未能離於蒙蔽然彼當立說之時固嘗折衷百氏定為一宗條理綦嚴絕不少悖於自立界說試取通藝錄觀之則程氏心思之縝密條理之精嚴誠不讓於亞丹斯密特言之切於世用者有合有離斯為異耳。然晚近法律禁言時政稍涉及者無不一啟口而大禍隨之則固不能為程氏咎也。然則彼四子所專攻者與西方科家之用心甯有異乎。大名崔述為乾嘉時人。崔氏生於乾隆二十一年其生與江戴金程相先後覺百家之言古者多有可疑乃殫一生精力成考信錄三十六卷其書考核古事與史學極有關切二十六卷部分前錄正錄後錄前錄為考古提要二卷補上古考信錄二卷正錄為唐虞考信錄四卷夏

社說

一百三十五

乙巳

社說

一百二十六

七月

考信錄二卷。商考信錄二卷。豐鎬考信錄八卷。洙泗考信錄四卷。後錄為豐鎬考信別錄三卷。洙泗考信餘錄三卷。孟子事實錄二卷。考古續說二卷。附錄二卷。更有王政三大典。言正朔禘祀經界三事。與考信翼錄諸作。向僅見滇南陳氏名履和為所刊唐虞夏商考信錄與孟子事實四種。比年日本治史學者那珂通世取其全書刊諸彼都之史學會。誠以其書為考求漢族古史不可不涉。歷者也。崔氏書成。自為諧語以評之。曰薄皮爾。蓋北方有諺。於人之科名不遂。僅以舉貢終身。與仕宦以州縣畢世者。皆稱薄皮爾。其意以為靈有強弱。爾有厚薄。而人之樹立淺者。謂之無成不可。謂之有成。又瑣屑不足道。故曰為薄皮爾云。崔氏仕宦不達。僅為福建羅源知縣。廉介自持。不驚聲氣。故無相知有勢力者為之推挽。而其名不顯。其學亦闇然無稱於人。今讀其書。雖有通有蔽。然彼自標界說。取舍極嚴。曾不相悖。枝幹型然。明白曉暢。尤不差於名理。如科學家之立言者。蓋當時所謂漢學。頗傷繁蕪。誠如漢今文家之陳說。指事言過百萬。故學者引為詭病。至於今日。則幾於無人道及矣。嘗謂彼時風尚所稱漢學者。不特其名非也。其用心亦悖。若名為考訂。考訂之名亦惟江蘇金則無在無時無往而不須此。蓋世間之事物。物古古今今去偽存誠。必資考訂。此不獨吾國之學然也。即西學亦然。試取彼都巨子之聖立言。陳論於一事一物。無不有鈞稽商榷之情。著於

言象之外及至折衷。至當剖析疑似。必列佐證。以為符驗。斯考訂之道。尚焉。蓋為一切學術之通例也。

崔氏嘗自述其為學之方。見考信曰。凡人少所見則多所誤。多所見則少所誤。並引唐人衛退之餌金石死。而白香山詩有退之服硫黃一病。訖不痊二語。宋人雜說遂謂韓退之作李于墓誌戒人服金石。而自餌硫黃。蓋由作者僅知有韓退之不知復有衛退之。皆所謂少所見多所誤也。又謂今人之情好以己度人。以今度古。至於貧賤富貴南北水陸通都僻壤亦莫不互相揣度。往往逕庭懸隔。終不自知。又云俗諺譏人過於細問曰打破沙鍋問到底。然余所見所聞大抵皆由含糊輕信而不深問以致僨事。未有細為推求而僨事者。其言皆足為淺妄人下一鍼砭。是則不特崔氏之書闡前人未發之隱。有功於史學。即彼為學之意亦足為少年進德修業之助矣。且其著書義例。殆與戴氏殊塗同歸。絕非炫鬻之夫矜奇釣博。累筆萬言而無宗趣者。可以企及。故其自標新例。援引證解。皆為界說之注脚。範圍精嚴。曾無一語僂馳於界說外。在當日錮僇之世。得此已難能可貴矣。嘗見十七世紀英文史學界

極多蓋今日科學之發明多為彼時所未夢見宜其言之如此

論中國人民之可用 錄乙巳四月二十六日大公報

社說

一百三十七

乙巳

今之憂時之士。見國勢之不振。痛外侮之迭乘。人心泄沓。苟且偷安。輒曰中國其不足有爲乎。中國人其一無可用乎。立於今日以測將來。非曰將爲印度之續。卽曰將爲波蘭之餘。歷千萬劫終不能復者。其惟此老大帝國乎。嗚呼。斯言也。何其趨於極端。而委心任運至於如此也。夫今日中國之現象。合觀團體。分觀個人。似乎難望振作。不足圖存。然試平心察之。覺中國民族。誠非久居人下者。中國民族之材智。誠非迥不如人之材智。祇以受數千年來腐敗之習俗。聞數千年來錮蔽之學說。遂至安於故步。無進取之志耳。設若一旦教育普及。社會改良。則前途遙遙。正未可量。吾念及此。吾不禁神爲之王。日人德富蘇峯曰。憂國者喜言國人之短。愛國者喜言國人之長。吾竊附於愛國之義可乎。

中國者。世界發達最早。開闢最先之國也。有二萬萬方里之土地。有四萬萬秀淑之人民。有五千年傳來之歷史。此種特色。求之世界各國之中。殆不一見。只以前此大地未通。環立四隣者。皆劣等野蠻之國。遂至其人民傲然自大。芸芸以生。昧昧以死。不知世界間有何景象。及一旦海禁大開。強隣四逼。遂至屢受挫折。有僥焉不可終日之憂。雖然。旣擁如此國勢。旣受如此孕育。則其造出之國民。萬無蠢如鹿豕之理。若能順其勢而利用之。則出而與世界列強競爭於各大陸之上。則逐鹿中原。誠未知鹿死誰手。無如教育不興。民智未啓。遂沈淪



於極悲慘之境地。然而其特長之點。終不可沒也。吾欲述我國民之可用。吾當先述我國民之所長。

立國之要素有三。一曰民德。二曰民智。三曰民氣。三者存則國存。三者亡則國亡。此殆不可逃之公例也。我中國人民。以道德言之。誠不可謂無缺點。雖然。此非我國民之咎也。以二千年之歷制。霸主鋤之。風俗錮之。遂釀成如此之現象。然此不足為慮也。立於世界之上。苟屬人類。未嘗不具有一息之天良。若能引而伸之。則公德私德。皆可由此成立。否則若陽莩而陰鋤之。無論何人。未有不枯亡者也。況乎智慧與道德相為表裏。苟無智慧。則殆無道德之可言。王陽明曰。德者智之熟也。中國民智未開。故道德不能進步。若一旦教育興。民智啓。則人民受其訓練。不及三四十年。必一洗其舊弊。此吾所敢斷言者也。西人以天然無道德之言評之。未免失於過苛矣。

中國人民之智慧。不劣於西人。此固人所公認也。周秦之時。學術獨立之發達。已不必論。即以近世言之。如徐項之算術。發明新理。已默合於西人。又如譚瀏陽之思想。出乎九天。入乎九淵。雖以置之泰西諸大儒中。誠不足置齒。然當二十年前。風氣未開。泰西精神之學術。吾國人固未嘗夢見。而瀏陽獨能有此思想。可不謂奇乎。然此不過就學藝大者言之也。此外

留學生之屢列優等。得西人之美評者。幾於書不勝書。此而謂民智之低下。不足有爲焉。可乎。不甯惟是。旅居外洋之商人。目未見商業之書耳。未聞商業之學。而亦能與西人颯逐於商戰之場。尙亦足以自立。嗚呼。以此觀之。吾國人之知識。殆未嘗全不可用也。

西人評中國人曰。生而怕死。嗚呼。中國人豈真怕死乎。如燕趙之郊。齊豫之地。其人民慄慄決死。誠不下於西人。故每次之械鬪。決死者。以數十計。卒未曾少挫者。此安見民氣之不可用乎。雖曰。怯於公戰。勇於私鬪。似近於野蠻之暴動。然以無教育。無知識之民。守其遺傳之氣概。誠不能免。此要不得謂之民氣之懼。而不振也。況乎西人之勇於公戰也。知國與一身之關係。保國卽所以保身。故爲國而死。當有莫大之榮譽。在吾中國人未受完全教育。向無國家思想。并不知吾身與國有切膚之關係。且兵之一字。又爲社會之所不齒。以此之故。民氣雖強。欲用之以爲公戰。是無異却行求前也。誠能反其從前之所爲。提倡而利用之。則以械鬪決死之心。用之以殺敵。致果恐列國雖強。當無如之何矣。

由上所述者而觀之。中國人民。其足有爲乎。不足有爲乎。不待智者而後知也。雖然。歐風亞雨。咄咄逼人。德則進兵於山東矣。俄則進兵於新疆矣。日俄之戰事一終。中國之禍事方始。吾國人雖具有如此性質。則提倡利用。當在數十年以後。而以今日之現象言之。列國鷹

虎視。豈能我待乎。吾雖愛我祖國。吾雖愛我同胞。知其尙有一二之特長在而發表之。然丁此危運。勢成累卵。徒自誇大。無異說食求飽。空言亦奚以爲。吾念及此。吾神氣又爲之一挫。吾更不知涕泣之何從矣。

論今日社會之無直道 錄乙巳五月初五日時報

昔郭筠仙侍郎有言。中國歷史之風氣。以名利兩途爲循環。自三代而降之民俗。則西漢人好利。東漢人好名。唐人好利。宋人好名。元人好利。明人好名。本朝人好利云云。此固近日所稱述之名言也。而記者之意。則謂世之人賦形秉氣。本非大殊。固未必有犧牲其爲利之實。而以徇夫虛名者。其所以好名者。必其於名之中。別有所利。可以補償其所失。然後有所爲。而爲之。蓋因名而可以得利。其好名亦即所以好利。特其所謂利者在精神。而不在于形質。較世俗之所謂利者。略高尚耳。而其所以能如此者。則以當日社會猶有真知灼見。於是非之間。而毀譽不爽之故。是故凡人具高潔之行。謹直之風。而有所建白於一世者。及其因此蹉跌。則社會之公論隨之。而其人乃爲舉世之所崇拜。天下想望丰采。其於鄉里之間。士林之列。亦必有特別爲謀。以贍其身世者。故其人可無後顧之患。凡此種種。皆名與利之並行不害。而有識之士。所以不憚於徇名者也。今即以東漢與宋明而論。黨錮之獄烈矣。而當時之

人。其所以視顧廚俊及之羣彥者。則何如。延祐之禍深矣。而當時之人。其所以頌涑水潞國之諸賢者。則何如。緹騎之至不絕。厥司之人相望。而當時之人。其所以致敬盡禮於被害諸人者。則又何如。惟社會之待之如此。故其所以報社會者。亦烈蹈白刃而如飴。甘九死而無悔。是皆有所勸而然也。是所以犧牲其利以徇夫名者。惟其於名之中。亦有所以爲利者也。如是者。則自愛之士有所激勵。以躋於賢而不肖之徒。猶不能不有所畏而略存顧忌。且社會之是非毀譽。不至爲在上者之威怒榮辱所移。則專制之患。賴此以稍稍抵拒之。而其害猶有所極。其關係亦至深且微矣。而觀諸近世。則其事乃有相背而馳。而並此一線之是非毀譽。亦幾於是絕者。蓋就中國之歷史而論。其人之不好名者。未有過於本朝。而本朝則又莫甚於今日。究其所以至此。則靡不由社會之風氣。有以尸之。今以朝列言之。則前此京朝之中。尙有一二人以直言稱者。外官之中。尙有一二人以儉節著者。而此五六年間。則皆闕然未聞矣。以如此者。則人不以爲迂。卽斥爲僞。而如此等人者。亦惟廢然而自止也。以士類言之。則往時一邑之中。必有經經自守之流。一鄉之內。必有篤於內行之流。而此數年以來。則亦絕迹不覩矣。以如此者。則不繩其美德。而反詬其自高。而如此等人者。亦遂與時而俱化也。而反是以求之。則有某某之役。爲敵內導之人。至今日且廁身於交際社會。其名

譽加隆。其人亦處之無愧色。而此外賣礦鑿路之諸人。其爲世人所歡迎而樂交也。亦如故。此等風氣。蓋自庚子以後。而其效愈明。如水斯激而潰其隄防。如火方然而離其薪燎。讀于令升晉紀總論。可以知其所來矣。夫以中國之爲。歷代專制政體。其政治得失之所在。本無定評。而數千年來。所以持此道德倫理於不壞者。惟恃此社會之是非毀譽。以稍存公論。而竭蹶以維持於不敝。乃馴至近日則並此而失之。國羣之不散者。幾何也。此則君子所以有陸沉之嘆者矣。

論日俄戰局結後中國之危險 錄乙巳五月初八日時報

嗚呼。吾國上下之無遠謀也。自俄據東省之問題起。我國瑟縮退讓。置之不論不議之間。於是日本獨力奮興。以局外之國。起而宣戰。勞師糜餉。以與強俄爭一日之短長。而我國反布告中立。以地主而自安局外。放棄東三省於版圖之外。一聽交戰國之蹂躪。絕無措置。以爲保存主權之方法。識者早歎其先事之失策。而後患之勃發。爲不可測矣。然則今日關繫全局之安危。而事之至重且大者。孰有甚於日俄戰事結後。中國外交界之一大變動乎。夫日俄之戰。爲爭東三省起也。俄之據東三省。自中俄密約起也。我國政府及早不自保全。事至又不能聯日拒俄。奪回其已失之土地。致令日人以全力備戰。賭全國安危於孤注一擲。至

令有所藉口。而我無詞以相詰問。此我國之失著也。今者俄已戰敗。固決其無吞併之虞。而日人以獨起抗爭。勞民傷財。亦豈真肯拱手而讓。迨其後。或至主權盡失。形式徒存。此亦事之非必無者。然此局若成。實關係中國全國之存喪。何者。各國經營遠東。如持滿之待發。而莫不視日俄戰事之結束。以定施行。一旦與日本交涉。而處置不當。則各國主見既定。妬羨交生。羣以保全均勢為名。競起為越俎代庖之舉。要素之事。愈繁。侵略之機。益逼。權利之攘奪。政治之干預。勢力必加膨脹。行見和約一定。列強相因而起。必將舉其視線。所注輿論所陳及其夙昔所研求而籌畫者。一以見諸實行。禹域四百州之版輿。不足供其借箸而滅國。新法實已寓瓜分於保護之中。中國之患。將有不可思議之虞。此事勢之可慮者一也。又若俄人抱敗兵之忿。西方雄國之望。一旦墜地。必不甘蟄伏一方。以失其平日之威名。而侵吞中國之野心。必將益熾。則失之東隅。收之桑榆。既見敗於日。必尋釁於我。不得志於東。將窺伺於西。而西北邊陲。興兵據地之事。又勢所必至。蓋俄人素侮中國之弱。而知改道西侵之別無阻力也。是以遼東之兵事未了。而西域之警報迭來。今者又公然進兵蒙古。侵犯伊犁。以為先發制人之計矣。向令淹積旬日。逐加整備。如東三省之事。以預扼險要。厚蓄兵力。及至東事既罷。引兵西行。北收蒙古。以西取新疆。兵鋒所及。易如拾芥。然後乘勢東出。以爭黃

河。方。向。之。領。土。吾。知。日。人。和。議。已。成。未。必。重。整。師。旅。以。迫。彼。於。危。英。雖。顧。全。印。度。而。事。非。切。已。豈。能。踰。天。山。度。沙。漠。以。撓。俄。之。鋒。銳。斯。時。爲。中。國。計。欲。戰。則。已。落。人。後。不。戰。則。立。致。危。亡。而。思。乞。援。鄰。國。據。理。與。爭。而。猛。虎。貪。狼。非。口。舌。所。能。爲。力。吾。知。俄。計。既。售。而。一。國。得。地。各。國。效。尤。不。獨。素。主。侵。略。之。法。立。必。規。佔。雲。南。襲。據。兩。粵。以。握。南。部。形。勢。之。雄。卽。號。稱。保。全。之。英。亦。將。先。併。西。藏。進。取。四。川。以。規。長。江。流。域。之。利。其。他。德。意。等。國。雖。立。足。未。廣。亦。皆。眈。眈。思。逞。捷。足。爭。先。不。得。已。嘗。鼎。一。鬪。視。向。隅。爲。稍。勝。如。是。則。瓜。分。之。勢。成。雖。有。智。者。無。以。善。其。後。矣。此。時。勢。可。慮。者。二。也。且。夫。日。俄。戰。役。之。關。繫。中。國。存。亡。也。雖。至。愚。莫。不。知。之。今。其。端。倪。已。露。以。天。傾。地。陷。之。時。死。生。呼。吸。之。際。直。如。救。火。追。亡。不。容。稍。緩。此。正。我。國。人。所。當。合。羣。同。仇。以。爲。預。備。者。也。而。乃。上。下。昏。迷。各。執。其。得。過。且。過。之。謬。想。如。夢。如。癡。懵。不。知。大。禍。之。將。臨。漠。然。無。所。動。於。其。心。以。徼。倖。人。之。不。吾。吞。噬。抑。可。謂。無。腦。筋。無。生。氣。而。不。知。死。所。者。矣。今。者。事。已。急。矣。所。望。我。政。府。我。國。民。大。夢。速。醒。各。謀。自。保。之。策。以。對。付。他。人。之。舉。動。勿。待。事。之。既。發。張。皇。失。措。自。蹈。於。危。敗。之。地。或。者。猶。有。一。線。之。救。不。然。事。機。已。迫。抵。制。無。及。外。人。執。其。鐵。血。主。義。以。見。施。行。迅。雷。疾。電。同。罹。傾。陷。九。幽。沈。淪。萬。劫。不。復。我。世。世。子。孫。亦。長。受。牛。馬。奴。隸。之。辱。已。耳。方。輿。雖。大。必。無。視。息。之。地。芸。芸。黃。種。甯。有。幸。耶。竊。不。能。忍。敢。告。斯。言。若。夫。處。置。之。方。其。

社說

一百四十五

乙巳

事重大。則非著者此論一二語所能盡矣。

社說

一百四十六

七月

論真守舊者之可貴 錄乙巳五月初十日中外日報

庚子以前。求維新黨難。求守舊黨易。庚子以後。求維新黨易。求守舊黨難。是豈維新黨之日加多。守舊黨之日加少。爲民智漸開之徵哉。蓋其間實已易位矣。昔之守舊黨。今且似乎維新黨。昔之維新黨。今又似乎守舊黨。而維新守舊之間。遂令人閃爍模糊。而不能知其實際之所在。論者惑焉。雖然。無所庸其惑也。蓋所謂守舊維新云者。若其名真與其實相符。各皆挾其所謂新與舊之據。而一旦易其所守。則誠足以爲天下惑。而今之所謂維新守舊云者。不過一時偶立之名詞。名與實初非不可離也。其時過境遷而行事大異。亦固其所矣。溯我國當十餘年前。雖已與外通者數十年。而內地士大夫。尙不知世界爲何物。相與蹈常襲故。安其不知不識之常。然西力之東漸已逼。西人之來者。亦往往遂譯書籍。以餉中國。而中國穎異之士。得見其書。而深信其說者。亦不乏人。此等之人。其初無所謂政策也。偶然讀其書。通其理。以爲可信。時亦稱道之而已。而乍聞其說者。詫爲大不然。見解不同。爭辨生焉。爭辨不已。意見出焉。於是始有類乎黨派者矣。迨其後事機愈近。端倪愈著。天下之人。無不知其然。惟各人勢位不同。而主張遂異。新者處未定之天。故每言改革。舊者皆已成之局。故每言



保。守。以。不。相。容。之。見。解。而。同。出。不。兩。立。之。機。關。利。害。不。同。生。死。分。焉。生。死。不。同。報。復。起。焉。於。是。始。真。有。黨。派。矣。蓋。新。者。有。黨。而。舊。者。無。黨。舊。之。名。黨。對。乎。新。者。而。名。之。也。徒。以。當。時。一。切。議。論。規。畫。於。此。兩。不。相。容。之。人。不。能。不。有。以。名。之。而。守。舊。黨。之。名。遂。藉。藉。於。人。口。其。實。若。輩。無。所。謂。舊。自。亦。無。所。謂。守。昔。之。時。因。不。見。不。聞。不。知。天。地。為。何。物。聞。有。言。新。事。新。理。者。羣。以。妄。人。目。之。充。其。量。不。知。世。界。之。有。歐。有。美。蓋。不。信。其。所。見。所。聞。之。外。尙。有。別。事。也。今。之。日。因。鐵。路。電。線。輪。船。洋。房。之。具。日。接。於。其。目。割。地。賠。款。開。租。界。索。路。礦。之。事。日。接。於。其。耳。遂。覺。外。人。之。不。可。不。畏。新。學。之。不。可。不。談。然。充。其。量。不。知。人。之。何。以。為。人。我。之。何。以。為。我。猶。之。其。前。之。不。知。歐。美。黃。白。之。說。之。心。而。已。非。有。變。也。不。過。其。習。見。習。聞。者。異。而。其。趨。向。亦。異。耳。而。前。之。號。為。新。黨。者。則。漸。出。幼。稚。時。代。而。經。驗。漸。多。昔。之。以。新。理。為。無。與。尙。者。今。則。知。國。粹。之。不。可。棄。昔。之。以。口。口。為。必。可。倚。者。今。則。知。口。口。之。必。有。辨。是。已。居。然。一。守。舊。黨。矣。是。二。者。前。與。後。皆。無。所。變。也。然。則。當。有。所。軒。輊。於。其。間。耶。吾。以。為。皆。不。必。也。蓋。人。類。之。中。亦。有。所。謂。普。通。者。有。所。謂。特。別。者。風。會。將。開。艱。危。將。濟。則。特。別。者。為。之。先。而。普。通。者。隨。其。後。此。自。然。之。理。安。得。望。人。人。之。具。特。識。哉。故。吾。儕。論。事。當。重。責。特。別。者。而。寬。恕。普。通。者。總。求。其。有。心。得。而。已。若。夫。得。外。人。之。一。名。一。物。不。問。乎。本。心。之。安。不。求。諸。歷。史。之。理。而。以。為。中。國。不。足。復。齒。及。則。非。

社說

一百四十七

乙巳

真奴隸而誰哉

社說

論中俄於世界之關係 錄乙巳第十四號外交報

自人之日用日奢非兼并他人不足以自給而世事之競爭烈自達爾文物競天擇優勝劣敗之說揭於天下標此為惟一之宗旨人人知非賊人不足以自昌而世事之競爭益烈此十年來之事吾人蓋已日擊之且身受之矣非真所謂五濁惡世哉然推原其故由天事之莫逃者居其半而由人事之未修者亦居其半天事不可更而人事則未嘗無變革之理間嘗觀於日俄之戰推其所從來測其所終極而得其關係於全世界之理焉

中國專制之大國也俄國亦專制之大國也其政教同故其風俗亦同專制之體民無代表者以參國政常以一人監督全國而一人之聰明終不足以洞察全國也故常扭於一

二端之事以為一事如此即萬事莫不如此中國偶鑒於道光咸豐之敗而以爲西人之必不可敵俄國偶鑒於拿破崙土耳其之勝而以爲列國之無不可欺故以俄國與中國遇俄國必常出於貪中國必常出於讓於是俄人一舉而得東海濱之地再舉而得東清鐵道之敷設權三舉而得旅順大連灣之租借地四舉而占滿洲之全境而於其中間窺伺蒙古新疆西藏諸地其陰謀祕策又時時莫息設使世界無各強國而聽中俄自行交涉於其間則

中國非盡爲俄有不止德法之與俄聯合誕於俄利而欲順而分之也俄不動則德法不先起也日英美之與俄反對怵於俄勢而欲逆而制之也俄不動則日英美不作也其理一也列強之於泰東旣因中俄而成此形勢列強之於泰西亦因泰東之勢而自成其配置之方法爲德敗常懷憂懼且圖報復亟結俄以制德之背德介俄法之間爲所牽掣且與英相忌故有時亦不能不與俄表同情然而俄德法聯盟則其勢固有所未可也見利則合無事則分如是而已英因在中國商務極盛頗不利於中國之被人瓜分遂與俄南下占地之策適成反對美之國情亦與英相若日本地形本襟帶於滿韓之間倫韓與中國北方一旦爲俄所得則日本卽不衰亡亦必難求進步其不得不與俄人爭一日之命者勢也而英之與美亦遂不能不與之表同情矣此所以成英日聯盟俄法聯盟德奧義聯盟之局也如此故千支萬派滙而爲日俄之戰則謂日俄戰前之卅局皆俄人尸之可也

由千萬之原因而得日俄之戰則再由日俄之戰以造千萬之原因其事之複雜善變非聖智莫與知也今就其已見端者而言之則全世界之配置將因日俄之戰而全易何以言之法人前由欲報德仇故不能顧專制共和政體之相反而與俄國聯盟其所望於俄者能使已伺便得還德侵地也故不惜以鉅億資財假於俄國乃俄人用法之財前後相繼不可數

社說

一百四十九

乙七

計。而。於。法。之。所。希。望。迄。不。能。得。其。端。倪。法。人。固。已。心。非。之。矣。而。以。前。之。貸。之。者。已。重。莫。能。輕。絕。也。至。於。今。日。俄。人。之。兵。力。如。此。內。政。如。此。既。已。顯。揚。於。天。下。計。其。國。勢。即。於。今。日。起。厲。精。圖。治。以。期。改。良。斷。非。三。四。十。年。不。可。此。三。四。十。年。中。自。願。不。暇。斷。無。餘。力。以。願。同。盟。國。也。至。此。而。法。人。望。俄。之。心。絕。矣。英。人。窺。其。如。此。遂。於。去。年。微。露。與。法。相。親。之。意。而。法。人。果。應。之。如。響。於。是。英。法。日。同。盟。之。基。礎。不。得。不。時。時。與。法。固。為。世。仇。而。與。俄。亦。不。睦。俄。人。忌。德。之。心。甚。於。忌。英。俄。又。與。法。聯。盟。德。人。不。得。不。時。時。與。法。固。為。世。仇。而。與。俄。亦。不。睦。俄。人。忌。德。之。心。甚。於。忌。英。已。一。敗。塗。地。北。方。自。此。不。足。復。慮。不。難。大。舉。南。下。以。一。快。與。俄。代。興。之。夙。心。其。南。下。之。方。則。欲。由。奧。以。侵。土。而。占。海。權。今。奧。皇。佛。蘭。約。塞。第。一。老。矣。奧。國。民。種。最。雜。合。十。餘。種。以。為。國。斯。拉。夫。種。德。意。志。種。匈。牙。利。種。最。有。力。其。志。願。各。不。同。時。有。分。裂。之。象。奧。皇。一。旦。捐。館。則。其。民。殆。無。不。分。者。德。人。當。此。之。時。即。利。用。其。同。種。者。以。分。割。奧。境。而。使。得。通。過。土。耳。其。德。之。於。土。聯。絡。已。久。一。旦。接。壤。以。為。所。欲。為。自。沛。然。莫。之。能。禦。其。東。出。者。由。東。土。耳。其。以。達。波。斯。灣。其。西。出。者。由。巴。爾。幹。以。達。地。中。海。而。英。人。之。勢。力。從。此。挫。矣。此。德。人。之。素。志。也。德。既。如。此。則。義。國。亦。將。自。附。於。英。法。日。聯。盟。之。內。而。德。勢。且。孤。其。懼。而。變。計。耶。其。逕。行。而。大。敗。耶。其。逕。行。而。全。勝。耶。殊。竊。真。不。可。測。也。然。而。全。地。球。之。面。目。則。又。一。大。變。矣。雖。謂。日。俄。戰。後。之。世。局。皆。俄。人。尸。之。可。也。

雖。然。俄。國。之。於。世。界。其。位。置。當。如。此。而。中。國。之。於。世。界。其。位。置。當。何。如。中。國。而。強。則。世。界。之。形。勢。又。變。其。或。者。近。於。太。平。乎。

社說

一百五十五

七月

商務印書館出版  
格致類教科書

學務大格致教科書

洋裝一册  
價洋五角

本館編譯○格致之要世人皆知新定學制各學堂皆有此科可知其要本館特借通才編為是書首總論二物質三熱學四光學五聲學六電學七磁學八重率密率彙輯名案采輯善華簡要不煩最便初學

學務大化學教科書

洋裝一册  
價洋一元

英國史砥爾著山陰謝洪寶譯○化學教科書無善本本館特請謝君取史氏最新刊本譯成是編綜觀全書蓋有三善一極詳功用最宜實驗二撮要發問易於記誦三證繁圖瞭瞭便自修可為化學善本矣

學務大生理學教科書

洋裝一册  
價洋二角五分

本館編譯○是編以法儒包培爾原著為本旁採他書略加增損分論行動養生覺悟諸具由人及物逐事闡明次章更推及植物尤足以見生理之善變辭旨淺顯最便初學

學務大鑛質教科書

每部一册  
價洋二角

本館編譯○我國鑛產甲於全球近議開採需材尤亟本館據日本鑛學諸書輯為是編皆舉其最要及應用必需者言之共分四章圖繪詳明

學務大鑛物學教科書

每部一册  
價洋二角

本館編譯○是編與前書性質不同前書注重綱要此則條分縷析務便學者書分二編上編為鑛物通論詳於形體理化下編為鑛物分論詳於品類區別與前書有相得益彰之用

商務印書館出版  
各種教科書

學務大臣審定  
大論理學綱要

每部一册  
價洋四角五分

日本十時彌著江陵田吳焯譯○論理學吾國舊譯辨學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句辭字酌務合原意而詞旨曉暢亦能不為原文所束縛

學務大臣審定  
教育心理學

每部一册  
價洋三角五分

日本高島平三郎著江陵田吳焯譯○教育程度必以心理為衡否則躐等以競必傷學者腦力求益反損我國教育近始萌芽各學堂學科程度亟待參酌故斯學尤關緊要是書著者自序謂力求平易便於自修田伏侯先生亦謂為從事教育者不可不讀特代本館繙譯詞達理舉足供教授

東西洋倫理學史

每部一册  
價洋六角

日本木村鷹太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論畢載可謂集倫理學之大成矣

泰西學案

每部一册  
價洋一元二角

桐城王闓金廣周流同編○是書輯泰西學術各家凡四十人皆膾炙人口著作極多其發明之理論實事為後世學者所祖述稱引者書中記錄極詳凡研究學問者實不可不備也○書本明權社出版現版權已歸本館并此聲明

諭旨

五月初二日至二十九日

旨浙江金衢嚴道著王棹補授福建甯縣知縣著陳福謙補授四川崇甯縣知縣著蔣積文補授湖南石門縣知縣著  
 殷廷鶴補授廣東合浦縣知縣著方積驊補授四川名山縣知縣著李士則補授陝西靖邊縣知縣著王沛榮補授浙江  
 餘杭縣知縣著李孝先補授江蘇如皋縣知縣著周景濤補授安徽蕪湖縣知縣著沈寶琛補授湖南東安縣知縣著彭  
 士荃補授雲南河西縣知縣著滕竹補授截取舉人朱廷英著以知縣用王培之著以教職用李文波著以教職用于紀  
 龍著以教職用鄭炳翔著以知縣用王允哲著以知縣用鄒人瀾著以知縣用湯人熙著以知縣用郭金範著以教職用  
 毛蔭蕃著以知縣用蔣勤周著以教職用刑科筆帖式著春華補授廩生振陞著以文職用崇讓著以旗員用張振鏞著  
 內用夏繼泉著外用慶格著內用秦會蔚著內用徐緒直著內用禮科給事中著王金鎔補授內閣中書著恒玉補授截  
 取刑部郎中羅維垣著照例用保送分發知府理藩院員外郎明祿工部員外郎孫燦煌俱著以知府分發省分補用保  
 舉山東候補同知李友鑫直隸候補知縣李文昇江蘇候補知縣高士彬江蘇候補知縣馮詠芝江蘇候補知縣楊元勳  
 山東候補知縣李自華湖北候補知縣祝華廣東候補知縣蕭芳衡廣東候補知縣張允楨奏留吉林候補知縣田升堂  
 俱照例用升補四川涪州知州陳偉勛著准其升補俸滿湖北襄陽府同知唐華國四川大甯場鹽大使龍淪泉俱回任  
 服滿前山東定陶縣知縣張懷信著不必坐補原缺開復前山東諸城縣知縣玉曾俊著准其開復原官仍發原省照例  
 用奏留吏部學習筆帖式英鑑著准其留部欽此 五月初二日

上諭雲南迤南道著張呈吉調補胡泰福著調補廣西右江道欽此 初八日

諭旨

三十一

202

上諭華良奏因親病請先行交卸回旗等語華良著准其交卸回旗西甯辦事大臣延祉未到任以前著胡孚駿暫行護理欽此 十一日

旨榮兆溥佩常福奎華著賞給二等侍衛吉順恩來同春鐵柱著賞給三等侍衛英惠秀昆瑞康世彬著賞給四等侍衛均在大門上行走欽此 旨慶生源續著以文職用維賢著以七品筆帖式用廣厚著以文職用翰林院侍講著文華補授擬補內閣中書尚椿著重慶梅俱准其補授分發浙江道盛傳會福建道程祖福江西道陶在銘江蘇道周鳴阜河南道林志熙江蘇知府胡椿年四川知府沈繼賢河南知府丁松年雲南同知全煥榮直隸同知胡鏗授福建同知許文勳河南同知張士怡山東同知卞鐸孫山西直隸州知州劉堯霖山東直隸州知州蕭俊生安徽直隸州知州蔣師尹陝西直隸州知州榮椿 天知州金錫三直隸知州韓炳樞山西知州吳杜湖北知州姜繼襄江蘇通判謝珪河南通判蔣鴻恩雲南通判李德暉河南通判張濟臣江蘇知縣劉有光陳誠查鍾泰浙江知縣李景枚山東知縣周德蔚萬大勛福建知縣包謙江西知縣來寶書安徽知縣楊承孝浙江知縣吳寶樹福建知縣張嘉瑞湖北知縣朱兆瑜陳祖綸汪仁溥屈耀琨蕭朝漢湖南知縣丁贊熙廣東知縣邱紹文廣西知縣聯浚四川知縣陳象離黃壽嵩高愷楊嘉修會稽河南知縣舒紹伊山西知縣馮盛世廣東鹽大使施官絨山西鹽大使涂瑩兩淮鹽大使吳本鑑俱著照例發往俸滿保送吏部郎中載林著內用保送分發知府兵部員外郎清保著以知府分發省分補用升補山西甯武府知府桑來著准其升補卓異升補山西歸化城撫民同知樊恩慶著准其升補於通判任內卓異加一級保舉四川知府劉樹械直隸知縣德潤山東知縣余道密山東知縣蔣有恒俱照例用盛京工部員外郎著容謙補授截取內閣中書撰賢慈蕭立圭俱照例用吏部驗封司員外郎著楊敬遠補授吏部留吏部學習筆帖式張長保著准其留部欽此 諭旨本日引見之明保江西補用



知府曹樹藩著於念四日預備召見欽此 十八日

上諭周馥奏提督懇請終制一摺潘萬才著准其終制貴州提督著劉光才補授欽此 二十一日

上諭本日召見道員用江西補用知府曹樹藩著交軍機處存記欽此 上諭朱祖謀奏因病懇請開去學政差使一摺

廣東學政朱祖謀著准其開去學政差使欽此 上諭廣東學政著于式枚去欽此 旨左翼監督仍著訥欽泰接管右

翼監督著薩廉去欽此 二十四日

上諭禮部奏請考試出洋畢業學生一摺著於六月初二日在保和殿考試欽此 上諭禮部奏萬壽聖節禮儀一摺著

在仁壽殿行禮停止筵宴餘依議欽此 二十五日

上諭崇禮奏假期屆滿病仍未痊懇請開缺一摺崇禮著准其開缺欽此 上諭鐵良著調補戶部右侍郎兼管錢法堂

事務兵部左侍郎著增崇調補欽此 二十七日

上諭大學士王文韶當差多年勤勞卓著現在年逾七旬每日召對起跪未免艱難自應量予體恤著開去軍機大臣差

使以節勞動欽此 上諭署兵部左侍郎徐世昌著在軍機大臣上學習行走欽此 旨著著著調補廂黃旗滿洲都統

所遺廂黃旗蒙古都統著訥勒赫補授欽此 二十八日

上諭署兵部左侍郎徐世昌著派充政務處大臣欽此 上諭戶部右侍郎鐵良署兵部左侍郎徐世昌均著會辦練兵

事宜欽此 二十九日

卷  
首



三  
十  
四

七  
月

商 務 印 書 館 出 版  
問 答 書 館

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

詳載中國歷代史事自上古迄國朝上下數千年間依次敘述瞭如指掌並設為問答俾易明瞭實史學中最新最善之書每本洋二角五分

研究實學歷史為先但欲貫注古今於紀事編年等書中尤以問答體者為易明晰此編分上古中古近世一切大事無不備載每本洋二角

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋三角

地文為天然科學研究地理者不可不知若空中之水分陸界之組成生物之分布皆格致學之最要者是編詞簡意賅允推初學善本每本洋三角

泰西各邦莫不以研究生理為學術之要為衛生之源是編討論營衛出顯入微尤便推闡允宜家置一編以為強固形體之助每本洋二角五分

富國之學為當今急務是書取一切理總行為問答無理不達無蘊不呈盡人能讀教授初學尤宜每本洋五分

歷舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

商務印書館出版  
各種教科書

理財學課本

每部一册  
價洋五角

美國華克著上海類惠慶譯○我國財政困乏非人工物力使然實憲財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而述以淺顯之詞誠理財學之階梯也

哲學要領

每部一册  
價洋二角

德國科培爾著日本下田次郎譯山陰蔡元培重譯○哲學要領事理之祖宗教流別而惟物惟心有神無神兩派則同泰西富強胚胎於是是書統攝哲學之總念類別方法系統皆以最近哲學大家康德黑爾哈爾安門諸家之說為基礎發揮盡致且於古代哲學提要鉤元足示學者研究之法

新說教授學

每部一册  
價洋一角五分

日本嶺山榮次著本館譯○今各省皆設學堂而師範未立猶之帆船未備而欲駕舟以航海也其教育之不能適宜無待言矣師範學堂不易獨立而教授之法盡人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册  
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五選書專精六專精書選擇之標準七寫讀法及暗記法八撮要分法及解法九讀書之分量十讀書法雜則名言議論足資楷模閱之可知開卷之益

## 財政

光緒二十九年戶部進出款項表書後 錄乙巳三月二十一日中外日報

光緒二十九年癸卯。戶部進出款項表。並附細數清單。本館由傳鈔得之。其所載各款。雖在一年以前之事。然猶足爲近日考財政者最新之研究料也。表中所載用款。與皇朝文獻通考所記京師每歲用額。以乾隆三十年奏銷爲準者。比而較之。頗多異同。其昔無而今有。昔少而今多者。縷指難述。蓋百餘年來。世事遞變。致財用爲之牽率。此亦必至之勢。今不具論。惟就表中所載。則有欲質疑而獻替者數事焉。一曰內務府支撥之浮濫。據此表之所紀。各衙門皆間有借撥之款。然至多未有過二萬兩者。獨內務府所撥之款。乃至二十三萬兩有餘。其附屬之奉宸院。奉宸院爲內務府所屬內三院之一又撥六萬兩。此外更有燈隻銀十二萬三千七百餘兩。絨價銀九千四百餘兩。馬價銀八千五百餘兩。綜計之。已將至四十三萬。而如麥價卯銀等項。尙不在此數內。可謂鉅矣。記者查康熙三十九年九月。聖諭有云。宮中日用。朕交內務府總管。凡一應所需之銀。一月止五六百兩。併合一應賞賜之物。不過千金等因。聖德之儉。至今猶仰。今以內務府一年向戶部支款四十三萬。再益以表中所載賞賜一項。

六萬三千七百餘兩計之。則視康熙中葉之時。其增率已為一與四十一之比例。縱曰二百年來。物值之騰。貨價之長。有非當日比者。然極其所至。不過十倍止矣。何至有四十餘倍之多。又聞光緒十九年。戶部曾因內務府向部支款。較各衙門為獨多。曾具摺奏參內務府不知撙節。其時管理戶部事務大學士福錕兼管內務府事務。故於此奏獨漏不列衙門。疏入之後。內務府堂官頗受儆飭。然何以積至今日。內務府向戶部支取之款。仍較各衙門有十餘倍之懸殊。此皆證之舊訓。揆之成案。而有不可解者也。或謂戶部撥款與內務府本有定額。然以此表核之。似未確。夫以康熙年間。宮中用款。取之內務府者。既不過一月千金。使當時即以此懸為定額。以詔後嗣。則今者。縱以不敷之故而增加。亦何至浮於舊額。若是相遠。又使戶部於光緒十九年入奏之際。即乘此與內務府申明界限。凡某項之用。准撥若干。而此外。概不允支。借則縱不能盡免。婪索亦何至漫無節制。如此其甚。此則可為太息者矣。一曰頤和園經費之浩繁。此表所紀之用款。其為頤和園工程及購置物件等用者。合算有一百二十二萬餘兩。於一年之出款。幾佔其十分之一。二千九百餘萬。共然頤和園之經費。固不僅此也。頗聞各省所收土藥稅。每年合計一二百萬不等。戶部約取其十之二。其餘十之八。則皆撥為頤和園修理費之用。並不列入部庫進款之中。今觀此表所載。收入之土藥稅。祇得二十六萬餘兩。按之各省所徵土藥稅。必不止此數。則所

聞者確矣。然則以部庫之供款。與土藥稅之專款計之。是頤和園每年之所耗。已不下三百萬。說者謂。慈駕駐園之日。每日所費。皆近萬金。記者初以其言爲過甚。今一核計吏之報上者。而始知其信然也。玉食宸游。雖極盡珍養。亦何至若此之巨。是則左右近習之因緣。爲蠹致累。聖德者其罪爲不勝誅。而其肉爲不足食矣。一日。陵廟祭祀典禮之繁數。考一表之中。如祭祀果品。如東西陵惠陵工程。此外又有所謂活計器皿等類。益以守陵之官俸。暨辦公經費等。零星計之。亦有十八萬三千餘兩。夫中國既無皇室經費與國家經費之分。則此款之牽連而責之戶部。亦固其所。且加以宗教之習慣。則其於此等用項。亦固必不獲免者也。雖然。記有之。君子將營宮室。宗廟爲先。廡庫爲次。居室爲後。蓋既以鬼神爲教。則凡事必先奠其祖宗。而後及於己。此亦中國古今上下之通例也。今者部儲之支絀。亦已甚矣。入不敷出。歲恆在百萬以外。其於此等。陵廟之奉。祭祀之供。每歲近二十萬者。不知其如何竭蹶以籌之也。而如上之所言。頤和園一年之經費。乃有三百萬。則以宗廟與居室之先後例之。似可以稍稍挹注以用之於。陵廟祭祀。使司農得以暫寬者矣。度頤和園一切之用費。歲絀其二十萬。不過十五分之一。不足爲憂。而部庫歲免此二十萬之支出。則其隱紓民力者方大。此徵之於禮。而合揆之於義。而宜而顧。未聞有以此說進者。則大臣不學無術。

之咎也。一日一切購備諸事之太多。按光緒二十九年。距辛丑。迴鑾之時甚近。當兵燹之後。衙署之重興者。物料之補購者。在所必需。固不得以為甚病。然其不能核實之弊。則已甚矣。宮殿所用簾扇幔帳之價。乃至三萬兩。絨毯之價。乃至五萬兩。活計銀乃至三萬五千兩。所謂恭備要差陳設等銀。乃至九萬四千餘兩。合計亦不下二十餘萬。必謂事事得實。固非記者之所敢知也。或謂此等價銀。實用者不過十之二三。而其入於內監之手者。乃至十之六七。有不如此者。則彼且恣意挑剔。而原辦衙門。行且蹈重愆焉。此則社鼠城狐。去之匪易其弊。又由於政體所成者矣。總計是年入款。通共一千四百五十萬。出款。通共一千五百五六十萬。出入不相抵者。百萬有餘。而其用之於皇室費者。約二百四五十萬。居全數八分之一焉。使節而用之。畧加簡核。但取其半。諒必可足用。而部庫之會計。固已裕矣。日言節儉而察其實。則浮耗。乃若是嗚呼。噫嘻。

論粵督籌議禁賭 錄乙巳五月初六初七日時報

粵督岑春帥。憫賭禍之毒害粵民。乃議切實整頓關稅鹽課。以其溢款。及銅元局贏利。撥抵賭餉。以禁粵省一切賭博。見方在籌畫中。嗚呼。續廣東數百萬人。垂絕之生命。而蘇其生機。起廣東數十年枯瘵之沉疴。而復其元氣。全國家之政體。免外人之騰笑。其在粵督斯舉乎。



其在粵督斯舉乎。

賭之毒我粵民也久矣。請先言其歷史。粵民好賭。天性然矣。然賭禁方厲。有所畏憚而不敢披猖。張香帥前督兩粵。涎其歲可得款百數十萬。於是始有闖姓承餉之議。謂粵省多盜。資此款爲勇餉。諱其名曰緝捕經費。且謂粵省禁之。則賭移澳門。利權且將外溢。更遁其詞曰。截緝賭餉。既成正課。賭館遂如行肆。此爲廣東賭世界開幕之第一時期。闖姓承餉。各賭繼起。幸前後督撫。上顧國體。下念民生。拒而勿許。譚文帥駁覆部奏。侃侃持正。爭之尤力。逮李文忠來粵。見有金而不見有人。乃明目張膽。毅然請以番攤承餉。自省府州縣之都會。以至窮鄉僻壤。無不賭。館林立。官督民賭。有欲賭者。則集金錢納空餉。乃得見許。名之曰捐免賭博。驅民納阱。教猱升木。豎窮三古。橫盡五洲。固嘗聞有此政體耶。此爲廣東賭世界進化之第二時期。番攤承餉。尙恐未足。則以白鴿票承餉。猶未足。則更以山票承餉。更以鋪票承餉。猶未足。則更奏辦彩票。他省願粵民之飲鳩而樂之。則亦紛紛效尤。若順直。若湖北。若福建。若浙江。若南洋。無不有彩票之設。粵省賭禍。遂推廣而蔓延國中。此爲粵東賭世界拓地之第三時期。嗚呼。賭者戕我粵民之惟一利器也。一刃不殊。再刃三刃。嗟我粵人。其不斃於叢刃之下也幾何矣。請繼此畧陳其毒害。

賭也。者製造盜賊之絕大工場也。賭禁既弛以來。政府認許之矣。官吏護獎之矣。則赴賭者自爲民生之正業。父不能禁其子。兄不能禁其弟也。且上自省會。下至村落。各賭棋布。大細不捐。民之趨之如蠅逐臭。倖勝者人之同情也。而勞動之小民尤甚。舉凡事畜之資。衣食之費。朝夕所恃以爲生者。無不幾幸大獲。舉以爲孤注之擲。一博再博。富者立貧。貧者立赤。饑來驅我。遂不得不出於劫奪之途。夕劫所得。朝罄於賭。更番迭進。無有已時。盜賊之加增。與賭案之加增。爲正比例。霧涌雲興。廣東遂爲盜藪。上之稅賭曰資。以捕盜也。而其設賭則教之爲盜也。既教之而又捕之。欲捕之且先教之。吾不知其何詞以自解於民。哀哀粵民。何辜而離此酷慘也。

然此猶毒害之有形者也。請進言其無形之毒害。傳曰。民生在勤。勤則不匱。人情惡勞而好逸。果何所樂而爲此勤動哉。生計學之公例。勞苦必與酬報相當。民既有酬報之希望。在前故不憚而從事於勞苦也。今夫賭者。懸莫大之資。以爲標。而又可不勞而獲。雖標愈大者。去獲愈遠。失者萬而得者一。然幸勝之情。既深。中於人心。人人自詭爲必得。卒至破產。敗家。相隨。屬猶冀幸於萬一。以爲娛。夫舉有用之母財。投之不生。產之地。一國之資本。既坐以日耗矣。況人入挾幸勝之心。以希此不勞之獲。舍業而嬉蕩。成習尙。誰復肯胼手胝足。執一業以

自。苦。以。逐。什。一。之。微。利。哉。勞。力。之。用。日。衰。即。生。產。之。日。狹。故。農。工。愈。窳。而。商。業。愈。荒。去。歲。廣。東。經。濟。界。之。大。恐。慌。其。原。因。雖。甚。複。雜。而。賭。之。涸。竭。其。源。實。爲。遠。因。之。最。大。者。繼。此。以。往。吾。恐。工。商。諸。業。之。荒。僥。粵。省。膏。血。之。瘵。敝。且。日。甚。而。未。有。已。時。也。況。乎。敗。壞。民。德。污。點。羣。俗。其。害。之。中。於。人。心。者。更。有。十。百。於。此。者。邪。

然。而。粵。吏。忍。蹙。吾。粵。數。百。萬。人。之。生。命。而。靦。然。出。此。害。民。辱。國。之。下。策。者。豈。不。以。利。此。數。百。萬。金。之。賭。餉。乎。哉。夫。粵。省。物。產。豐。物。素。稱。財。賦。之。區。使。理。財。有。術。則。剔。釐。蠹。弊。振。興。廢。墜。官。中。之。利。固。多。且。取。利。於。民。而。能。以。權。利。相。酬。則。民。間。之。利。可。取。者。亦。自。不。少。顧。乃。爲。此。飲。鳩。止。渴。之。謀。烏。知。鳩。已。殺。人。而。渴。尙。不。止。邪。且。今。日。粵。吏。固。亦。太。息。於。粵。東。之。財。盡。民。窮。矣。然。民。窮。財。盡。之。故。正。由。稅。賭。之。斲。其。元。氣。而。涸。其。財。源。財。源。涸。矣。雖。令。管。桑。持。籌。甯。復。有。可。容。搜。括。之。餘。地。皮。之。不。存。毛。將。焉。附。縱。不。爲。粵。民。計。而。賭。餉。之。失。策。不。待。知。者。而。後。知。岑。督。之。籌。議。禁。賭。固。不。獨。能。知。大。體。抑。可。謂。善。自。爲。謀。者。也。

然。而。禁。賭。之。籌。議。果。決。吾。仍。不。能。不。躊。躇。而。顧。慮。也。管。子。曰。舉。美。者。必。計。其。終。去。惡。者。必。慮。其。窮。粵。督。除。吾。粵。之。賭。禍。生。死。人。而。肉。白。骨。吾。人。固。禱。祀。以。求。然。政。府。之。信。用。墮。地。繼。此。之。國。用。方。殷。脫。有。奸。人。乘。閒。覬。覦。別。易。一。名。以。進。則。今。日。禁。以。惠。民。者。安。知。他。日。不。復。開。以。牟。

利如是則粵人雖一時蘇息而反增數百萬之歲供以重吾人之負擔也。岑督誠爲德吾粵人是宜請之朝廷援永不加賦之例明布諭旨永遠禁革庶幾奸商無所幾幸而粵民得以少蘇。

嗚呼。粵中政治之黑闇。數十年於茲矣。岑督蒞粵。粵人歌舞懽迎。固謂其能加惠粵民。拯我疾苦而與之休息也。今者治粵二年矣。舉凡興學詰戎。吏治捕務諸端。未聞有一成效。一切舉動。猶吾大夫嚮者頌禱之聲。幾一易爲謗讟。民望亦稍稍墜地矣。今幸籌議及此。是宜有以塞粵人之望。而一慰其嗷嗷待命之心。粵民生死。懸於此舉。其激西江之水以活我乎。抑將索我於枯魚之肆乎。岑督其努力以爲之矣。

財政處戶部會奏遵 旨籌議八省土膏統捐請派大員管理摺

上年十一月初十日承准軍機大臣字寄奉 上諭鐵良奏湖北湖南於宜昌設立總局抽收土膏稅捐繼又並江西安徽兩省合辦較各省分辦之時溢收甚鉅兩廣蘇閩亦係雲貴川土行銷之地若合八省爲一收數必更可觀等語著財政處戶部卽行切實舉辦其統捐收數除按各省定額撥給外溢收之數另儲候解專作練兵經費的款不得挪移並著財政處戶部會商各該省督撫從速詳定章程奏明辦理原摺著鈔給閱看等因欽此當經通行

各該督撫遵照並令迅速咨復迄今數月復到者尙屬寥寥查川漢等處土藥商運均在七八月間故稅捐以秋季爲最旺若非速定章程及時開辦則本年收項大宗旣去尾數無多臣等詳加酌覈鄂湘贛皖統捐已著成效該侍郎所陳八省合併辦法自爲切實可行如所請將湖北宜昌原設之局改爲八省總局並於湖南之洪江廣西之梧州各設分局由總局派員經理原奏所指合辦統捐省分爲兩湖兩廣江蘇江西安徽福建八省凡雲貴川土行銷該八省者經由總局分局均卽照收土稅無論輪船民船載運一律預征膏捐其征收章程悉照宜昌現行辦法旣納統捐後運往各處如非落地銷售概不重征土稅膏捐兩項印花及四聯票據需用甚鉅均由總局頒發該局應用商運所至倘無印花或與票據不符卽係私土私膏查獲後照章罰辦所有經徵款目及支銷等項由總局按季冊報戶部查覈此項收款均照二十九年收數作爲各省定額由局合收分解溢收之數遵照諭旨另儲候解專作練兵經費惟統捐創始於湖北該省攤認賠款及兵工廠經費多由此取給嗣後歸總局覈明每年應需數目仍在原收項下照撥再有溢徵之款卽行提存廣西現辦軍務待餉孔亟兼賴廣東就近協濟除照定額撥給外該兩省溢收之款並由戶部隨時察核分別酌撥若干成俾應急需他省不得援以爲例此次統捐辦法一稅之外聽其所之旣便商民

復溢公帑俟辦有端緒再將陝豫等處土藥分別釐定次第推行至宜昌一局總辦八省稅捐責任綦重現充該局總辦補用道孫廷林雖稱熟悉情形究恐難資統攝應請特派大員管理限於四月內開辦以重帑項而一事權其餘未盡事宜仍令詳細籌度並將二十九年以後鄂湘等省土稅膏捐收支各數查明分別奏准辦理謹 奏三月初三日軍機大臣面奉 諭旨著派柯逢時管理八省土膏統捐事宜欽此

會辦辦關內外鐵路大臣 胡會奏查明關內外鐵路第一案報銷收支各款摺

竊臣等前准商部咨開具奏路礦款項請照部頒表式填寫並將鐵路圖冊分別造報一片奉 旨依議欽此查原奏內稱路礦爲 國家利權所係當此庫儲支絀亟應逐節清釐擬請 旨敕下各該管路大臣將所屬路礦情形及歷年出入款項按照臣部所頒表式逐年詳細具填報部並將鐵路簡明圖冊按季造報以憑核辦等因當經轉行遵辦在案伏查山海關內外鐵路計長華里一千八百餘里內以由津至山海關以達新民府爲幹路由京至通州由溝幫子至營口爲枝路其創辦之初係於光緒七年由胥各莊至唐山先造運煤鐵路二十一里嗣於十二年分由胥各莊接修至閻莊十四年分又由閻莊修至天津十五年分又由唐山接修東至開平十七年分又由開平修至古冶以上各段統爲商路又十八年

分由古冶修至山海關遂名爲津榆鐵路十九年分又由山海關接修至大凌河工多未竣遂及甲午之變以上各段均係官路迨二十一年統將此路歸併督辦蘆漢鐵路總公司事務大臣盛宣懷辦理遂改名鐵路總公司是年冬復經臣燾奏由津籌修北至蘆溝橋又由蘆溝橋附近之豐台接至馬家堡因名爲津蘆鐵路至二十四年復經臣燾奏籌修由山海關至新民府及由溝幫子至營口遂總名爲山海關內外鐵路由總理衙門奏准頒給關防歸臣燾督辦此關內外鐵路之緣起也庚子一役鐵路爲各國聯軍佔據復由京接修至通州枝路至二十八年八月該路由聯軍交還經臣世凱派員將全路一律收回檢查以前收支款目自臣燾奏於二十一年十月二十日奉 旨督辦津蘆一路及二十三年七月十六日奉 旨接辦關內外全路於二十四年十二月十四日奉 旨交卸後業將本任經手款項截數分別奏報經總理衙門會同戶部路礦總局覆核具奏一律准銷於光緒二十五年十月二十二日奉 硃批依議欽此各在案至臣燾奏交卸以前並交卸以後一切文卷冊檔均於庚子變後悉皆付之灰燼蕩然無存所有此次收支款目自應由收路以後按年造報以昭核實飭據鐵路局查明自二十八年八月三十日即西歷一千九百零二年十一月一號接收全路之日起截至二十九年正月初三日即西歷一千九百零三年正月三十一

號止收支細數按照洋賬房開送洋單逐細譯出遵開四柱清單列爲第一案報銷計舊管無項新收洋銀一百七十五萬九千一百四十六元四分開支洋銀一百五十九萬二千六百七十元五角九分結存洋銀一十六萬六千四百七十五元四角五分即歸入下屆遞接造報至商部行令按季造送簡明圖冊一節現在關內外鐵路大工已竣此外並無新工可報擬請准其按年造送一次遇有新工再行按季造送等情詳請 奏咨前來臣等查關內外鐵路前遭庚子之亂其中軌道橋梁多被拆毀各站房間碼頭以及製造材料等廠亦均蹂躪殆徧其未接收以前雖經各國洋員權爲修整而軍務倥傯之際亦祇擇其所急酌量興修接收而後經臣等督飭該局選派員司點收餘料一面飭令總工程司金達修復橋路整備車輛期復舊觀經營數年甫經就緒此次造報開支款項皆係實用實銷委無浮冒至簡明圖冊應請准其按年造送一次以省繁文謹 奏奉 硃批該部知道單併發欽此

直隸總督袁奏直隸認解練兵經費已如數籌解並另籌的款摺

竊承准軍機大臣字寄奉 上諭戶部奏請飭各省籌解練兵經費不得稍有拖欠各等語練兵爲根本至計餉項尤練兵要需著各省將軍督撫按照認解數目每月先期籌解毋稍延宕等因欽此遵 旨寄信前來仰見 朝廷儲備軍食圖置於豐曷勝欽感伏查直隸素



號瘠區本爲缺額省分從前海宇又安而軍餉所需且係受協他省比值兵燹之後地方彫敝物力艱難頻年攤派新舊賠款以及舉辦新政需用浩繁各省協餉復日見短絀搜羅補助久已悉索敵賦取盡錙銖而此項練兵經費關繫至計又不容稍緩斯須惟值民困未蘇既未敢略涉苛歛而餉需緊迫尤未便稍事因循必求上足裕餉下不病民方可垂諸久遠臣夙夜焦慮百計圖維慨時事之多艱念度支之奇絀亟思籌集鉅款以裕餉源因查光緒二十七年間戶部奏請加抽煙酒稅釐奉旨允准即經擬定捐章奏明試辦經畫年餘幸著成效上年已得收款八十萬兩之鉅嗣復遵旨酌提中飽三十萬兩共一百十萬兩全數認解練兵經費內撥第一鎮陸軍餉銀四十萬兩籌還練兵處借款七十萬兩奏報有案又應徵煙酒稅銀八十萬兩內撥第一鎮陸軍餉銀四十萬兩補還練兵處借款三十萬兩尙餘十萬兩留備撥補餉項不敷之用又酌提中飽三十萬兩新增蘆綱均價餘利五十餘萬兩永七鹽務餘利十五萬兩銅圓盈餘四十萬兩除蘆綱均價餘利銅圓盈餘兩款內應勻撥軍火價銀四十萬兩外其餘悉數提還公債統計籌銀二百餘萬兩凡奉旨飭認各款固已如數籌齊並溢籌的款百餘萬兩錫蹶經營實已不遺餘力夫以直隸瘠苦之地當大兵之後而猶得此鉅款以濟餉需殊非臣初意所及謹奏奉硃批該衙門知道欽此

財政

一百九

乙巳

黑龍江將軍達等會奏江省錢法壅滯設立公司開使紙幣摺

竊維地方之盛衰視乎商務之消長商務之消長視乎財力之盈虛故歐美列邦國無大小莫不以擴商力爭利權爲第一主義近年 朝廷重視商政迭奉 諭旨飭令各省實力振興而商部深維至計訂爲商律亦以公司一門爲當務之急可見欲講商務以裨地方非厚集財力設立公司不可江省地處邊荒財力素絀自經庚子變後閭里彫殘錢法敝壞上下交迫尤不堪言奴才等仰蒙 恩簡來蒞此邦目覩地方情狀有岌岌不可終日之勢昕夕焦慮求所爲疏通提倡之方以期逐漸轉移力開風氣查吉林自年前因錢法壅滯歷經前將軍延茂長順等籌撥庫款設立官錢局開使紙幣雖當變亂之餘而地方藉以流通商情不至困敝成效所著利賴至今奴才等略仿吉林成法恭以商部新章官商合股設立公司開使紙幣匯兌銀錢懋遷貨物名曰廣信商務公司擬集股本銀五十萬兩作爲有限公司其辦法擇選商人爲總董主持公司事務由官派員督察以杜弊混祇以財力所限一時難得鉅款暫先集股本銀二十萬兩官商各半商股十萬兩招自本省商家官股則由荒價釐稅項下各籌墊銀五萬兩業已如數招足選派商董赴上海用西法印造精緻紙幣運來江省於上年冬間開辦一律行使凡租賦捐稅均准以紙幣交納無論何人持赴公司支取立

以寶銀銀圓搭付民甚便之市面亦漸覺通利倘荷 聖明福庇東局早定此項紙幣日益暢行即當招足股本五十萬兩擴充辦理惟時方多故江省人情固陋未能即見及此遠大規模一時尙難遽定容俟試辦一年後體察情形按照商部所定條款詳加釐定再行咨部註冊茲據該商董等酌擬章程轉請奏咨前來奴才等覆加查核尙屬妥協謹繕清單恭呈御覽合無仰懇 天恩飭部先行立案俾昭慎重謹 奏奉 硃批該部知道單併發欽此

謹將酌擬試辦公司章程繕具清單恭呈 御覽 計開 一江省地處偏遠商力本微自經亂後尤爲艱窘加以錢法壅滯非設法提倡疏通不足振興商務裨益地方茲擬官商合股設立公司參仿官銀行辦法開使紙幣匯兌銀錢存借生息兼運輸大宗糧貨用以疏通圖法提倡商情俾商民藉資周轉得以隨時經營風氣日開商務漸可通暢地方因之富庶 一公司雖係官商合股然既以開使紙幣爲基礎振興商務爲宗旨即應名曰廣信商務公司以符名實 一定爲有限公司擬招股本銀五十萬兩因江省財力素絀暫先招集二十萬兩官商各半每股銀一百兩作爲二千股業已陸續招足如此後商務暢旺擴充辦理可先期邀集股友公議添招免爲財力所限但招足五十萬兩即作爲永遠定數不再添招

一所招股本無論官商每股給股票一張息摺一個如有入股較多願合領一票一摺者聽常年官息五釐憑摺支取其付息日期每年自冬月起至臘月止付訖即填註取息摺尾

一股東如有將股票息摺遺失或遇變損壞准隨時報明公司取具妥保再行補給若將股票轉賣他人亦須同至公司報明登簿並將原給票摺上註明某年月日轉賣某人以備考察

一開使京錢紙幣自一二三五吊至十吊五十吊一百吊共分七等周流通省無論官民隨時支取均以銀圓或現銀兌付不得稍有留難凡官府經徵租賦捐稅准以此項紙幣交納以廣大信

一此項紙幣均由上海用西法印造工料精緻取有承印字館保狀以防作偽此外如查有假造之人應照私鑄例從嚴懲辦以昭炯戒而杜流弊

一公司雖以開使紙幣匯兌銀錢為主然既係商務無論何項貨物均可任便經營以廣利源

一公司設在江省無論總分各司出入款項應均以江平計算以昭劃一

一公司既為疏通圖法振興商務起見自應多設分司以冀推布總公司設在齊齊哈爾省城其省屬繁盛城鎮各設分司並擬於吉林長春奉天營口北京天津上海等處派人坐辦匯兌購運等事兼可探報行情考察商務以廣見聞

一公司雖係官商合股實屬商務其辦事人等應均用商人官場習氣一概革除惟須由將軍副都統派督察一員隨時稽察凡公司之利弊商情之衰

旺均由該員查明稟請核辦應需薪水公費由公司籌給 一公司既係商務所有承辦人等均不用總幫辦名目總公司應用總董一人副董二人分司各用分董一人主持公司事務總副分董均由官商股東公舉以昭慎重其餘分辦各事如司帳書札以及諸執事人則由總副分董量能收用惟須取具妥保總副分董及辦事人等均宜潔清自愛除應得辛工外不准透支分文以重款項如有舞弊及虧空情事責令舉主保人賠補 一總董如才不稱職或徇私舞弊等情股東及副董可隨時察考據實剖論公議去留副董以下諸人倘有不守規則以及偷漏諸弊由總董查明輕則記過議罰重則辭退或送官究治 一出入帳目按三個月結清一次造具清冊呈請督察委員稽核無誤轉報將軍副都統備案至次年正月將上年出入各款彙總結清造具清冊三分呈請督察委員稽核無誤一轉呈將軍副都統備案一交省城商會憑各股東公閱徵信一留本公司存查 一每屆次年正月將上年帳目算清除開支辛工伙食及一切用度外如有贏餘應作為十成提分計公積三成股東餘利五成總副分董及執事人等花紅二成俾得利益均沾庶幾人知奮勉 一公司既係招股辦理宜集思廣益以求妥善於每年正月結帳後定期知會各股東齊集公司將應辦之事悉心核議推廣如何擴充利益如何釐剔弊端各抒所見由總副董擇善而從並考

附 啟

一百十三

乙巳

核在事人等功過分別公議於應得花紅酌量加減以示勸懲而昭公允 一此次章程係屬初創以後辦理如有窒礙不得不隨時變通應由公司知會官商各股東會議妥協公同改訂再行咨部立案總副董不得任意更張 一此次章程經奏咨立案後應刊印多冊並附印股票息摺款式分送官商股東各一本以備查考此外商家如有願取閱者亦可送給俾資參考而開風氣奉 硃批覽欽此

兩湖總督張奏湖北清理衛田原定章程屯戶諸多不便另籌簡易辦法摺

竊照湖北省於光緒二十八年遵 旨裁撤衛官清查屯田當經專設清理衛田局遴委候補道朱滋澤會同藩司糧道酌擬辦法詳請比照民田分別上中下三則按照原定新章完稅六分凡田價每畝值二十千文以外者均照二十五千文之價酌繳契稅錢一千五百文每畝值十千文以外者均照十五千文之價酌繳契稅錢九百文每畝十千文以內者均照十千文之價酌繳契稅錢六百文又每錢一千文另繳清丈費二十文派員分赴各屬會同地方官將所有屯田親履勘丈飭令各屯戶將應完契稅分三限繳清以六個月為一限繳稅後給予印契准其永遠管業查所擬辦法較言官條陳原議令按畝追繳田價五兩者已屬大為輕減經前湖北撫臣端方批准於是年九月二十八日會同臣具奏欽奉 硃批戶

部知道欽此嗣准部咨以湖北所定上中下三則田價較山東爲輕 奏令仿照山東繳價數目變通辦理復經前撫臣飭據司局議詳酌增上則田價每畝二十五千文以外者照三十千文之價完稅續經 奏咨通行在案計自開辦以來歷今兩載有餘各州縣衛田尙未能一律辦竣卽已冊報認稅之各州縣屯戶遵限完稅者甚屬寥寥推原其故良由向來田房稅契皆出自置產之家其家力能置產必係目前景況充裕積有現錢其捐繳應完契稅自屬非難今屯戶承種衛田皆由世業相傳或歷四五百年或歷二三百非以餘財新置卽其間轉相頂替亦多在百年內外民戶以實價典來亦早視同恆產一旦責以按田繳稅未必家有餘資加以湖北田土山澤相同罕有大片膏腴農業歲息甚薄假如八口之家有田二十畝餬口尙虞不足若照上則田價驟令完稅至二十餘千文之多斷然無從措辦且衛田沿自前明當時興屯之初皆以荒蕪無主之地招人承種故畝數弓丈從寬計算每田一畝有較民田多至加倍者相沿既久習爲固然今欲卽以部尺二百四十弓爲畝令將溢出之田按畝報稅業戶失其固有尤屬強以爲難臣於光緒二十八年十月初奉 命調署兩江旋卽入京 陛見甫於上年二月回任旋赴江南會議製造局移廠事務離鄂已將及兩年四月回鄂後詢及衛田一事尙無眉目局用糜耗已鉅而契稅收繳者寥寥悉心體察

財政

一百十五

乙巳

查知各州縣印委於查勘衛田時多因輿情疑沮不肯報丈慮或操切生事率與通融照冊按糧攤算畝數皆係約計其實在按契清丈界限分明者甚屬有限其所定上中下田價等則各屬各辦寬嚴不等多寡輕重之間相較多未能一律以致各屯戶藉口觀望距省較遠之州縣多有未經開丈者即已報丈畢之處屯戶亦以無力繳稅任催罔應即如宣城縣屯戶滋事一案亦因求減衛稅而起是原定辦法雖已從寬於羣情仍多不便若不量予變通力求簡易將衛田永無清理之日契稅永無完繳之期徒有估價認稅之虛名並無利國便民之實濟臣督同司道督辦衛田各員再三討論體訪羣情深知衛田年遠輻輳屯戶貧苦居多亟應另籌簡易辦法俾各屯戶易於順從力無弗及庶足安衆心而收實效謹將改訂新章八條臚陳如左一衛田畝數屯戶向只知按冊完糧以斗計數不但不知自己田地界址四至並不知按照官尺應合若干畝是以各屬清理衛田率多按糧攤算其實行動丈之處無多至今遷延不報者尙十數州縣承辦各印委寬嚴不等或報省溢額辦法本未一律其查報溢額者屯戶多以今昔弓丈不同或認不確紛紛稟求寬減留丈且開丈已及三年其報明丈畢者亦並未遵章繳稅至丈有缺額者則並無辦法是所謂缺額者固未可憑即所謂溢額者亦不足據茲飭各州縣一律將衛田畝數按照原糧原額均勻攤算另行造



冊呈核既無所謂溢額即無所謂缺額庶足以息疑懼而免參差一衛田原定田價數在二十五千以上者列作上則數在十五千以上者列作中則數在十千以內者列作下則現經派員詳查各屬原稟所定等則皆係屯戶約略承認印委通融稟報並非確經履勘按田分等是原稟等則高下全不足據徒致名目紛擾今將原定上中下等則概行刪除按照司道兩庫額徵正雜各款無論或完銀或以米完折色每完銀一兩計上田約合二十餘畝中田約合三十餘畝下田約合六十餘畝均令酌繳契稅及局費錢八十文此外不准書差多取分文一原章稅費分三限完繳每限半年為期較迫恐屯戶力有未逮今准將此項應完契稅局費自本年起分作三年繳清每年仍分上下忙兩次徵收以示體恤一錢糧每銀一兩或向係完銀若干或向係折徵錢若干均照該衛向完之數完納不照民糧章程以省紛更惟其由分隸坐落之州縣始作為民糧徵收一衛田向有之冊費編審費一切雜項暨公幫置產及年期等名目永遠革除以清擾累一向者閒丁一項歷係循照歸口冊各派令無田之戶認完今查明全行豁免催糧書差不准朦混再徵違者准其控告治罪一各州縣已收衛田稅費照現改新章多收者准其留抵本戶今年明年正項錢糧以昭公允一賠款改學堂捐民田均須輸納屯戶子弟不乏讀書入學之人是學堂捐一項衛田各戶不應置身事外

俟契稅繳清後應如何與民田一律輸納自應由該處紳士公同酌議稟由地方官詳請核定以上八條係爲體恤屯因刪省虛文起見通省衛田一律辦理毫無偏枯既將稅數減少又將期限展寬完稅自不爲難庶徵收可期踴躍經此次改章寬恤之後倘各屯戶尙敢抗違觀望應飭地方官按戶查追從嚴懲辦現已由臣出示曉諭行司通飭各州縣一體遵辦惟有仰懇 天恩俯念湖北省衛田屯戶情形困苦准予照議施行以廣 皇仁而收實效 謹 奏奉 硃批戶部知道欽此

河南巡撫陳奏試鑄銅圓摺

竊臣前因豫省制錢短絀官民交困請仿照湖北山東等省設局鑄造銅圓以資補救於上年八月具 奏經部議准奉 旨依議欽此咨行欽遵在案當因訂購鑄幣機器運汴尙需時日新建廠屋亦未能尅期竣工而此間錢荒已甚不得不亟事維持爰先就機器局舊有鍋爐引擎配購印花各機酌修廠屋速籌開辦旋據報於光緒三十年十月二十日開爐試鑄查核鑄成銅圓質地精良輪廓完好尙與各省新鑄一律行之市廛商民稱便惟豫省距通商各口岸較遠工匠薪資甚昂購運機器銅質等件運費尤屬不貲且部議此項經費不准動用正款豫本缺額省分近日度支益窘所需一切資本苦無閒款可挪不得息借商

號藉資周轉凡茲費鉅款絀情形殊難與東南各行省相較實爲地勢財力所限無可如何目下新機猶未到齊僅有印花機器兩部日出銅圓五萬枚之譜不過小試其端一面加工趕造廠屋催運全部機器延聘洋匠必須新廠落成開爐鼓鑄銅圓出數日多行銷漸廣餘利方可核計自當隨時督飭承辦之員撙節開支認真經理力求實效所獲盈餘除先提還借墊各款暨酌給在事員司花紅外其餘悉令涓滴歸公期於籌款有濟仍俟擴充辦理確有把握再行核定盈餘數目詳晰具報謹 奏奉 硃批戶部知道欽此

浙江巡撫聶奏查明各屬地糧銀米並折徵價目造送表冊摺

竊准戶部咨光緒三十年六月初二日奉上諭方今時事多艱民生重困而官吏壅蔽下情不通甚至地方錢糧浮收中飽以完作欠百弊叢生大負朝廷恤民之意著各省督撫將各屬經徵錢糧限三箇月內開列簡明表冊該州縣錢糧正額若干現在實徵若干向係收銀者註明每賦一兩正耗各收若干或係收錢折銀或係收銀圓作銀均註明每銀一兩折收若干每漕糧一石或收本色者正耗各收米若干收折色者每石收銀若干至此此外有無陋規雜費逐一登明據實聲敘務令和盤託出不准含混遺漏俟該省奏報到後著戶部核對由政務處刊入官報俾衆共知藉以察官方而通民隱各督撫務卽認真辦理勿得徇飾

財政

一百二十

七

宕延儻敢敷衍搪塞定將該省藩司糧道從重懲處欽此當經恭錄轉行欽遵依限辦理在案茲據布政使翁曾桂會同署督糧道朱疇詳稱伏查浙省錢糧同治初年奏設清賦總局查明各屬徵價各就地方情形酌留平餘核減浮收光緒二十四年錢貴銀賤循照減浮原案復加裁節由司頒發告示大張曉諭衆目皆知自不能於定章之外再有浮勒各屬額徵銀米須過奏銷方知全年徵數光緒三十年未屆徵限數目參差現在飭照二十九年實徵數目一律開報惟各處情形互異徵價不同如地漕銀兩正耗併計杭州府屬每兩折徵錢二千三十文至二千二百文嘉興府屬每兩折徵錢二千一百五十餘文至二千一百九十餘文湖州府屬每兩折徵錢二千一百九十餘文至二千四百二十餘文甯波府屬每兩折徵錢二千二百五十餘文至二千三百五十文紹興府屬山陰會稽兩縣以銀完納山陰每兩加平餘錢三百文會稽每兩加平餘錢四百文嵊縣每兩折收錢一千八百五十文銀價如有漲落分上下兩忙增減此外各縣每兩折徵錢二千八十餘文至二千二百文不等台州府屬每兩折徵錢二千一百五十文至二千三百三十文金華府屬每兩折徵錢二千六十餘文至二千一百一十文衢州府屬每兩折徵錢二千二百文至二千二百八十文嚴州府屬每兩折徵錢二千二百文至二千二百五十文温州府屬每兩折徵錢二千四百文至

二千五百文處州府屬松陽遂昌龍泉慶元景甯宣平六縣每兩徵銀圓一圓九角四分三釐至二圓二角二分其餘各縣每兩折徵錢二千四百一十餘文至二千五百文所有抵完賠款糧捐每兩隨徵錢三百文各府屬一律辦理又應徵米石杭嘉湖三屬漕南并徵本色正米一石隨收耗米二斗五升年外完納每石加收錢三百文如有願完折色者悉聽民便無論正耗按照市價收完惟杭州府屬之新城於潛昌化等縣向係民折官辦每石正耗共折徵錢五千文此外各府屬專徵南米內有例定折價一項每石正耗銀一兩六錢歸併地漕統徵分解所徵銀價與地漕相同有收現米者每石收一石四升至一石二斗有收折色者每石折收錢三千一百餘文至四千八百餘文此皆本於清賦減定歷來如此所有民間完納銀米折徵雖論制錢而上兌仍用銀圓有照市價核算有照市價略減此亦各照向章辦理餘無陋規雜費已於表冊按縣詳晰登明至各屬取獲平餘先爲學堂分別派提現提中飽案內又經酌量提解下餘之款僅資辦漕辦公年外完米加價歸併中飽充公亦無弊混等情會同轉送簡明表冊詳請 奏咨前來臣覆加查核均屬實情伏乞 敕部查核施行謹 奏奉 硃批戶部知道欽此

戶部奏請 飭各省依期籌解練兵經費片  
再據練兵處咨稱上年十二月間具奏增練兵隊摺內聲明除武衛右軍自強軍併編一鎮

財政

不敷款項由北洋另籌外合計新添一鎮改編山東一鎮應需餉項請戶部按月撥發銀二十五萬兩總計各省認解部庫練兵經費核與前設二三兩鎮此次新添一鎮改編山東一鎮每月應撥餉項數目有盈無絀倘解款現有不敷仍由戶部照案墊發將來如數扣抵等因前來臣等查練兵經費自 欽派稅烟酒剔中飽并臣部違 旨統籌除弊節流十條通行各省籌解以來嗣據各該督撫先後奏報認籌常年各數通計約六百萬兩惟銅幣盈餘一項多至二百七十萬兩此項盈餘有俟局廠修竣開工以後方能照提者有恐銅價增長錢價低落不能照提者誠恐緩不濟急查上年十二月間臣部具奏練兵處以北洋第二三兩鎮來年約需銀三百餘萬兩自正月起由部按月開放銀二十五萬兩自應照數墊發等因奏准在案北洋二三兩鎮本年月餉二十五萬兩由部庫按月墊發若再將新添及改編各鎮月餉統由部庫墊發計年共需銀六百萬兩查近年部庫存款本屬無多倘各省練兵經費不能如數如期解到庫儲必致告罄而按月應放京內外各項兵餉口分津貼等項均爲計款所需萬一周轉不敷關係實非淺鮮臣等再四籌商練兵實爲根本至計餉款尤爲練兵要需固知各省大吏必能共體時艱統籌兼顧惟臣部既有墊撥之責即不能不多所顧慮蓋必各省於派解之數及認籌之數一一無欠無延而部庫之籌墊乃爲的款而新軍

之餉需乃無貽誤現雖嚴核已解未解之數以杜宕延援定議獎議處之章以昭懲勸然究皆有款可用辦法若現在並無一款到部口訂籌墊事關計款急不可待自應由臣部奏請諭旨分行各省務令於二月內將上年欠解之款及本年正二兩月已籌已認之款先期騰挪電滙來京以後查照本年應認全數按數均攤限於每月上旬解到無論如何設法務令依期籌解不得稍有拖欠以便部中按月開放免致兼顧爲難若各省不能提前解部及以後不能如期接濟設有貽誤不但臣部將來不敢當此重咎即目前亦難任此墊撥 聖明在上早能洞悉惟有仰懇 俯鑒部庫爲難情形請 旨飭下各省將軍督撫提前籌解勿稍違誤并准臣部查照京餉甘餉成案分別勸懲另行奏明辦理以重兵糈而持久遠謹奏光緒三十一年二月十三日奉 上諭戶部奏請飭各省籌解練兵經費不得稍有拖欠等語練兵爲根本至計餉項尤練兵要需乃各省認籌練兵經費未能如數如期解到以致部庫籌墊兼顧爲艱著各省將軍督撫按照認解數目每月先期籌解毋稍宕延並著戶部查照京餉甘餉成案分別勸懲隨時奏明辦理原片著鈔給閱看將此通諭知之欽此

前江蘇巡撫奏鑄造制錢工本虧耗試行當五銅錢以資彌補片

再蘇省制錢缺乏前於光緒二十三年就舊有寶蘇局參仿浙省土鑄之法鑄造一文制錢

以濟民用其後銅鉛各價逐漸增漲成本日重蝕耗亦多二十五年前撫臣德壽奏明每錢一千計銅本炭工運費局用等項虧耗在一成以上數年以來銅鉛價益翔貴工本折耗愈大就目前情形而論勢非停鑄不可惟邇年蘇省制錢仍形短少雖由銅元局製造銅元發兌行使第以一當十遇有零數難以分用必須與制錢相輔而行哀多益寡始能交劑其平今若遽行停鑄此後周轉無資來源更少自仍應接續鼓鑄以維市廛惟所虧成本甚鉅亟須設法補救現在斟酌變通擬增鑄當五銅錢工本較省卽以此錢之盈餘以補彼錢之虧折此項當五銅錢與銅元制錢交相流通布行閭閻尙屬稱便現暫行試辦如行之無滯著有成效再當籌議擴充辦理謹 奏奉 硃批戶部知道欽此

安徽巡撫誠奏加撥練軍經費請 敕部立案片

再皖省武備學堂練軍前於光緒二十九年間經前撫臣聶緝渠擬定招募勇丁三百名編成左右兩隊以該堂提調爲統帶武備教習爲幫帶畢業學生分任哨弁營書等職建造營房及開辦經費銀一萬餘兩常年餉糈及添置各項約銀二萬數千兩當經聶緝渠 奏明在案奴才履任後詳加查考該堂學生外場功課頗能合格遂飭該統帶譚學衡先建營房次及招募經營數月始克竣事旋經派員分別查驗工程堅勁兵士精強卽於三十年二月



成軍薪餉亦於是月起支此創設練軍招募成營之情形也惟據該統帶聲稱此次所建各項房屋雖不及各國美麗然均尚合法故工用較巨加以開辦之初置備器具及一切雜支需款浩繁原支銀一萬餘兩適敷應用第每年餉精須銀二萬有奇而添置各項如軍裝衣褲靴帶及雨衣背囊水瓶糧袋等項均不可少此外則教科書及儀器等物尤爲內場功課所必需每年數千金實不敷購辦等情奴才伏查該軍營制餉章皆參照湖北洋操章程辦理計一軍分兩隊每隊三哨每哨兵士五十名共官弁兵夫三百七十餘員名每月支薪餉等銀一千八百餘兩每年共支銀二萬二千餘兩是原撥二萬數千兩除去月餉所餘無幾該統領所稱不敷添置尙係實情明知庫儲匱乏籌措維艱然爲講求武備起見似未可因陋就簡致無實濟擬每年加撥銀一萬二千兩合之常年餉需以三萬五千兩爲度仍由籌議公所於蕪湖米捐項下撥解支應局發給並飭該統領核實辦理期收成效謹 奏奉 硃批該衙門知道欽此

練兵處新編陸軍六鎮餉項調查

陸軍第一鎮全年餉項經直督奏明在本省籌撥共銀一百六十四萬兩 計藩庫裁節制兵項下銀二十萬兩 運庫鹽勛加價項下銀二十四萬兩 淮軍銀錢所裁節准餉項下

財政

一百二十五

乙巳

銀六十萬兩 練餉局裁節練餉項下銀二十萬兩 籌款局新增煙酒稅項下銀四十萬兩 支全年薪公餉乾砲費需銀一百十四萬一千七百八十一兩零 雜支額款需銀二十五萬八千一百七十五兩零 雜支活款暫先發銀十萬兩 全鎮車驟因出差加一倍需底乾銀二萬五千五百七十四兩零全鎮驛馬因出差加乾需銀三萬三千一百五兩零 以上第一鎮餉雜共需銀一百五十五萬八千六百三十五兩零 陸軍第二鎮全年餉項由戶部發銀一百五十萬兩每月發銀十二萬五千兩 支全年薪公餉乾砲費需銀一百十三萬九百三十六兩零 雜支額款需銀二十五萬八千一百七十五兩零 雜支活款暫先發銀十萬兩 全鎮車驟加半倍需底乾銀一萬二千七百八十七兩零 該鎮馬隊因隨第一鎮出防車驟再加半倍需底乾銀六百九十三兩零又因出防驛馬加乾需銀一萬一千五百七十七兩零 以上第二鎮餉雜共需銀一百五十一萬四千一百六十八兩零 陸軍第三鎮全年餉項由戶部發銀一百五十萬兩每月發銀十二萬五千兩 支全年薪公餉乾砲費需銀一百十三萬九百三十六兩零 雜支額款需銀二十五萬八千一百七十七兩零 雜支活款暫先發銀十萬兩 全鎮車驟加半倍需底乾銀一萬二千七百八十七兩零 以上第三鎮餉雜共需銀一百五十萬一千九百兩零 陸軍第四鎮

全年餉項仍用武衛右軍自強軍新練前軍各底餉共銀一百四十九萬七千六百餘兩按時由山東藩庫金陵支應局淮軍銀錢所撥解 計武衛右軍底餉由山東藩庫每年解銀一百二十萬兩 江南自強軍底餉由金陵支應局每年解銀二十一萬一千二百餘兩 新練前軍底餉由淮軍銀錢所每年解銀八萬六千四百餘兩 支全年薪公餉乾砲費需銀一百十三萬九百三十六兩零 雜支額款需銀二十五萬八千一百七十五兩零 雜支活款暫先發銀十萬兩 以上第四鎮餉雜共需銀一百四十八萬九千一百一十兩零 陸軍第五鎮全年餉項仍用山東武衛右軍先鋒隊之底餉其餘由戶部請領 計山東武衛右軍先鋒隊之底餉全年六十萬兩每月由山東善後局發銀五萬兩 由戶部全年領銀九十萬兩每月領銀七萬五千兩 以上兩項全年共銀一百五十萬兩一切正餉雜支等款照第四鎮核算全年應需銀一百四十八萬九千一百一十兩零 陸軍第六鎮全年餉項由戶部發銀一百五十萬兩每月發銀十二萬五千兩一切正餉雜支等款亦照第四鎮核算每年應需銀一百四十八萬九千一百一十兩零 統計六鎮由戶部發銀共五百四十萬兩 由各省發銀共三百五十九萬五千二百餘兩 兩共合銀八百九十九萬五千二百餘兩 在水會辦 撥者不計 支銀共合九百零四萬二千三十六兩有奇

財政

一百二十七

乙巳

各省財政彙誌

京師 練兵處以各海關所征稅釐均係按關平收入較之庫平每千兩計加十六兩四錢二分有零又各省應解江海關稅還賠款銀兩亦均按關平報解而海關所放各款惟新案賠款及稅務司經費係用關平餘則均用庫平此項平餘銀兩以各關每年統計之為數頗鉅且各省於所解之款其應加補平銀兩均於報銷冊內作正開支若在其歸入外銷從資中飽殊非慎重公款之道特 奏請飭下各省督撫轉飭各關道除向解關平銀兩仍照常辦理外其解支庫平各款應扣平餘銀兩按季報解作為練兵處辦公經費已奉 旨允准 各國賠款辦法現由外務部與駐華各使議定共計四條(一)前三年虧欠以和約關平八百萬兩清還議定後限十五日內用電匯票運付各國此八百萬兩自西曆本年正月一號起仍計年息四釐至付清日止(二)此次議定後即將各國分票畫押(三)以後每年應付本息仍按月攤還每逢西曆月底付款由付款日起扣回年息四釐至六箇月期限滿日止惟還款須各用其本國金錢或按倫敦市價合銀或以金銀期票或以電匯票聽各國自擇其期票電匯票中國不拘在何處及何銀行任便自購運付各國(四)西曆本年已付之銀仍由銀行在滬繳還中國照新定辦法再付各國從再付日起照扣四釐息又聞以上條款屢經更改始定所謂和約關平銀八百萬兩係照約載易金定數核算名為銀而實則金此八百萬兩戶部擬以借定釐豐之款分撥不敷之數由滬道撥付云

奉天 前增將軍奏請開辦奉天捐輸經戶部議准覆奏開議定查照順直奏成案以四成上兌云  
 山東 自甲辰年開辦土藥畝捐定章種煙一畝捐京錢一千地保則勒索大錢約每畝須納京錢三四千鄉民不堪騷擾有將煙苗拔去者亦有合村統捐者申通地保以多報少從中漁利弊端百出州縣耳目難周無從覈察近經督遺債

知整頓辦法其收捐規則悉遵舊例惟種煙地畝須分別大中小三等註明丈尺按二百四十弓為畝不得含混其完納捐錢准照本地通用時價計算如九八九六之類即作為一千無用補底亦無捲尾找零惟不准接用小錢凡種煙者於出苗後即赴該管州縣報明畝數坐落及業戶姓名請領執照以為收割後繳捐之據倘有種多報少等情查出後照畝捐加五倍議罰隱匿不報更加重罰罰款隨捐同繳如莊長地保包庇查出同罰其各州縣所收捐錢准其留支一成公費如收捐一千內留支百文以三十文為紙筆辦公之用其餘分給書吏二十文差役二十文莊長地保三十文俾各有律潤庶可勤奮辦公云 濟南自開商埠所需經費由東撫楊運帥 奏請將應解各款留省應用近已奉 旨允准路礦公司運煤出口已准照開平成案辦理每噸完稅一錢

安徽 皖省捐局總辦卞觀察緒昌奉院撫張帥面諭飭於長江東岸采石磯西岸西河口兩處各設米捐分卡補收蕪湖米捐凡民船裝米按每石一百五十斤抽收制錢二百文開已妥議章程詳院開辦

浙江 浙藩前接滬電將甲辰籌備各款或還或抵聽便等因查浙省上年奉部電飭協籌餉銀七十萬兩遵經籌足匯交江海關道兌收在案茲准前電請劃抵浙省三月分應解俄法英德洋款洋十八萬六千兩三四兩月應解四五月分新約賠款銀二十五萬七千三百兩又請撥給號商具領湊解本年第一批練兵經費銀五萬六千七百兩並請給還號商借款銀二十萬兩共銀七十萬兩撥數清訖除練兵經費由藩庫撥給銀三千三百兩共合銀六萬兩另交源豐潤號商匯解戶部投納已由藩司具文詳復浙撫分別咨明江督戶部查照

福建 閩省近向滙豐銀行借款三十萬兩周息七釐將來即由閩海關籌還近已由兼署閩督崇將軍電咨外務部查照 距廈門二十里有地名禾山者又名梧嶼海港也通同安石碼等處其濱海之江頭鎮市廛可百家往來船隻惟載零星土貨近稅務司因整頓權務特於該處設一洋稅分關專征往來各船隻洋常等稅蓋以洋關而兼閩海關者已於乙巳三月開辦

湖南 常德府為商業薈萃之區貨船往來絡繹不絕聞岳州新關現擬在常德設立分關以增稅率

財政

越者近聞嘗道已與法官商妥准在該處設立分卡一律征收 廉州府屬之平糧爲銷鹽最旺之區該糧所轄有四分廠十三分卡從前每鹽一包抽釐一文或二文半至二文不等即以每百斤計亦係權作數十斤以故私家之侵蝕甚厚而公家之釐餉轉絀近經收回官辦議定每鹽一包統收三文每包百斤即照百斤計算實數實稱不許朦混減成以清積弊而裨餉需

各國財政彙誌

日本 據日本銀行報告日本第四次募集內國公債額設一百兆圓及至末次結帳較原定數增至七十六兆四十八萬三千九百九十五圓其自第一次至第四次外人應募之數約九十兆圓以中英美三國人居其多數其中逾於發行之價者亦有四十五兆圓云

韓國 韓政府議決改革幣制已由大藏省向日本大阪造幣局定鑄貨幣計二十圓金貨五萬圓半圓銀貨五十萬圓二角銀貨五十萬圓五分白銅幣二百萬圓一分銅幣二百萬圓以上各項新幣准於陽曆六月一日通用至鑄貨之費則訂於七月通用云

德國 政府議定徵收宗室產業稅即行舉辦每歲所得入息可有馬克一百兆云

俄國 俄皇因生太子下詔將一千八百五十七年歲荒時鄉民所借政府之債核計美金七兆五十萬鎊至今未還者一律豁免 俄國近向德法意三國借款一千五百萬圓由駐華俄使及駐華德法意三使與俄東方駐屯軍司令官與高洛濱尼議定在北京交付計由道勝銀行支出七百萬圓其餘八百萬圓則由印度支那銀行支出

土國 土耳其政府欲乘俄國大局糜爛之際擴張其威權於黑海故與法國駐土公使商借國債以作訂購大砲之用嗣接法使照會責其辦事懶慢須將前議作廢並告以巴黎銀行停辦土國國債之事奧土門銀行亦於土國大藏大臣前聲明不復再代土國籌借國債等情土皇乃遣大臣往求法使率不允後由德國出場承借訂明所借之債須由債主代辦故土國現辦克虜伯云

## 實業

中國工藝日衰之塙論 錄乙巳三月二十一日時報

中國今日工業之不振。夫人而知之矣。然沿考古時中國之工業發達最早。其後日有進步。特一業之進。不過盛於一時。過此以往。則暫衰歇。未有精益求精。一業而日加進步者。此由國家不以工業爲國本。任其起滅興廢。彼執業者。趨一時之嗜好。以歛大利。出其天才。以成一器。則獲盛名。以去及時。過境遷。其業遂以中絕矣。又伊古以來。所稱爲工業名家者。其所製作。大抵玩好之具。輕眇之物。曾未有關於民生國計。定以利衆用而開利源者。以是二故。中國非無創造之物。名馳五洲。而迄於今茲。卒不得步列強之後塵。徒使洋貨暢銷。漏卮日溢。彼且以工商之業。制我死命。明哲之士。日日言抵制洋貨。而出口者。大半仍屬生貨。其舊有之工業。且有日臻衰敗之勢。嗚呼。幾何而不同歸於盡耶。今日論工業改良者。非不切中事理。然其人大抵與中下社會。素少交通。則揚榘事情。究恐未能詳盡。今以記者腦目兩力所及。聊述大凡。大抵中國工業之不振。有關於內部者。有關於外部者。內部者。工作之人與地。及其構造改良之法。外部者。銷貨之人與地。及其時民生之舒促。商道之通塞是也。關

於內部者二。關於外部者二。以下次第述之。

一業聯規例之不善也。行業聯誼會外國工業之有會也。互相研求競爭。以求進步。故工業之盛。賴合羣之力為多。乃中國工人之合羣。不用之於對外競爭。而用之於籍東內部。不用以研求新法。而用以保守舊規。凡五都之邑。其工人莫不有會集之所焉。議事之堂焉。又有所謂董事者。主持一切。如私減工價。則有罰。私改製法。則有罰。嚴明整肅。莫敢不遵。以是言之。其工業固應大有進步。乃所作之物。昔之堅純精善者。今皆變為窳敗若楛。其故何也。原夫業聯之起。本以平工業之不齊。然其弊也。則使無論物之良楛。工之巧拙。皆得齊一之工價。於是巧疾之工。皆相勉而為楛。貨以為其貨。雖楛得價自若也。數傳而後。巧工益鮮。拙工益多。而貨之行於市者。乃無一非楛。其時而不與外人交通。則國人困於聯例。不能自為。祇有出重價以購楛貨耳。然一旦與外人交通。其貨之堅緻。勝我百倍。而價又相仿。則常人之情。自無不樂用外貨之理。此所以洋貨日盛。而土貨日衰也。逮夫土貨日衰。工人日困。不悟其由工拙貨楛所致。乃益堅持聯例。以冀工價之如前。工價既多。貨本益貴。售貨者欲減價。則虞虧折。欲增價。則恐滯銷。則惟有改販洋貨已耳。至於此而中國之工業。尙得自存哉。況聯約中。大抵有私改做法之禁。凡物之須經十工而成者。有法可減為九工。八工。不能也。凡



商務印書館出版  
地理類教科書

學務大臣  
審定  
**瀛寰全志**  
中學用

洋裝每部一册附瀛寰全圖一册  
價洋一元八角

企英學館編輯○與地之學尚矣而足備學堂教科之需者尙未之見本館特聘名宿搜羅東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美觀光彩照人 總理學務大臣審定評語曰蒐輯精審詳略得當可爲是書真評

**萬國地理新編**  
高等小學用

每部二册  
價洋四角

懷甯陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅飾淺顯易解選用地名皆沿舊稱絕無近日譯本新寄駭怪之弊以供小學教授最爲合宜

**日本政治地理**

每部一册  
價洋七角五分

日本矢津昌永著秀水陶鎔譯○凡分七編一國土二人民三邦制四經濟五交通六在業物產七外交別具組織新義獨標雖專限於日本然可以爲斯學之指南也

商務印書館出版  
算學類教科書

學務大臣審定  
普通珠算課本

每部一册  
價洋一角

無錫誦芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

初等  
筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君楷彙集經日本教育家小谷重君長尾橫太郎君校訂其程度按照 奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價

一册 洋一角五分  
二册 洋一角五分  
三册 洋二角  
四册 洋二角  
五册 洋二角

初等  
算科教科書教授法

全部五册

是書專為教習者實際教授時所用無此則教授時必枯寂無味亦與前書相輔而行

定價

一册 洋二角五分  
二册 洋二角五分  
三册 洋三角五分  
四册 洋三角五分  
五册 洋三角五分

新出數學教科書

每部兩册  
價洋三角

小學校數學教科書向無善本間有一二非失之繁冗即嫌於凌亂教育家憾焉本書館按照小學程度精心編輯所有盡有最便實用

商務印書館出版  
格致類教科書

最新中學生理學教科書

洋裝布面每册  
售價大洋一元

奏定中學堂章程第三年第四年課程均有生理學一門本館得美國威爾遜著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有着色圖二幅尤為精妙

最新中學物理學教科書

洋裝布面每部一册  
售價大洋二元

英儒巴克爾謂進化之功藝學居十之九而政教之力不與言哉是言今欲開吾國民智非人人稱通格致之理斷無實益是書為美國最新教科之本本館特聘素精格致之謝洪賓先生譯為漢文理則辭達得未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元  
熱學一册 價洋七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭辰先生編輯先生留學英國大學有年精通理化蒐羅西國名家著作纂譯成編陸續付印圖畫精美為學堂教科書本而搜羅宏富疏解詳明尤為專門家參考所必備○磁學現已付印不日出版

商務印書館新編  
算學類教科書

洋裝布面  
共兩大册

中學堂用  
代數

每部定價  
二圓四角

代數一術為格致底理  
中學要科舊有譯本非  
缺而不全即繁而寡要  
且閱時已久其法未免  
陳舊本館特請山陰謝  
君洪資取美國最新中  
學教科之本纂譯是書  
綜其專長凡有三事簡  
要不煩完備無缺一也  
起手合法引人入勝三  
也設題新穎習之多趣  
三也刷印鮮明洋裝精  
緻猶其餘事各處學堂  
及有志獨修者試取用  
之

高等學堂用  
微積學

微分積分術為算學上乘吾國習算之  
士久已講肄嘗苦書籍之寡不足以資  
研究美國績學士潘慎文先生前著八  
線備旨代形合參二書久受學界歡迎  
今復纂譯此編付本館印行以備高等  
學堂教科之用其書價值無待贅述卷  
首論微積學源流可補嗜人傳之遺末  
卷以微積推科學要題為最新最捷之  
法各學堂及自修之士均當奉為寶笈  
也精印西裝布面金標全部一册定價  
一圓六角

物之須經十日而成者。有法可減爲九日八日。不能也。立法之嚴。甚於官令。近者景德鎮有磁工。擬改彩畫之法。一工可抵十工。工人恐奪其衣食。毆之幾死。杭州有某機坊。織甯緞以棉線爲緯。光采與絲無異。同行以其有犯行規。必控官嚴罰。且毀其貨而後已。殊不悟外洋磁工。其速於中國何啻十倍。而洋緞之充斥內地者。何一不攘雜棉麻。乃欲自峻行規。以遏銷路。其愚真不可及矣。故近日凡魄力較小。資本不宏。及普通皆有之貨。尙有一二改良。仿效洋裝。而獲厚利者。如木器。以行規不甚嚴肅之故也。又通商口岸。其改良易於內地。雖由風氣濡染。亦行規寬闊。有以致然。由是觀之。如今日業聯之所爲。有百害於工業。而無一利矣。今人競言工商當立行會。夫業聯之所爲。儻爲積極的。而非消極的。凡事以維持公益。向外競爭爲主。亦何以異夫商會所爲。惟其宗旨所在。專在箝束同業。而不在向外競爭。斯所以爲工業進步之大障礙耳。今日欲廢除工聯。誠非易事。且鄙意中國尙未至自由貿易地步。茲事恐不可行。惟有由商部立一嚴令。干涉茲事。勒令除去不得私改做法之例。庶腐敗之工。失其所恃。咸相競以有爲。而工業之獲利與否。全視求之過供與否。將工作益善。求者益多。求過於供。利乃大溥。而業益盛。雖欲抵制洋貨不難矣。不然。雖有提倡工業之人。而格於行規。亦祇補苴罅漏已耳。何益於事哉。

一、工業地位之太卑也。工人古居四民之一。其視之雖不如商之賤。然流品甚下。且動輒受制於官。於是爲工人者。非愚頑不學之徒。卽奸猾無賴之輩。其不能出新法。成大事。固無論矣。卽行廠之東。雖資本素豐。而人之視之也。不能如搢紳之榮。於是此輩遂別爲流品。不知學問爲何事。惟本其授受相傳之法。盲語盲從。其心中亦若鄙夷所謂讀書之人。虛薄而無用也。於是凡有關於文字者。一不究心。以爲我用我法。是亦足矣。世界之情勢。物理之發明。新法之利用。其輻輳而來者。不但略無所覩也。卽有人著書立說。敝舌焦唇。稱道其事。彼且以爲斷無是理。夫今日實業之進步。何一不由學問而來。乃中國工業之徒。竟偏避之。若挽考各國工人作業之暇。無不讀書。故心地開明。時能發明新法。至總理工場。更屬專門學問。中國此二等人。十之九不學無術。不學故益愚。愚故益妄。又益以業聯規約之不善。故每況愈下。時至今日。卽欲覓一數十年前之良工。而不可得矣。無怪乎汝窯宣爐等製。幾絕於天下。而中國工業。愈古則愈足貴也。此內部之不振者。又其一。

若夫外部之原因。則政令之腐敗。民生之凋敝。實其綱要。專制之國。凡百事業。皆與其政令之善否。爲緣。以工業言。征斂之繁。苛官吏之昏暴。皆足間接而使之日下。而民生之凋敝。又爲至要之因。蓋惟國人之生計。日舒斯斥。母財以就工者。日多。又工製之物。不必盡人皆需。

也。必。民。間。之。生。事。足。以。供。衣。食。者。有。餘。然。後。進。求。用。具。之。備。而。其。間。特。工。以。求。食。者。日。擊。銷。場。之。旺。則。務。爲。奇。巧。以。弋。高。價。而。工。乃。日。良。故。夫。民。生。之。休。與。實。業。之。隆。常。爲。正。比。例。也。若。民。生。凋。敝。則。凡。民。所。入。盡。耗。於。衣。食。其。用。器。不。過。取。給。而。止。而。奇。巧。之。物。凡。所。謂。蕩。心。悅。目。者。不。必。盡。人。能。售。則。工。有。所。懾。而。不。敢。爲。其。始。有。所。懾。而。不。敢。爲。其。後。遂。失。傳。而。不。能。造。而。奇。巧。之。匠。所。得。不。足。以。自。養。乃。改。業。而。就。他。途。所。留。貽。而。不。他。徙。者。皆。庸。劣。無。能。無。之。而。不。得。薄。價。者。也。試。觀。乎。僻。左。之。地。其。用。器。殆。無。過。百。錢。者。而。工。作。之。劣。亦。足。與。相。稱。其。間。殆。求。一。良。工。而。不。可。得。及。乎。都。會。省。邑。則。用。器。既。繁。而。物。價。之。高。物。質。之。佳。皆。遠。過。矣。以。中。國。而。較。歐。美。猶。之。乎。僻。左。之。地。也。民。生。不。休。欲。工。業。之。盛。恐。必。不。可。得。然。則。本。原。之。地。所。須。加。意。者。猶。有。出。乎。所。謂。提。倡。保。護。之。外。者。也。其。外。部。之。原。因。又。如。此。記。者。於。實。業。觀。察。向。無。所。得。聊。次。所。聞。以。論。知。者。或。不。以。爲。捫。籥。之。見。乎。

論振興商務當先興農業工業 錄乙巳四月二十四日時報

海禁既開。白人競拓商場於東方大陸。懋遷之所及。即成爲勢力範圍。不費一兵。不遺一鏃。即能吸我膏血。握我利權。若是者何也。曰。商力膨脹故。然各國立於商戰劇烈之場。類能長袖善舞。使其商力舒而不蹙。其商務漲而無縮者。何也。曰。工業農業發達故。

數年以來。我國怵於民生之日蹙。國計之日絀。深知商務窳敗。則必不足立國於商戰之世也。乃力變嚮者。賤商病末之積習。急謀振興之策。創商部於京師。分遣大臣於各地。以考察商務。商會之設。幾遍行省。乃者。諭旨更諄諄以整頓商務保護商人為訓詞。凡此固將以興商業而培商力。是誠可謂當務之急矣。然果遂足以興商業而培商力矣乎。竊以為勸農考工之政。不舉其道。固有未盡也。

商業者。轉有以易無。固不能自無而為有者也。商人之懋遷也。相乙地物產之所不足。則運甲地物產之有餘者以劑之。而取乙地物產之所餘。復之甲地。以彌其不足。挹盈注虛。為之媒介。故材物之充物。製造之繁興。有商以為之通。則生熟二貨。雖有餘而不至棄地。然必先有人以出。是貨使國人享用。而外足與他地。為易而後商。有以為通。否則轉運無以為業。而懋遷無以為利也。故夫歐美殷富之國。其農業之精良。足盡地力。而工藝之巧速。又日新月異。而歲不同。故野業之物材。足供邑業之製造。而副其量。而邑業機器之精巧。手指之繁多。亦能盡野業之材物。有以復其利。而給其求。邑求則野為之供。野求而邑為之供。國中之商業。不期而蕃然蔚起矣。況生業為疾。供本國之享用。而有餘業。既有餘自力。不能不磅礴而求尾閭之洩。而材豐價廉。行銷自遠。自能專奪他國之市場。而為外競。而商業遂以稱雄蓋



進。富。自。然。之。序。農。工。盛。則。商。自。隨。之。固。未。有。材。物。儉。陋。製。造。楷。竄。之。國。其。貿。易。能。雄。飛。於。商。界。者。也。

我。國。農。工。之。業。至。今。日。而。窳。敗。極。矣。西。北。之。邊。赤。地。千。里。童。然。而。絕。無。所。生。三。吳。楚。粵。號。稱。財。富。之。區。矣。然。荒。土。不。毛。往。往。而。在。種。植。畜。牧。西。人。業。之。以。致。大。利。者。我。國。則。任。其。荒。廢。曾。無。人。焉。謀。其。業。以。規。其。利。茶。絲。二。事。向。為。我。國。莫。大。之。利。源。今。盡。為。外。人。爭。掩。市。場。亦。未。嘗。謀。改。良。為。補。救。且。外。人。之。進。出。口。貨。務。出。熟。貨。而。進。生。貨。蓋。必。材。用。宏。多。而。後。工。業。製。造。本。輕。價。廉。足。以。敵。他。國。之。所。出。而。占。銷。其。市。場。今。我。二。十。一。口。之。輸。出。強。半。皆。為。生。貨。外。人。摶。載。而。去。轉。生。為。熟。復。之。我。國。我。國。人。日。用。之。棉。布。奇。巧。之。玩。器。大。之。機。械。小。之。巾。線。無。一。非。外。來。之。品。而。我。國。工。藝。至。粗。極。劣。曾。無。一。物。為。彼。之。所。喜。足。與。為。競。於。商。場。我。商。人。勤。儉。冒。險。商。才。非。盡。後。人。也。然。我。徒。日。仰。彼。供。而。絕。無。品。物。足。以。供。彼。故。彼。有。來。船。我。無。去。筏。吾。商。雖。才。烏。能。以。內。供。不。足。之。貨。物。可。與。有。餘。橫。溢。之。商。力。為。競。哉。

然。則。今。日。欲。振。商。業。非。先。興。農。工。諸。業。不。可。矣。中。國。地。大。物。博。號。稱。陸。海。寒。帶。溫。帶。之。物。產。工。藝。製。造。之。材。料。與。夫。一。切。民。生。日。用。之。所。需。舉。皆。無。俟。於。外。誠。使。荒。蕪。之。地。盡。墾。山。澤。之。利。盡。出。則。我。國。之。所。自。產。足。供。吾。國。之。求。而。有。餘。且。外。人。熟。貨。之。輸。入。我。國。也。類。皆。轉。吾。之。

實業 一百四 七月

生。貨。以。治。之。徒。以。機。器。大。興。工。巧。日。進。故。勞。少。費。省。工。廉。品。良。雖。轉。運。煩。而。尚。獲。大。利。我。但。能。改。良。工。藝。廣。用。機。器。使。工。速。品。良。足。與。客。貨。頡。頏。我。國。工。價。最。廉。成。本。更。輕。且。材。料。取。給。於。內。地。無。待。遠。販。之。勞。以。視。彼。之。販。生。而。去。沽。熟。而。來。勞。尤。少。而。費。尤。省。如。此。則。物。產。殷。關。製。造。繁。富。不。特。敵。外。貨。之。內。流。而。可。以。為。守。且。爭。外。市。之。銷。場。而。可。以。為。戰。烏。見。地。大。物。博。之。國。勤。儉。耐。勞。之。民。其。商。務。不。能。上。人。也。不。然。日。言。整。頓。日。言。保。護。而。商。業。僥。矣。亦。何。補。哉。

前奉天將軍增奏查勘錦州府屬試墾續墾及海退河淤各地酌擬辦法派員丈放以

裕餉原摺

竊維富國之道首重養民而養民尤以開荒招墾振興農務為當務之急奉省地大物博曠土甚多業經奴才先後奏請開放大凌河東西流水及各處蒙荒等地均係就本有官荒查丈清釐招戶領種故當此稅捐奇絀之際所有歷年軍餉暨教案賠款各要需幸能勉強支持實皆取給於此而於民間則仍擾累毫無是墾荒為籌款養民第一善策現在查得錦州府屬右屯衛塔門等處試墾及海退河淤各地均有未經納課餘荒當即遴派候選同知王慶騰留奉試用縣丞薛景俊前往會同旗民地方官確實查勘去後茲據查明該處協領衛

門冊載試墾續墾各地除歷次報銷外現實納糧地十七萬一千三百零七畝有奇查其所  
以報銷之由則多因河水漲發沖沒田地以致不保課賦迭經報銷然水過地涸漸變膏腴  
毘連佃戶因而私墾成熟者亦復不少現經親赴地所逐段履勘除試墾續墾升科納糧與  
夫沙包鹹斥不堪耕種各地不計外綜核該處試墾續墾已經報銷及海退河淤尙有可墾  
地六百餘方體察本地民情參考輿論僉以備價認領爲幸一聞派員丈放既往不追無不  
鼓舞歡欣爭先報領若就此時查丈清楚化私爲公俾得永遠執業既能籌款又可使民等  
情呈請核辦前來奴才覆查此項地畝雖經報銷糧課而小民私墾彼此展佔日多一日動  
致纏訟不休與其任人侵假徒滋流弊何如及時丈放庶使地無曠廢賦無虛懸統計可得  
地十餘萬畝若准招佃計畝收價按年徵租於進款不無裨益而於百姓尤得久安生業永  
免爭端實一舉而數善備焉茲謹酌擬辦法四條繕具清單恭呈 御覽 飭部立案施行  
謹 奏奉 硃批戶部知道單併發欽此

謹將丈放札薩克公旗荒地仿照札薩克圖成案變通辦理章程繕具清單恭呈 御覽  
計開 一此項荒地係仿照札薩克圖成案辦理所有畝數目仍以二百八十八弓爲  
畝十畝爲一晌每毛荒一晌扣作七畝收價升科凡遇河泡水窪城場石田不堪耕種者由

清丈委員報明行局量予折扣圖冊仍滿入編戶如有以肥作瘠希圖濫混無論丈員領戶查出一律重懲其從前已經開墾成熟之地仍照定章念其開墾之勞查照等次按生荒一體收價當年升科生荒仍俟六年升科所收租賦查照札薩克圖成案辦理一該旗原指出放荒界寬長各百里現已丈清不足原指里數連沙城計算僅得毛荒四十餘萬响土脈均極瘠薄仍照札薩克下等章程每實荒一响收庫平價銀一兩四錢添放河南一帶寬約百餘里長約三十里雖肥瘠相間尚堪分作上中兩等該旗懇請畧增荒價酌擬中等每响收庫平價銀二兩四錢上等每响收庫平價銀四兩四錢三等價之外均照章隨收一成五經費以資辦公一現放荒界二等地段為數無多領戶擁擠均擬當堂掣簽發放以昭公允且防流弊其三等地段土多沙城非包段發放領戶勢必觀望報竣恐難迅速自應變通辦理准領戶指領大段段內既有量予折扣以劑其平概不准繞越挑剔務須連段挨指俾肥瘠一律包裹其有兩戶同指此段者亦當掣簽以杜爭競凡領下地各戶報領後即飭交價大半餘者一經發地即須交清違者不為發照撤地另放一查札薩克圖郡王旗成案統按每實地一响定價一兩四錢以一半報効國家以一半撥歸該王旗所有另加之土中地價全行撥歸王旗惟彼此情形不同上下貴乎交益現與該旗議定無論上中下各價

均以一半作為報効以一半歸之該旗惟於 國家應得項下提銀一萬五千兩作為賞給該旗協理印務二員津貼辦公以示體恤 一全荒界內將來一律開墾自應先後安官設署舉凡治所市廛皆須先墾適中之地以為基地茲於界內適中之徐家窩棚地方墾定城基一處地當衝途規模宏敞縱橫均四里六分六釐公府附近墾定鎮基一處瀕臨河口水陸兼通縱三里三分三釐橫四里六分六釐除劃留城鎮應用公地各項外所餘街基按照札薩克圖每丈見方收價三分三釐舊章略為加增縱橫每丈見方酌收庫平銀五分加收 一五經費其基價正款仍照章全數撥歸該鎮國公辦公之用 一該旗界內舊戶有該公自招者名曰紅戶有台吉壯丁攬頭私招者名曰黑戶酌擬無論黑紅各戶居於某等院內按照此次所定上中下荒價每丈出熟地若干仍以三七扣實數補繳價銀准其永為己業至各戶向該旗交過押租銀兩行局已與該公商訂明確均由該公旗自行清理行局概不預聞至熟戶如願報領生荒者准其換領惟須定為每開熟地百晌准其報領生荒二百晌以杜架名轉賣並防專指膏腴之地有礙招徠新戶 一該旗公共垣寢禁地佛寺鄂博廬基並該旗台壯現在居住自種房地亦准報明即按地之大小隨繩量為留出作為該旗己產不准私典盜賣惟台壯所留房垣地段免其交價已屬格外體恤擬每戶准留九十晌不

得踰限以示限制。一開放之初尙未設有地方官而荒事辦竣尙需時日所有荒段內一切詞訟照章仍由行局秉公訊辦偷遇命盜重案就近移送新設洮南府訊擬詳辦以昭慎重。一該旗地曠人稀久爲盜賊出沒淵藪現在丈地收款在在須兵保護彈壓始免疏虞仍飭仿照王旗成案招募馬隊八十名派弁管帶聽候行局調遣所支薪餉即由所收荒價作正開銷。一該旗距新設之洮南府二三百里其間夙鮮人迹現在丈撥荒地數百人所需食用不得不設法運送仍飭仿照王旗成案於沿途設站轉運兼令遞送公文並於省城設立蒙荒總局一所遴員專司稽核收支一切案牘至各員弁書役應支薪水車價均照札薩克圖王旗章程辦理奉 硃批覽欽此

前奉天將軍增奏陳清丈盤蛇驛地畝大概情形並酌擬章程摺

竊奴才前以廣甯盤蛇驛牧廠荒地現經調復奏請分別清丈招墾等因一摺於光緒二十九年十月初一日奉到 硃批著照所請戶部知道欽此欽遵當即恭錄分行並遴派花翎分省試用道蘭祖榮爲總辦帶同員役前往設局勘丈按照土地肥瘠酌定荒價旋據該員等稟稱盤蛇驛牧廠地分東西兩界東界大半低窪遇水輒被淹沒如能開通河道因勢利導均非棄田西界土性腴沃而地段甚窄其北面則與莊頭地犬牙相錯分晰極難南面瀕

海一望斥瀟間有生細草者尙堪耕種合計兩界直長八十里橫寬自十數里至四五十里不等約共有地七十餘萬畝內除已經承種納租地二百餘萬及湖灘溝窪道路等項約可得地四十餘萬畝向可列上等者殊屬無多茲就土性肥磽分定上中下三等價值其原領納課與私墾成熟各地輻輳甚繁惟有秉公詳查隨時奏定辦法總期有神籌款無害民生等情呈請核奏前來奴才覆查此次清丈原與初放荒地情形難易不同又值該處於客春連番大雪泥淖難行向受遼水淹溼之患以致招領之戶輒多觀望除仍飭安速辦理並分咨查照外謹將開辦一切章程繕單恭呈 御覽懇請 飭部先行備案謹 奏奉 硃批 戶部知道單片併發欽此

謹將酌定丈放盤蛇驛牧廠地畝章程繕具清單恭呈 御覽 計開 一酌定地價查該牧廠地多窪下惟西界較爲膏腴南界多係鹹瀟現擬將生荒地定爲上中下三等上等每畝收價庫平銀一兩四錢中等每畝收價庫平銀七錢下等每畝收價庫平銀二錢八分其私墾成熟之地大半膏腴定爲上中二等每畝均照生荒加價七錢上等每畝共收庫平銀二兩一錢中等每畝共收庫平銀一兩四錢至最下鹹瀟各地則視報領者之多寡酌量減價折扣藉以養育貧民務使地無曠閒而免私相展佔 一設局派員查該牧廠比東西流

永大凌河地段較小無庸多設分局祇就該處適中之溝幫子地方設立行局一所其地爲火車通行要站領戶挈資往來較便並在省設立總局從簡派員專司稽核以節糜費所有該兩局總幫辦及員司書役應支薪工車價辦公心紅紙張等雜費另行開單咨部立案酌收經費查奉省丈放各處荒地均於正價外收一成五釐經費以爲設局派員薪工車馬等項之需現在諸物騰貴一切用款尤爲浩繁擬援照歷次成案收取二五經費俾資辦公一查丈地畝查奉省丈放荒地皆以二百四十弓爲一畝二百四十畝爲一方其不足一方者仍按畝計算共有生熟地各若干造冊繪圖隨時呈報以防弊混一預留道路查丈放地段內官道應予留出惟大路不得過一丈小路不得過六尺五里內概不准重留小路免致多佔地畝一酌留墓地查該牧廠內有私葬墳墓者繩丈時於該墓之前後左右各予留地二弓以廣仁施其四外之地如原墳主無力認領丈出另放一收價給照查丈放地畝荒價必先收清始免拖欠假託諸弊現擬仿照大凌河章程預刊雙聯草圖四至存根執照領戶交價由行局收支處兌收訖發給執照赴地所聽候委員挨次撥放俟地畝丈放完竣持照到局換領大照其原領納租地者並令持原領地照到局呈驗亦先發給草圖四至執照聽候清丈有無浮多如有浮多卽由原文委員將畝數等次註明照上仍赴行局



補交地價再換大照以杜弊端而昭一律。一浮多私墾查原領納課之地新舊不一自應酌定年限以杜取巧查照該管界官底冊無論何年報領均截至光緒十六年爲止其在十六年以前者准其驗照覆丈換給大照如有浮多即係私墾勒限一箇月照章補交價銀其在十六年以後者則以私墾論亦勒限一箇月按照熟地等次繳價承領從寬免追歷年花利以示體恤如逾限不交或有隱匿抗違及以多報少等情弊均行撤地另放

浙江巡撫奏浙江省城試辦工藝傳習所講求實業摺

竊維商務以工藝爲本工藝由傳習而精浙省地脈饒厚物產不爲不豐無如風氣未開製造之法素未考究因陋就簡莫肯精益求精且兵燹之後元氣至今未復以致洋貨銷路愈廣土貨銷路愈絀若不急爲變計加意提倡誠恐小民生計日蹙而工藝亦必無振興之目經臣欽遵諭旨並商部通行照會就地紳士於浙江省城擇地試辦工藝傳習所先將織染綢布造紙製造罐頭食物等項易於銷售之品分科傳授其餘逐漸擴充業已籌撥款項雇用教習招集年在十五以上二十五以下合格生徒一百六十人來所學習卒業後另再募補所有卒業生徒將來即於本所附設工廠令充工匠僱賃本官款不足再招商股總以推擴實業裨益民生爲主謹奏奉硃批商部知道欽此

署兩江總督周奏開辦江浙魚業公司摺

竊前准商部咨本部具奏在籍翰林院修撰張謇條陳魚業公司辦法一片奉 旨著商部咨行沿海各督撫妥籌辦法欽此恭錄咨行查照務將籌辦情形迅速咨復爲要等因准此當經照會該修撰招商妥籌酌辦並咨行沿海文武各地方遵照在案茲准修撰張謇函稱魚業公司事業與滬道熟商先規大略擬招集商股用新法捕魚購德人拖船試辦以上海爲總局另設江蘇分局五處浙江分局十處以保護舊有之魚業保全中國之海權爲宗旨議定大概節畧設局開辦俟規模粗定再彙集各國章程參考中國風俗沿海七省商情細訂呈核請先行具奏等情前來臣查歐美各國濱海之地魚業實爲大宗既有水族院考求種類之方復有養魚書詳繪鱗介之狀取魚之法數畧之禁設會研究日異月新民受其益而國家亦收其利英與法既各限兩國捕魚之權美與英又合訂北海捕鯨之約因魚業致啟交涉於是特重海權中國濱海七省海線長七千餘里恃魚爲生者無慮數十萬人然皆循用舊法網具笨拙自應設法改良以關利源而振商業該修撰現擬專集華股講求新法仿西人船式并各國電燈法以電取魚先就江浙兩省爲始以次推廣直奉山東閩廣等處務使邊海貧民均享公共之利益華商聯絡預收應有之海權詳核所呈節畧尙屬周妥自

應准其照議開辦並飭沿海關道督飭地方文武認真保護向來衙門陋規相沿成習應一律嚴行革除仍飭俟訂立詳細辦法具詳到日再行咨請商部核示該修撰又議建水產商船學校各項事宜已飭會同上海道妥議章程繪圖詳報再行核定飭遵臣維振興魚業本以保全海權爲要議然查西國海權以潮退三海里爲限英法等國海峽甚狹海濱小島亦多近岸中國沿海島嶼星羅棋布甚有相隔百餘海里者島無大小遠近皆漁人託業之區趁潮往來不分界限若僅以潮退三海里爲限則名爲保護反蹙海疆不如仍行我向來領海之權較爲上策此不能不揆時度勢深思遠慮預爲聲明者也此節應如何取益防損之處自當與該修撰審慎籌議以維大局謹 奏

雲貴總督丁奏滇省創辦罪犯習藝所情形摺

竊查前准部咨議覆護山西撫臣趙爾巽奏各省通設罪犯習藝所軍流徒犯即在犯事地方收所習藝一摺奉 旨依議欽此等因咨行到滇當經轉行遵辦惟滇省地處邊瘠庫藏空需此項罪犯習藝所若照部章於省城及各巡道駐紮處所一律舉辦經費浩繁力有不逮雖新章議以贖銀撥所充用作正開銷無如滇民貧苦歷來贖罪無人萬難特作的款因查本省定案照章得免發配各遣軍流徒及外省咨解來滇應行收所習藝人犯爲數無多

擬先於省城創建一所凡通省軍流徒犯暫令收所習藝俟辦有成效再行逐漸擴充當經籌款度地委員修建應設犯室工廠養病房以及收儲貨料委員辦公教習人役住宿之所約可容止二百人一切事務即歸臬司督辦另委提調收支文案監督等各員教習及各色雜役則視罪犯之多寡隨時酌定應需經費暫由善後局提撥如有贖罪銀兩仍照章撥所應用所習之藝專取粗淺如織布彈花等類俾易習成或應罰作苦工均查照部章辦理仍撥駐營勇一哨藉資彈壓並酌定章程總綱四條以便遵守謹 奏奉 硃批刑部知道欽此

出使俄國大臣胡致商部籌議織獸毛製樹膠咨呈

竊照整頓商務一面宜推廣土貨出口曾於光緒三十年九月條舉易辦者兩端咨商貴部考核在案一面尤宜減少洋貨進口以杜漏卮減少之法禁遏固萬不可重稅又未易辦到則惟有竭力仿造以求合本國之用願仿造洋貨極非易事徒震於有利可獲而不先研究製造之理製造之術與製造之地驟然建廠屋購機械聘用西洋人爲技師委不學者爲總辦擲金數十萬縣時二三年迄未見有一物之成出廠人肆卒之或虧或輟貽人口實比比皆是有鑒於此者又或懲羹吹葢視製造之學過於高深不敢著手又未蒐圖易於難二者

均失之今籌得製造雖非極易而研究尙不甚難銷路可漸推漸廣而成本又可大可小者如左二端一曰獸毛織獸毛以供衣被之用俗呼爲呢中國人尙絲織不尙毛織然每歲洋貨進口其呢已不下數百萬金今後若大興軍政大興學政其服裝竟有不能不尙毛織之勢軍政學政愈興則軍人與學生之數亦愈增二種人應有一定之衣製衣之料必求價廉必求經久一歲十二月中除暑期外有八箇月可用一種材料之衣用絲織不如棉織之價廉用棉織不如毛織之經久故毛織尙焉中國本不乏毛且有販運出口者講求畜牧則產毛愈多不但蒙古新疆西藏之素富於毛也軍人學生其服裝貴有種種區別軍則有步騎砲工輜五種種有別官分九等等有別弁分三等等有別卒分三等等有別推之軍醫有等會計有等等有別別之法帽有章肩有章領有章袖有章袴有章章有別其別以式兼以色學生有大學中學之別有各種實業各種專門之別一堂之中有年級先後之別其帽其衣均別以章章或以式或以色故織毛與染毛並重染毛之學在通化學此種化學求應用不求闡理故學非甚難論毛織之學自以英爲巨擘俄亦頗長於此惟西人好謀絕大局面與之相商無非先購機械數十萬金而已且西方候寒其毛織尙厚亦非盡宜於東方莫如就日本官設之廠而取法焉日本又有于住製絨所隸於陸軍省織出之料足以供其全國

十三師團之用在中國目下尙無須此多數之料但逐漸推廣以求切於實用而已二曰樹膠含膠之樹熱地最多滇桂南境固產此樹卽浙江境內亦復有此樹雖不如熱地之多含膠不豐然亦可備攷究剖樹取膠製成物其堅者可代骨角其韌者可代皮革其大用在能禦水可以使外水不滲內水不洩製爲雨衣輕而不濡製爲履可以避水可以止滑製爲鞵以界農耕可以避烈日曝水之毒而免騷足腫大之病能禦氣可以使外氣不能侵內氣不能漏化學家醫學家電學家所藉此以爲避氣避電之器不可枚舉學堂中於寫字繪圖可以去筆誤又其性能伸縮而伸縮力又極勻故製管製帶製輪無不可伸縮合度而遇堅不碎遇柔有勁年來此學日進製出之品千種萬殊小之如線而其力尙存大之盈丈而無須拚合其用既廣卽其利自豐故國內有此原料固可自取自製卽原料不產於本國亦可以需用過繁之故而購料自製英國卽取料於印度非洲等地矣惟此項製造中國尙未講求未可猝然興辦是宜令旅居南洋羣島之閩廣商人先事考求其種樹法取膠法化學法購運法而後及於製造法成本鉅則製出之品類可以萬變而無窮成本微亦可以製成數十百品先售獲利中國素無業此之人以此勸商當有應者以上二端苟能痛除官商積習實力興辦斷無不獲利之理斷無不可以減少洋貨進口之理所有籌議織獸毛製樹膠二

事以爲整頓商務之一助合行咨報貴部以備酌核施行須至咨呈者

○安徽磁土公司機器開採磁土節略

按中國物產豐阜甲於環球然不能加意考求極力推廣以致利源外溢良堪痛惜近來各省疾起直追振興工藝以相抵制允推急務然不能駕而上之又安望勝算之獨操哉查中國物產除絲茶而外爲外人所不及者厥爲磁器嘗見外人購求中國前代以及本朝各名磁往往不惜重價珍同拱璧以視彼國所產非不製作精良彩洵光潔究不若中國之可寶者無他磁質之堅緻相去懸殊也中國磁器出於江西景德鎮每歲所產恆百萬計以御窰爲極細他如菁花粉定五彩各窰亦皆精美無匹然磁器雖出於江西之景德而磁土實出於安徽之祁門曾有日人考驗祁門土質稱爲五大洲之冠以距景德遠且土法採取難故景德所造各磁雖御窰亦祇用祁土八成其餘細窰則僅用祁土四成久爲憾事皖省各大吏因此籌集鉅資開設公司向洋購辦全副機器運往祁門造廠裝設開採磁土以爲振興工藝推廣利源之舉先用機器開去生土粗礪則以機器磨礮之堅硬則以機器軋碎之然後淘汰渣滓擷取菁華用機器研至極細製造成磚較前土法所造不獨色更白而質更細抑且取不盡而用不竭從此景德鎮造作御窰以及極細磁器均得全用祁土不至如前

此之矜貴則所產當邁越前代將來仿照西式製成各種磁器自非外洋所產所可同日而語則銷場之旺可操左券於此而論考求物產推廣利源之道有不駕而上之獨操勝算者乎爰將祁門磁土各坑名以及所產各土性臚列於後庶幾按圖索驥一目了然 一祁門東鄉磁土向作御窰磁器色白質細性極膩密以之製造極細杯盤瓶罇各種玩器無不精巧絕倫土坯入窰一無燥裂傷損之慮非若他處磁土僅有八九成收場也 一祁門龍鳳壁磁土色白質細性極剛健且極細緻凡御窰製造大瓶或高至八尺以及丈餘土坯入窰一無傾側欹斜之慮其餘諸大器玩燒成後光彩奪目且無絲毫斑點毛孔誠五大洲希世之寶也 一祁門大北港土色白質細性極堅爽能造極大之器如魚缸浴盆花盆牀榻屏風等類燒成後光潔如鏡鑑人眉目亦非他處磁土所可媲美也

江蘇農務總局查荒招墾詳細章程

一荒田荒地宜分別辦理也現在農務既以清地畝爲第一義查蘇屬五府州荒田荒地不下二百餘萬畝而田地賦則迥乎相殊田畝無論高下悉有糧賦城市基地或有賦或無賦沿前明之舊者有之匪擾之後從寬未征者有之若舉荒地與荒田一律辦理是向已建有屋宇圍爲園圃者獲免賦之利新墾瘠薄之地轉須繳租升科其情未免偏枯若因而概令



舊有屋宇園圃一律補糧又似近於煩擾擬請將荒田荒地分爲兩項可種稻麥等糧食者爲荒田可建屋宇園圃者爲荒地所有荒田照章呈繳繫脚分年收租升科如係荒地照章分別官墾招領招墾繳本繳價收租行縣查明圖分升科 一荒田數目宜先核大致也各縣各則田數均有一定之額荒廢蠲免每年各州縣均於秋後勘報一次有案擬請以二十五年清賦案內已報成熟之田爲準將五年來各州縣起征剔荒數目各比爲一表則較數朗然矣再將各州縣五年所報荒田圖分圩分亦查明比爲一表是否全圖圩版荒亦顯然矣 一荒田虛實宜考核劃分也蘇屬五府州荒田鎮江府爲最多四縣共荒田八十五萬數千餘畝蘇州府次之九縣一廳共荒田八十餘萬畝常州府又次之八縣共荒田三十二萬數千餘畝松江府又次之七縣一廳除川奉全征外六縣共荒田四萬數千餘畝太倉州併四縣爲最少除崇嘉全征外一州二縣共荒田二萬數千餘畝考其實在恐虛荒居其多數蓋糧戶沿差完全漕之俗以熟報荒者有之冊書經造得賄舞弊將熟列荒者有之漕書戶書侵蝕過度彌縫報荒者有之保圩甲總藉荒隱射勒佃拋荒者有之種種弊混遂鑄成不磨之荒案或則盡稱爲版荒或則於秋勘案內更迭稱荒實皆爲頑戶猾吏相迫而使然各州縣非得已也若就此紙上之荒數而議招墾無荒可墾矣其間亦有因匪擾以後載

籍無存由業戶自報而以多報少者又有客民於匪後因籠統開墾未經丈步約略呈報者又有零星小坵隱匿未報者又有圩中一業管有兩坵報甲坵不報乙坵者莫不散混在熟田之中各州縣以難於究詰不得已入之於荒以求符於案牘則又爲荒中之無着而亦無從招墾者也此均所謂虛荒是矣至於實荒田畝歷年豁除糧賦之官荒居多熟徵歉蠲之民荒爲少其中有不可墾者如義園亂塚挖廢坍塌是也有可墾而難墾者如高中之最低水易入而難出者如低中之最高水難入而易出者是也如沙磧滲漏崎零小坵墾工艱重者是也除此等之外方爲平易可墾之田然恐不多矣 一虛荒之田宜立法查擠也此次清地畝係奉 特旨將官荒民荒認真釐剔不應再有含混使蘇屬二百餘萬畝荒田全係實荒清之亦可爲力今虛荒混雜實荒時久數多勢不能不查擠虛荒以裨招墾實荒之事然虛荒者租業糧戶操爲利權書吏差役居爲利藪把持勾結久成莫破之局者也從前有查擠之者必多方出死力巧技以抵抗破壞之而後已如二十五年清賦一案固未嘗一日忘也此次開局以來迭經札飭各州縣開報荒田繪圖造冊送局辦理招墾僅祇江陰一縣遵照開送各州縣之所以不開者非不願開也不能開也明知虛荒多實荒少設據實開之則糧賦當增懼開罪於紳士使不據實以開則恐農局按冊索田辦墾又懼無以指交於是

志在於心遂成宕延之勢若僅徒以文告相尋終恐無補於墾事擬請就歷年秋勘案內所報荒田查其歷年全圖全圩均入荒數者應爲版荒無疑先行提出由局查明此項田畝本年是否已經墾熟如仍荒廢卽由局照官荒辦理招墾其餘更迭稱荒之田必係熟征數編之戶戶田均有着落不妨就此根求擬請飭各州縣自本屆爲始何人報荒卽令何人指實荒田之所在所有坐落都圖圩段坵形廣袤有無舊佃係何姓名住居何地四至鄰田業戶佃戶各何姓名各住何處本田是否版荒抑係新荒本年會否收租逐坵詳加開明准其報荒豁糧統限九月內清冊報局由局照官荒辦理招墾如逾不報應照章由局派通明算學測量司友分赴各州縣會同各該牧令帶領該管差保人等指引實荒之所在丈明畝分查明四至及田勢高下可墾與不可墾繪圖詳註彙成實荒總冊一面照章招墾一面將實荒冊錄送藩司衙門核對田數如實荒之外實有零星小坵分釐隱匿之熟田散雜他戶熟田之中一時難以查擠亦准據實聲明另列查征田若干畝逐漸查明啓徵但不得卽以爲蒙飾虛荒之具致礙招墾倘民間有已墾未經升科之田如能赴局呈明原委請予升科准卽飭縣查補糧賦不追既往如延不具報經局查出充公召變變價擬照客民繫脚之倍一招墾實荒宜先土後客也墾荒之舉樂於從事者多係客民土民自怠於墾又嫉客民之墾

其田往往仇視生費未墾則交關以阻之既墾則稱原戶以爭之而客民之強頑者則任意向有主蕩灘蓋棚佔墾有獲則姑安無利則逸去土客積不相能已如水火今招墾實荒田畝擬請先儘土著農民或鄰田佃戶或紳辦善舉限令趕緊認墾應繳墾腳從寬減客民之四分之一仍照章分年收租升科給予永業執照以本年年終滿限不再展限如逾限不認其大坵即招客民照章呈繳墾腳取保領墾分年收租升科給照執爲永業一面嚴定部勒之法凡客民請墾請領荒田應令先行在局縣稟舉殷實誠篤客董一二人願充客董者須本地紳董及舖戶居家可靠之人具結擔保方准著充所有墾地領地客民戶口人數姓名籍貫年歲責成客董結報明白倘客民中有不遵定章欠繳租課棄田走逸及別項不法情事均惟客董是問客董有不合情事惟擔保是問倘零星小坵客民不便墾者責成圖董保圩設法墾熟升科其可墾者分四等收租升科可墾而難墾者照可墾之下二等分別收租升科一隱射之荒應隨時勘丈也虛荒之全圖全圩大區整坵田畝荒熟混淆者尙可多設方法以查擠之其有以多報少約畧呈報零星小坵報甲隱乙等田以熟爲荒而非勘丈不明者隨時違批詳辦一版荒災荒宜劃清界限也版荒災荒本屬兩事不容相混近來各州縣秋勘報荒間有含混者此次版荒既應歸局招墾尤應與災荒劃然兩清擬請通飭

各州縣於秋勘案內將歷年全蠲之官荒田畝歸局招墾者提出別列一條俟由局招有墾戶後陸續行縣按限升科屆升科之期由縣逐漸起征其本年災荒應勘實成數或征九減一或征一減九總以不使全蠲與版荒有別爲要領仍飭於版串內各加減成若干紅蠲庶戶戶有串可執在小民既受實惠而本局辦理招墾不致相混且易於稽查矣此種民間輒種輒荒之田必有水利種植培養之不合由局會縣勸集原業紳民考求利病務期改良補救以獲成熟如原主不願考求是有意拋棄田土一年以後照官荒辦理 一公地私地宜一律辦墾也荒廢公地卽官荒之一端匪擾以後公署公所公局關地營地屯地或裁併或移駐或改設地址因而荒廢者所在多有卽公地也其必須建復之處自應留待籌建有不必建復者似可准照官荒招墾按年收租給予承墾執照不准請領惟給墾之後墾種建置聽其自便其餘官荒及民荒人亡戶絕之無主私地分別招墾招領有願請認墾者給予承墾執照按年繳租請認領者呈繳地價給予永業執照行縣於三年限滿查明圖分比照升科如請領大塊地段之人倘一時力有未及准先繳半價半年內繳全再行給照願一起全繳者卽予執照小塊地段自須卽行全繳地價給予執照均聽其墾種建置有主之地係祖遺有確據者予限一年諭令自行墾種建置逾限不墾照官荒地畝辦理其寺觀庵院荒廢

地畝廣大而荒久者亦應照官荒之地辦理此次墾領荒地不准將成段成片者擇肥割瘠以杜取巧如合股請墾請領准予分給執照其紳辦善舉如願領地其地價年租均按等減去二成以示體卹此種官荒及民荒有主無主之地仍嚴飭各州縣再予展限一箇月造冊報局不得再延 一田地租價宜酌量分定也凡荒田擬按田勢高下墾種難易分爲四等高而易墾者爲第一等低而易墾者爲第二等高而難墾者爲第三等低而難墾者爲第四等四等之田繫腳錢文每畝照章概繳錢二千文土著善舉從寬減四分之一每畝繳錢一千五百文初年一律概行免租次三年一等每畝收租錢四百文二等每畝收租錢三百文三等每畝收租錢二百文四等每畝收租錢一百文第四年由各州縣按等次比照各縣田則升科凡荒地擬照地段分爲六等煩盛上爲第一等以近市平正者當之每畝繳地價錢三十五千文煩盛中爲第二等以近市平正確參半者當之每畝繳地價錢二十千文煩盛下爲第三等以近市確者當之每畝繳地價錢十二千文偏僻上爲第四等以遠市平正者當之每畝繳地價錢八千文偏僻中爲第五等以遠市平正確參半者當之每畝繳地價錢五千文偏僻下爲第六等以遠市確者當之每畝繳地價錢二千文均給予永業執照行縣於三年限滿查明圖分升科如願按年繳租一等每畝錢三千文二等每畝錢二千

丈三等每畝錢一千五百文四等每畝錢一千文五等每畝錢六百文六等每畝錢三百文均給予承墾執照公地年租照請墾官荒地畝租錢分等收繳初年免繳租錢次年照繳五成第三年起以後照數全繳其平正地內有五尺以下之墩及地內有一丈以上之高墩圈出續辦如有願領者開墾成本較大應格外體卹不取地價一律給照作為永業仍行縣於三年限滿查明圖分升科 一種植樹木宜逐漸講求也蘇屬土性極宜桑柏藝桑之風已覺漸開惟種柏者尙罕能於蘇屬各田沿河之岸一律種柏不費土地而利不可量擬請由局於省城內外擇一平正寬廣之地丈墾作為柏園向浙江購柏子數石逐漸培出柏秧二三年後即可分發各州縣發給農民領種田岸所費無多足以開蘇省未開之利更擇平易之區丈墾試驗土宜如墾成後民間願領者繳還柏本補繳各年租錢給照作為永業行縣查明圖分升科如官墾力有可及隨時擴充如有不及仍招民墾種

### 各省農桑彙誌

京師 外務部接駐京義使照會畧謂該國將於羅馬城開設萬國農學會請派員赴會等情聞外務部當即電致駐義使臣屆期派員入會公議農務

山東 登屬產桑葉小而薄故蠶吐之絲柔且短不能製錦祇可織綾甯海楊薇史上舍研究種植有年近特遣人赴浙

湖購桑秧數萬株回登擇地栽種以興蠶桑之利。禹城縣令近於徒駭河兩岸並新舊兩驛路及城壕等處種植柳樹五萬餘株以爲鄉民勸導。棲霞四面環山最宜種樹近由縣出示勸令各村廣爲栽植聞出示之後聞風興起者頗不乏人云。

河南 禹州王牧近從魯山縣購買柳實發給山戶栽種又以該州西北山岡水深多石一旱輒荒即參用鳥糞電犁如法勸澆深耨亦無所施特由省城機器局仿造鑿井機器給發各鄉多開自來水井以資灌溉而益農田。

江蘇 常鎮道郭觀察以郡城千秋橋左近有荒地數十畝廢棄可惜特發款購買桑秧數萬株招人領種以興蠶利畧名曰常鎮道官桑園俟有成效即通飭各屬一體照辦。儀徵縣屬荒地甚多近經該邑官紳合設同利公司購買桑株擇地栽植以開地利。徐州府屬地瘠民貧生計日窘徐州道袁觀察通飭各屬選派公正紳士先就城內設立實業會社一所專辦開導種樹養蠶墾荒各項實在事業以爲各屬模範。江北之海州贛榆東濱大海廣斥數百里比年海勢日東潮灘益遠計自海州北境入贛榆界五六十里抵魯省日照縣境有灘心灘其地長狹約二千餘頃自州治東抵淮安阜甯縣境三數十里有燕尾灘二千餘頃均可墾牧沈君雲沛以爲任其蕪穢不治必致荆棘叢生官既無從得賦民亦無以資生爰稟江督請撥通州通海墾牧公司成案與張季直殿撰暨地方各紳等集合股本三十萬兩創設海贛墾牧公司就雞心燕尾二灘築隄開渠漸次招墾並聲明提成繳價墾熟升科等情當由江督周玉帥准爲具奏已奉 硃批該部知道矣。

安徽 宣城縣何大令恩煌曾於甲辰年間捐廉覓購早稻塘稻二種早稻出於日本植諸高原無慮枯槁塘稻產自暹羅植於被淹廢棄之地不畏淹沒均能收穫頗著成效特具稟撫轉請飭各屬一律仿辦以期推廣云。



江西 農工商礦總局近以本省樹藝未興特通飭各屬出示勸導凡種植果木五百株以上雜色竹木千株以上者委員查實詳請撫憲准給爲首勸導紳士匾額一方爲首出力農人各州縣揭榜披紅禮請寵勞若成效逾格者並稟請獎給頂戴以示鼓勵

浙江 嚴州府屬山嶺重疊半皆荒廢近有會赴日本游學生二人與紳富等議集資本十萬金創立墾牧公司先行稟請撥地認賦分就阜原土性開墾種植復畜羊牛雞鴨即在荒郊牧放悉仿日本新法廣爲傳習

四川 成都府高太守培焜近奉川督錫清帥勸辦內屬蠶桑先由公家撥款三千兩特派委員分赴嘉眉瀘潼一帶購買桑種並飭各地方官轉飭各團保先按地段之寬狹定種植之多寡彙造成冊稟領分裁不足者籌添踐傷者有罰種植既備護惜有加而後教以擇種之方課以養蠶之法云

廣東 雷州府屬徐聞縣境仙橋屯雲二嶺荒地前由邑紳楊廷桂等承報開墾嗣因經費難籌招人承辦經左君小竹潘君景文訂立合約名曰東興農牧公司稟明商務局在案茲聞定議仿照有限公司辦法擬集二萬五千股每股二十元不收洋股已散布章程招集矣 嘉應泗水楊堡朱君毓衡素研植物原理近議倡辦種植會以與山利先就本堡試辦漸次擴充其集股章程不拘遠近各鄉均可入股每股一元每人准入十股開辦成者甚多章程亦頗完善 番禺慕德司屬地僻險塘時虞水旱近聞該鄉擬設法補救以期農務大興先行籌款擇地廣鑿池塘一則收蓄鮮之利益二則備水旱之調劑除公局移支外開設股票議士人方可與股云

廣西 容縣黃君至忠等具稟督轄請集股本廣勸種植等情當蒙督岑雲帥批准嘉獎並飭桂藩酌議開荒種植章程飭屬認真辦理並飭北流容縣督紳趕緊勸辦樹之風聲母任因循云

實業

各省工藝彙誌

憲師 商部咨行各省編列工藝調查表例一表以統計凡各局所工廠無論官辦商辦或官商合辦或官紳合辦或紳商合辦皆可按類分別填註一凡表內各類宜按照事實詳細填註其為該局所工廠所未有者暫從闕如以期核實一凡一局所工廠而分設附設有至數處者須另表逐處分填以免牽混一每省各就現情按表填送報部並須仿照表式按年詳報其一省有數處或數十處者均准照式翻印分析造報一隨表應行鈔送者如分總章程招股章程各報案卷房地圖契支銷冊簿股票式樣製造成器零件皆須一併附呈一工藝教養事體極繁表中斷難備舉其不及者應由該局所工廠補編另表分填詳載呈部備查一局所名目建設地址創置年月各報年月營業宗旨製造科目製造法則管理員董各業藝師名數各業藝徒名數開辦經費常年費有無借款官股若干商股若干股息若干購用物料銷場遠近分設支局附設場塾歷年成器比較表歷年銷售比較表歷年本息贏絀比較表 商部工藝局現添仿日本七寶燒及製螺 錫鐵釘二科已加工匠數十名矣

直隸 候補道楊君來昭稟准商部在京津地方集股創設實業紡織有限公司先行購紗織布俟辦有端倪再推廣紡織云

山東 登州物產以山綢為大宗惟向來皆用土機織造行銷未廣近議改用新機另出新式花樣以廣銷路 即墨蓋君鴻儒曾在浙垣浸禮會學習化學因得紅羅葡製糖之法但味少淡近登屬已有多人學得其術羅葡造糖之法此後當日見發達矣

江蘇 甯垣下關近設有仿製紙煙公司招商赴韓等處採辦煙葉並先訂購製煙機器近日開辦 寶山王君辭矣

等糾集股本在學海書院開設裕生本機織布廠就地招集女工開工試織聞其織就貨品無不物美價廉云 揚州城內女工織布局陸續開辦者已有七八處近又有鎮江某商於便益門外拓地開廠規模宏大聞須招工五百名然後開辦定名曰利用公司 淮安張叔儼觀察近擬招集股本在南通州唐家開地方設立冶鐵公司延無錫工師估計僅需二萬金便可興辦云

江西 贛省銅圓局大興鼓鑄原有印花機器頗不敷用初擬在外洋定購而價值既貴運送又需時日諸多掣肘嗣據本局工匠徐德生呈稱此項機器不難仿造情願訂立合同包做十餘部等情該局總辦當即允如所請故已由上海購到鐵料照式仿造亦挽回利權之一端也 廣信府鉛山縣開辦鼎新織布公司每日可出布一百餘疋銷場甚廣獲利頗厚云

浙江 餘杭縣方大令佩蘭為振興實業起見捐廉購置機器數部延匠人兩名教授獄中輕犯仿織衣服褲帶等物清波運善所董近擬於公所添設工藝局量材教授所得工資存諸所中俟釋放時給予俾得藉以謀生不至再流為匪紹興臨浦鎮近有某紳集資設一厚生紡織公司經辦到織東洋花布及毛巾之機器多架先行試辦計分男女二所出示招生投習不取脩金

福建 福州商政局諸紳商近集股在省設立開源公司購辦機器製造洋燭肥皂發銷各屬並擬添造洋巾洋襪等貨湖北 鄂督張香帥近擬建設製泥織呢兩廠就大冶縣境出產水泥之處設廠以水泥用藥水煉製即成寒門德土性極堅硬能管水力經久不壞又在武勝門外購基備造織呢廠織毛為呢以抵制洋貨惟是兩廠經費約須二百萬金當此庫儲空虛斷難籌此巨款特擬招商集股作為官商合辦如有豪商能獨力承辦者則准予專利十五年云

實業

湖南 湘省某君開設善競公司先用木機紡織毛巾紫花捻線頗稱靈便近復在本省製造局照式仿造鐵機易人力轉運爲鍋爐庶幾水火既濟出貨愈精良也 湘潭楊君近自日本歸於製造實業頗有心得經集同志會繼於黃花園設立大德公司製造香皂紙張各種物件

廣東 粵商馮君耀東前稟准善後局設立同益公司製造塞門磚瓦等物已在外洋訂購造磚機器但因集股未齊擇地不易致時日久延近聞馮君邀同區君達初等湊集股本十萬圓先辦磚瓦買得南海縣屬黃竹岐附近太步地方園田一號已鳩集工人度地建廠矣 潮州之葛布古鎮之麻布及臺灣之樹根均爲世人所尚而葛麻二物所成尤以蟬翼紗波羅絹二項爲最上品然皆素紋潔白近有粵垣機房中人購得麻葛紗線用新式花本創織起花之布開成貨甚佳云 嘉應周丞輝浦邀同陳明經次修在州城倡設織布公司其織布機器均仿日本木機式樣頗爲靈便 嘉應州女工向稱精巧近有刺繡大小花巾運至各處銷售者其所繡花卉精巧鮮艷五色繽紛外人多喜購用故獲利頗厚云 廉州府某太守籌集款項暫借東山寺設立工藝廠延聘工匠教授無業游民及輕罪犯人近已派員開辦

各省礦務彙誌

京師 駐華德使照會外務部畧謂膠濟鐵路附近近有華人開採煤鉛晶石等礦安設機器殊與約章違礙有關德國利權請飭查禁等情外務部駁之

直隸 職商李君宏富具稟商部請辦昌平州河子瀾村銀礦當經該部咨行順天府查悉地方情形均無窒礙復將保單礦圖及與山主原立合同詳細查閱均與部章相符當即發給礦照俾便開採云

山東 莒州巨紳管太史象晉等集股擬開該州城西南楊家莊煤井當稟由商務局批准札飭地方官保護並令擬議

細章詳請商部立案開採

山西 晉撫張敬帥近飭在籍劉觀察篤敬前赴澤州一帶將著名礦地一律購定立契存案以便次第開採免落外人

河南 河北礦產以彰德為最富武安境內煤礦極佳周莊和村所產紅炭可鍊五金長亭山一帶亦多鉛礦近聞礦務

總局籌議集股開辦武安煤礦票由陳中丞批准先招百股開採周莊和村之煤俟有成效再開鉛礦

江蘇 句容縣龍潭煤礦經江南鹽道徐觀察樹鈞撥借關道兩庫官款照土法開採票由江督咨准商部立案並發給

探礦執照 儀徵縣十二里汶地方有煤礦一處近已為人覓得其質其佳頗適於用當即招集股本先用土法開採

安徽 候補縣沈君保衡近集資在涇縣買山造廠試採煤斤以開利源

江西 瑞州錢君濟清近集股三千金在該處開一煤礦頗著成效各處煤船前往售銷者多至五十餘號云

浙江 陶心雲觀察等近在餘杭縣南鄉車口坂地方勸有煤礦購買山地十二畝擬先集資開採不招洋股當經商礦

總局委員勸明並無窒礙詳由浙撫咨准商部給發執照以便開採 義烏縣境之西山煤礦前曾有人私挖致被封禁

近由該山主自行採取煤樣數百斤以之試燃較諸東洋煤尤勝火力頗足故已招集股本稟請開採 參將張君仰雲

等租定桐廬縣皇甫村陽山側山等處山場四十五畝籌款四萬兩開採煤礦票由商礦總局通詳浙撫咨准商部發給

探礦執照先行試採

福建 龍巖州煤礦既多且佳可合煉焦煉鋼之用近經富商林君出名招股百萬其自認五十萬係由臺灣招來餘五

十萬亦由駐星加坡中國領事代為招足定期夏間開辦云

湖北 大冶素多礦山近經蕭大令濬採有煤礦二山通票各大憲批准開辦

實業

開採團已批准

廣東 肇慶府開建縣向多金礦近經省憲委員開辦其產金礦山共分數處如瑤流場北黎九黎十曾有之昔年開採舊穴礦苗以瑤流山為最旺係屬石金委員即在該山設廠並以機器碾碎山石開每日洗出金砂多或二三錢少或一二分不等惟色甚赤暗成色較低云

各省漁鹽彙誌

京師 商部接駐京義使照稱該國將於明年在穆拉諾地方開設漁業公會請派商赴會等情商部當即咨照兩北洋大臣轉飭沿海各屬出示曉諭漁商預備前往

山東 魯省漁業總辦黃君近擬認解報効銀兩包辦全省漁務已在上海購到小輪一艘改用西法捕魚於煙臺萊州青州登州等處均設立分局其總局則設於濟南云

四川 鄰水沿南鹽井河馬鹽井二處地饒斥鹵乾隆年間已有鄉民私煮獲利頗厚旋被察知即無敢再試者近聞該縣紳商籌集股本擬行開鑿業已稟官轉詳一面鳩工庀材豫備開辦

各國礦務彙誌

美國 近日美國阜基尼邦新得一信石礦已置備機器在英國延訂礦工代辦聞其採法頗為秘密云

墨國 墨西哥京城附近有一火山已熄四百餘年形勢風景與日本之富士山相似近忽由平地吐火至一萬七千七百二十尺之高比歐洲最高之白山尚出一千四百九十五尺有以五百萬金圓向墨政府購其火山之口者則因內多硫磺也墨政府乃派人測量方知其中有硫一百四十八兆墩而硫磺之結硫者每年可增至一百五十萬墩聞購礦公司擬造一運送鐵路上山則用齒輪行車則以電氣云

南非洲 四月十一日有華工千人在南非洲約翰尼可堡礦地內攻擊土人殺斃克爾弗爾土人兩名印度人一名

商 務 印 書 館 出 版 類 戰 史

義大利獨立戰史

每部一册  
價洋四角

美國獨立戰史

每部一册  
價洋四角

普 奧 戰 史

每部一册  
價洋五角

尼羅海戰史

附溫聖脫  
哥品杭戰史

每部一册  
價洋二角五分

法 國 戰 史

每部一册  
價洋四角

飛獵濱獨立戰史

每部一册  
價洋三角

處此物競世界戰爭  
爲不容已之事於以  
衛國於以保種舍是  
蓋未有能自存者也  
歐人尙武戰術日精  
陳迹具在足資取法  
京師大學堂新定章  
程高等學堂至第三  
年卽習兵學專以戰  
史教授 朝廷重武  
具有深意有志之士  
異日欲効命疆場以  
衛吾國以保吾種亦  
安可不鑑古證今而  
預爲研究耶

商務印書館出版  
叢書叢記傳

拿破崙傳

每部一册  
價洋四角

日本矢島元四郎著中國范枕石譯○拿破崙名震寰球世人無不欲知其生平是書搜羅至富自其幼年入學之日以及遣骸歸國之年內而家庭外而軍國以至一言一行之微無不備載有崇拜英雄之念者曷取而三復之

克萊武傳

洋裝每部一册  
價洋三角

英國馬可來著本館譯○英收印度始以商會終以戰爭實克萊武一人左右之今泰西人之心目已全注於我中國欲知印度之覆轍者請讀是書

納爾遜傳

洋裝每部一册  
價洋三角

日本中村仲美著江陰何震彝劉張侯譯○近世海軍英國最稱其先者曰納爾遜納爾遜生平從事海軍者凡三十五載偉烈雄猷照耀世界讀此者猶有興起之心

關地名入傳

每部一册  
價洋一角五分

美國愛德華著無錫王汝宇譯○今日歐洲諸國幾於控馭全球其始皆由二三豪傑抗志航海不避艱險搜覓新地風氣既開興起者衆國家坐享其利而殖民之地乃愈推愈廣矣是書彙集彼國關地名凡三十餘各立一傳讀之可以增人進取之氣

日本近世豪傑小史

每部一册  
價洋五角

本館編輯○凡四卷明治維新以來彼國傑出之材人人樂為稱道但知其略未知其詳不無遺憾本館因搜輯日本近世之有勳業學問俠義奇行者各列一傳著為是編讀之可知其人才之盛



商 務 印 書 館 出 版  
類 史 歷

世 界 文 明 史

每部一册  
價洋六角

日本高山林次郎原著本館譯○世界文明愈趨愈進然皆有所自來是書分紀東西洋各國政教學術循流溯源凡有可為今日文明之證者無不備載展卷讀之不啻萃全世界民族之精華供吾輩玩即欲法蠻野而進文明亦可以識其途徑

支 那 教 學 史 略

每部一册  
價洋四角

日本狩野良知著本館譯○中國教化學術卓然為世界之先聲是編起自上古迄於國朝一切有關厥學之舉均能詳其沿革極其善華本本原原有條不紊我中國數千年來之文明讀此可以知其崖略有主張國粹之說者為取是編誦之

泰 西 民 族 文 明 史

每部一册  
價洋二角五分

法國賽奴巴著日本對澤武之助原譯沈是中愈子彙重譯○是書用普通歷史體例而特詳於政治體制宗教風俗實業文藝諸端蓋惟此可以視文明之真相也全書譯筆精審詞意明晰毫無東文艱澀之習可用為學堂課本

大 學 堂 審 定 亞 美 利 加 洲 通 史

每部二册  
價洋七角五分

桃原戴彬編譯○記載繁博凡地理人種文事武功及物產製造政教俗尚一切沿革靡不遐稽旁采搜錄無遺讀之于美洲大勢洞若觀火

商 務 印 書 館 出 版  
類 史 歷

世界近世史

每部一册  
價洋八角

日本松平康國著中國國民叢書社譯○自十五世紀末迄十八世紀其野蠻文明過渡之時代乎學問之復興宗教之革命君權之變遷皆於此數百年間現出無數變態中世之果於此時結最近世之因於此種種故世界近世史雖非歷史之全部實為世界歷史最發達之時代是編敘事簡而不漏論斷早而不偏煌煌巨帙誠歷史上空前絕後之作欲研究世界變遷之狀態者必先親為快也

歐洲最近政治史

每部一册  
價洋五角

日本森山守次著本館譯○泰西列國政治日新月異是書備舉最近世紀中憲法會議變革戰爭諸政詳晰無遺瞭如指掌欲知歐洲富強之源者亟宜瀏覽

歐洲新政史上編

每部一册  
價洋一圓

德國米勒爾原著日本稻田孝吉綾部竹之助原譯本館重譯○歐洲政界進步之速祇在前一世紀而事變之紛紜亦惟此時為最劇西歐風雲今將移至東亞雖然苟鑒其覆轍善為因應革故鼎新未必不可免此慘劇也是書於歐洲各國大局之變遷政體之改易逐事紀載詳盡無遺全書都三十餘萬言實為近世史中最高最博之本願我國人無分新舊普讀是書其所得幸福當不少也譯筆精善絕無尋常稟文譯本備紙沙石之病惟全書卷帙浩繁現在先出上卷續出下卷

## 交通

論河北鐵路以道口爲中心點 第四十三期商務報

自西力東漸而後。環球之商務。咸注集於太平洋之西岸。而以中國爲中心點。自中國大興鐵路而後。內地東南西北之軌道。咸縱橫交錯。以會歸於漢口之一隅。而漢口又爲中國鐵路之中心點。雖然。據今日之現象而論。商務之繁盛。似無過於漢口。殊不知漢口僅南清鐵路之中心點。而非北清鐵路之中心點也。然則北清鐵路之中心點何在。曰在河南濬縣之道口。曷爲而知其爲在河南濬縣之道口。曰南。北清鐵路之分佈。俱迄乎黃河流域而止。而道口者。古之大伾。爲黃河以北陸路之孔道。實今日鐵路交通之要衝也。其地位則北通彰德保定順德。即可直達北京。南更逼近黃河。逾河而南。至鄭州許州。即可直達湖北。東過大名。至臨清。越高唐。即可直達山東。西至禹州之朱仙鎮。爲山陝兩省出入必由之要道。其河流則西抵汴梁。東抵臨清。臨清以北。可直抵天津。臨清以南。可直抵江蘇。是以當鐵路未築之時。朱仙鎮運往天津之貨物。必經由道口。由北京以赴汴省之官商。亦必經由道口。今蘆漢鐵路告成。道口更爲中樞握要之區矣。蓋由澤州以築至山西之鐵路。起點於道口。而其

交通

六十一

乙巳

北。可。與。京。張。鐵。路。相。連。屬。由。天。津。以。築。至。關。外。之。鐵。路。亦。起。點。於。道。口。而。其。南。可。與。京。鎮。鐵。路。膠。濟。鐵。路。相。連。屬。況。乎。自。禹。州。而。西。由。鞏。洛。以。達。關。中。此。路。今。日。尚。未。興。辦。他。日。此。路。如。已。築。成。則。直。隸。河。南。山。西。陝。西。山。東。江。蘇。六。省。交。通。之。鐵。軌。莫。不。綜。匯。於。道。口。即。由。東。三。省。而。至。南。七。省。之。鐵。軌。亦。莫。不。綜。匯。於。道。口。則。道。口。當。為。河。北。鐵。路。之。中。心。點。又。豈。待。言。哉。夫。北。清。者。中。國。古。昔。之。所。稱。為。中。國。者。也。所。謂。黃。帝。堯。舜。禹。湯。文。武。建。都。制。治。之。區。皆。在。其。所。然。以。其。河。流。少。而。旱。道。多。商。旅。之。往。來。不。便。故。其。開。化。雖。最。早。而。其。人。民。咸。樸。儻。固。陋。囿。於。一。隅。其。民。智。之。程。度。向。遜。南。清。即。其。地。方。之。殷。富。亦。遜。南。清。此。拳。匪。仇。教。之。禍。所。以。獨。於。北。清。見。之。而。南。清。不。聞。也。然。鐵。路。者。歐。美。富。強。之。利。器。鐵。路。輻。輳。之。地。民。口。可。由。寡。而。衆。民。產。可。由。貧。而。富。民。俗。可。由。野。而。文。自。今。以。往。吾。敢。為。道。口。賀。不。甯。惟。是。中。國。之。建。築。鐵。路。今。日。尚。在。幼。穉。時。代。他。日。者。各。省。之。支。路。紛。然。歧。出。四。通。八。達。河。華。以。西。川。陝。以。北。皆。可。朝。發。夕。至。不。虞。間。阻。則。民。智。之。開。通。地。方。之。富。庶。當。必。有。較。諸。今。日。而。不。啻。倍。蓰。者。則。吾。不。特。為。道。口。賀。且。將。為。中。國。之。前。途。賀。嗚。呼。關。中。沃。野。千。里。陸。海。之。饒。為。天。下。最。而。山。西。全。省。之。煤。礦。足。以。供。全。地。球。二。千。年。之。用。而。有。餘。他。如。口。外。之。旃。裘。金。鐵。山。東。之。竹。木。麻。絲。皆。為。世。界。上。未。發。之。寶。藏。向。特。以。輸。送。艱。難。利。源。不。關。是。以。貧。瘠。樸。陋。不。逮。南。清。遠。甚。耳。否。則。豈。多。讓。於。

江浙閩廣各省者。吾願籌鐵路者之竭力恢拓。即以道口爲成效之所在。而勿沾沾自足也。

外務部商部戶部會奏議覆川漢鐵路集股章程摺

光緒三十一年正月初八日准軍機處鈔交四川總督錫良奏川漢鐵路籌費開辦議定集股章程一摺。又奏議增土藥稅釐一片奉 硃批該部議奏單片併發欽此。欽遵鈔出到部。據原奏內稱川漢鐵路均主自辦。但計里四千有奇。計費五千萬以上。中國招集民股最爲難事。奴才督飭司道及該公司。並與在籍諸紳往返熟商。惟有開示誠心。將此路關係全川利害。詳明曉諭。公司內官款民款。悉作股本。決不提挪。不招外股。不借外債。當期始終一致。該紳等咸請公司酌擬集股章程。並請仿歷屆積穀等項。按租出穀百分取二。意在積微成鉅。該公司又請在重慶府城試鑄銅圓。撥其餘利充作公司股本。綜此數項。雖無實在確數。然按年皆爲有著。審路考工。應從宜昌開工。先修至萬縣。電商兩湖督臣張之洞意見。亦復相同。所有集股章程。恭呈 御覽等語。臣等伏查川漢鐵路該省官紳均力主自辦。洵爲挽回利權之舉。惟軌長費鉅。自非合力籌措。未易圖成。而集股定章。亦應審慎周詳。預防流弊。奏定章程所擬按租抽穀入股辦法。凡業田之家。均按該年實收之數。百分抽三。計價至五十兩。卽填給股票。其收租不及十石者。免抽。責成各州縣。選派紳董。按鄉抽稽。各等語。查按

租抽穀實爲籌款大宗既經該督與川省士紳熟商咸請酌擬章程分途廣募是籌款辦法均願力任其難自應准如所請辦理惟原章有抗違不完提案追究之條若使辦理稍有未善抑勒強派在所不免雖經聲敘選派公正紳董不得假手胥役仍應由該督隨時嚴飭各該州縣倘有苛擾需索情事一經察覺即將該處地方官及鄉紳人等從嚴參辦以防流弊至原章第四十五條所擬試鑄銅圓及另片奏請酌加土藥稅釐各節戶部查該省鑄造銅圓應准設局試辦惟實在每年應得餘利若干未有確數並所提當舖鹽局公款百萬兩究竟是何公款提用後有無窒礙臣部無憑懸擬應令該督轉飭查明詳細聲復至酌加土藥落地釐每百斤收銀五兩三錢八分既據片稱尙於出境行銷無甚阻礙應如所請辦理惟該省按年應徵土藥稅釐正款若干現在收數能否暢旺並令飭查報部備考此外如有可籌之款應由該督飭同公司並與該省諸紳設法籌集隨時奏咨立案仍不得稍涉煩擾至所擬章程五十五條臣等詳晰審酌略爲參改尙屬周妥合將擬改之四條繕具清單恭呈御覽如蒙 俞允應由臣等咨行該督欽遵辦理再此摺係商部主稿會同外務部戶部辦理合併聲明謹 奏

四川京官爲川漢鐵路請商部代奏公呈並批

竊自鐵路興設日盛世界交通日廣其於人民無盡之富源與國家獨立之主權關係尤爲密切職等伏見近十年來各國處心積慮協以謀我者率以攫取路權爲汲汲自蘆漢津鎮粵漢三大幹路均落外人之手並以長江一帶爲歸宿而滇越滇緬二路線又各擬跨雲南以入四川中間惟漢口上游西達成都縣互三四千里雖屢經外人勘測而建築尙無成議正宜亟趁此時自籌興辦以保我未失之富源伸我自有之主權萬一再有蹉跌恐復爲彼族強索而去則上起滇蜀下接鄂漢南北兩路之交會直貫我全國之腹心彼利權旣厚形勢益張路之所在兵力隨之將來反客爲主處處荆棘大局何堪設想近年東三省之蹂躪列祖陵寢之震驚數百萬人民之流離轉死未始非東清一路階之厲也殷鑒不遠念之寒心四川督臣錫良前年奉 命入川目擊情形特倡川漢鐵路之議一意主張自辦途次輒聽疏入告當蒙 俞允一時風聲所播竦動全球迭載外國報章事始發端而人已鄭重視之若此其用心可見也現聞該督已籌定一切辦法業經奏請覈示並咨行貴部各在案惟茲事造端宏大功費浩繁自創設總公司以來督臣日夜焦勞搢紳士庶奔走號呼上下一心志在必舉而事體紛繁款項艱鉅自非旦夕所能集辦彼各國垂涎旣久難保不陰圖插足內地奸民復乘間造言恫喝以此羣情動多疑阻深恐貽誤全局職等聞於大計竊以

爲此項鐵路其利害隱關全國非但一行省之益也其責任端在朝廷匪僅一疆臣之事也況於山川重阻之區爲謀四達交通之利又震於不經見之巨工懾於不可知之外費非常之原黎民懼之使國家不確予信用之據則瞻顧必多非實行保護之權則窺伺莫絕擬請明降諭旨開誠啓導凡鐵路應享利益悉照蘆漢各路所優予外人之處一律辦理毋稍歧視並申明無論股本能否招齊並當力籌補助務底於成斷無中止以此宣布中外俾益堅國人倚信之心預杜列強要挾之口則大局之厚幸也抑職等更有請者此等大工創始其成敗關鍵以籌款爲最要亦爲最難而人心向背恆視上意爲轉移應如何設法提倡之處伏祈聖明主持務使觀感興起信從日衆則招徠或易爲力明知帑絀民匱措注爲難然職等深見此項工程於民計國防至關緊要兼以督臣錫良公忠強毅事不避難既幸任事之得人益慮失機之可惜除由職等邀合同鄉在京各員量力認股並協同招集外爲此披切瀝陳伏乞大部據情代奏謹呈

商部批 據呈川漢路勢關係重要所謂在山川重阻之區爲謀四達交通之利既震於不經見之巨工又懾於不可知之外費非確予以信用之據則瞻顧必多非實行夫保護之權則窺伺莫絕該紳等於全局利害洞悉無遺非僅爲桑梓一省計也又據稱邀合同鄉在京



各員量力認股並協同招集等語尤見該紳等急公好義衆志成城自非徒託空談者可比本部實深欣幸惟此路經川督奏陳籌辦招股一切章程已奉 旨交議欽遵在案現本部正值會同外務部戶部詳細酌覈正欲力副該紳等殷殷仰望之意事經年餘之久 朝廷亟欲籌辦此路中外咸知斷無中止之理至於該路應享利益本部自當體察情形隨時維持該紳等所請代奏之處可毋庸議此批

署兩江總督周電詢外務部德商擬由青島行輪海州辦法文

據海州稟接膠海關哈稅司函以德商捷成洋行擬由青島用小輪船裝洋貨至海州並擬由海州購買土貨來青島售賣均照中國向章完納進出口稅應准其貿易抄章函請照辦當以海州外通商口岸電東撫並哈稅司查復旋准復電謂去年三月外部續立青島約章第三條適符此案是以遵辦哈稅司並云沿海不通商口岸即同內地卷查三十年口月准鈞處咨青島設關應照他口發給就近入內港執照議定專章六條由德國大臣專總稅務司畫押施行咨行查照其章程第三條內開此項輪船准在青島水面隨意行駛或照章由青島赴內地各處並由該內地駛回青島或由青島駛赴內地轉過通商他口至內地駛回青島並准報明內地關卡達關納稅遇卡抽釐即可在沿途此次所經貿易各埠上下客貨

等語查此項專章專爲內港行輪而設聲明按二十四年二十八年章程辦理而彼載明非出海式樣之各項華洋貿易輪船或在口岸內駛行或往來內港或由口岸至內地等字樣是均祇准由口岸行駛內港並非准由通商口岸出海再到不通商口岸則此章由青島赴內地各處一語自係指由青島入膠州本口赴膠州內港之各處而言所謂內地卽係內港今海州係不通商海口並非青島之內港由青島至海州須行大海與發給就近入內港執照之語不符與非出海式樣輪船之語亦不符而哈謂沿海不通商口岸卽同內地恐係誤解但已發牌照恐難中止當電致暫准通融一次嗣後勿准俟請鈞處示復再定查中國沿海不通商口岸極多各國海輪從不准駛入此端若開各國援以爲例皆變爲通商口岸於民船生意有礙惟原章語意渾含解釋易誤請再明晰剖示以便遵行仍乞囑赫總稅務司查明電飭哈稅司遵照爲幸

外務部電覆署兩江總督周德商擬由青島行輪海州辦法文

囑電悉查舊約原有洋船如不沿海不通商地方私做買賣卽將船貨一併入官之條嗣因議有內港行輪章程其第一條卽云內港二字與煙臺條約第四端所論內地二字相同煙臺約云沿海各處不通商口岸皆屬內地此卽哈稅司之說所本也膠關章程本部前咨就

近二字係述總稅司來函之語查該章程實無就近字樣前議日本商約時查出各關准小輪行駛沿海之成案既有多起載在該約附件第三今欲禁阻德商行輪至海州恐亦徒費唇舌難期補救至慮此端一開沿海皆並變成通商口岸則當有限制照章程准由口岸駛赴內地由內地駛回口岸據此要義不得由外洋逕駛至內地亦不得由該內地逕駛赴外洋自與通商口岸有別總之如該船未領有內港牌照仍可照約拿獲充公近有英商麥邊行運貨出吳淞至紹興一案情形畧同甫經總稅司查復咨行在案無庸再飭查行再商約各附行輪續章有商船未經到之內港設輪行駛須該省督撫體察情形一語如實有窒礙情形亦可據令稅司婉阻不必執內地二字爲辯希酌核

外務部致駐華法使駁覆滬紹行輪文

光緒三十一年正月二十五日准照稱法商莫尼諾擬自上海至紹興開辦輪船事浙撫所稱礙難允准之處本大臣願將該撫失中之論歸於正理查光緒二十八年中英商約本國商人亦應按照一體均霑之例獲享各項利益所有應領照單各券既載該約附件第三列明至該省以其沿口從海道藉詞未准商約並無似此限制何能不准惟有併請查照約章辦理施行爲要等因本部查二十八年中英商約附件第三續議內港行輪章程其第七節

交通

七十

七月

既載明如有商人有意於商船未經到之內港設輪行駛須先向最近口岸之稅務司報明轉稟商務大臣會同該省督撫體察情形批准等語蓋因內地風氣未開其地方情形於行駛小輪相宜與否惟該地方大吏方能查悉非本部所能遙斷今法商擬自上海至紹興行輪浙江巡撫既未批准則本部亦不能允是查照約章辦理相應照覆貴大臣查照可也

總稅務司赫申呈外務部甲辰年郵政情形文

案查郵政一端光緒二十九年內辦理各情業於三十年正月二十九日備文呈明在案茲續據郵政總辦昂黎將三十年內歷辦各情並擬日後擴充各事宜備具節略呈報前來查是年內添開新局二百九十處現共有一千三百五十三處寄遞信函增多二千二百萬件共六千五百六十四萬五千三百九十六件包裹增多二十三萬件共七百七十一萬六千六百六十六件代民局寄送不收資費之包件增多一百萬件共八百三十萬四千一百二十五件匯寄銀票至五十餘萬兩之數共收資費四十一萬二千餘兩比較二十九年分多收八萬餘兩共支經費約七十二萬六千餘兩比較二十九年分多支七萬九千餘兩

是年多數之數  
較多支者尚存  
十餘且各國商船  
入稅數內則支款  
所短不過五六萬  
兩之譜 款 又是  
年與英法兩國訂  
立郵政章程三件其  
要義計有兩端一係  
各該國境內現允認  
中國郵票一律通行  
一係在中國

境內通商口岸外之各腹地若英法另設局所辦理郵務中國可不承認合觀以上各節可知郵務實非小事所擬各節關係亦屬匪輕惟總稅務司經理此事仍須設法支持並無定章可資輔助計目前之爲難者確有兩端一係各民局交寄之信包不給分文資費實係官局虧累之原因一係所指各該關不能按期如數解款協濟致官局進退維谷若不設法力爲救正將恐已成之舉一旦渙散而不可收拾矣且郵政雖復奉有推廣之旨而各省地方官大半仍視爲外人之事其實若不由總稅務司經理則各國必將在中國自辦矣除將另行設法使民局付資協濟照撥各情形另備申文呈核外合將光緒三十年內郵政大略情形備文並原具節略圖說一併附呈鑒核

常鎮道郭飭丹徒縣查撤境內輪局掛用美商旗號札

案准駐甯美領事葛函開頃奉本國外部來文飭將小輪十二隻毋庸保護等因本領事從前意謂該輪皆係美商易美利之產業旋疑該輪均屬華人之業不過懸掛該商旗號曾經本領事飭令呈出的確憑據該商至今並未交出故此後即未便保護視作美商產業今日已飭該商將該輪十二隻所懸之旗一律除下遵照辦理專此布聞並附送洋文譯出華文一件內開形雲錦輪渭源江西城士董渡浦江永興永清永隆澄清江東小輪船共十二隻

交通

七十二

七月

並准稅務司雷函准美領事來函即飭知該各船原業主限於兩日內赴關換領憑單專照  
應請貴道核飭查明酌辦又准駐滬日本總領事小田切照會據日商戴生昌即戴玉書稟  
商開小輪船局用葦渡形雲錦輪浦江新鴻小輪五隻自鎮江到清江浦及到仙女廟請札  
屬保護各等因到道查華商戴生昌等小輪冒掛美商旗號業將美旗撤回已由戴生昌等  
換領華商牌照戴生昌係屬華商不應再冒稱日商已核案駁復惟查鎮關尚有永安永平  
晉福福建四小輪前由美商易美利出名請領單照聲明均掛美旗現應一律撤去美旗各  
由原業華商赴關換領華商單照寬其既往除函請稅務司諭知該華商等凡華商小輪遇  
事由給照之關督飭各地方官格外體恤保護如有華商買用洋商小輪務須稟明監督并  
將一切契據稟交稅司查明轉送監督查核一面由彼國領事照會監督存案華輪賣與洋  
商亦須具稟由稅司轉送監督查核無異俟批准後即行照會彼國領事掛號給照洋商租  
用華輪不能作為洋商船隻不准掛用洋旗倘華輪再冒稱洋輪冒掛洋旗定即提訊究辦  
一面函請駐甯美領事飭商將永安等四輪美旗撤去并飭勿再以該商自用之商旗賣給  
內地民船及本口華人掛用暨函請駐鎮英領事查明華輪冒掛英商旗號一律撤回見復  
並稟報移行外台函札飭札到該縣立即遵照查明境內設有美商輪局幾處飭令一律撤

去美商旗號倘再違延及查有內地民船暨華人冒用洋商旗號即提該華人訊明稟辦特  
札

川漢鐵路按租抽穀詳細章程

第一條按租抽穀辦法其已於奏定章程內載明者均按照奏定章程辦理不再贅及仍與  
現定章程一併刊發以便查閱現在所定章程專載奏定章程所不及備載之事 第二條  
各州縣應在城設立公局或即歸併於所設分售股票局選紳董二三人或正董一人幫董  
一二人經理按租抽穀之事酌給薪水若係兼辦已支有別項薪水者即不得再支其書算  
人等亦准酌給薪工各州縣於選定之後將紳董銜名司事人數設局處所薪水數目稟總  
公司查考俟奉核准方准開支 第三條各戶應繳抽租股款均令送交城局經收隨時掣  
給收單不必赴衙署完納以免書差勒索諸弊其有離城實在僻遠應酌設分局代收  
者由各州縣各就地方情形斟酌稟辦 第四條各州縣於奉到章程一箇月內先將該處  
市斗較京倉斗計大若干確切查明其有甲鄉較乙鄉市斗大小相懸者尤須按鄉確查稟  
造冊報將來何鄉完納租股即按何鄉市斗核收折價以杜高下其手影射取巧諸弊 第  
五條各州縣於奉到章程一箇月內按照總公司頒發冊式收單式查明境內約計需用若

于刊刷齊備先將刊成樣張隨稟附送查考所需單冊紙張及刊印繕寫人工均准開支以免賠累而杜苛派惟必先據實稟報聽候總公司核定方准開支 第六條抽收租穀必先就田查租應由各州縣將所轄境內酌分數鄉按鄉選派紳董二三人於大春收穫之時由城局將刊就之冊發交鄉董鄉董散交團保牌甲各就牌內坐落田地於冊內填明何戶收租若干填齊後團保牌甲送交鄉董鄉董復查屬實即彙齊送交城董統限一箇月內送齊不得稍有逾延其鄉董分赴各處復查及送冊到城均准開支川資飯食平時不支薪水 第七條城局紳董收到鄉董填送戶冊即隨時呈由州縣官按保照冊榜示倘有一戶業田分坐數保者須統計核算按數核抽實在統計不及十石方准免抽若各保僅就坐落該處田畝租數開報致有短少鄉董復查即爲更正未經更正准由各戶於榜示一月內自行赴局陳明更正若希圖取巧不行陳明將來遇有田土糾葛及佃戶欠租等事涉訟到官除不准理外仍照應納租股罰令再繳一倍倘保長鄉董查報不實有以多報少以少報多者亦准業戶及田鄉人等於榜示一月內赴城局陳訴由城局紳董確切查明僅係查報不清即爲更正若有得賄徇隱及故爲浮開諸弊即稟請州縣官將經查董保人等提案分別究罰 第八條各州縣於榜示後即按冊將收單戶名及計抽租股折價數目於收單內填寫齊



備加蓋印信發交城董以便隨時掣給完納租股之人收執仍將存根於結數後呈交州縣官盤核倘收單業已造齊有須更正者即由州縣官親於單內將數目更正加蓋印信其有距城僻遠須由分局代收者由城局將該處收單發交分局填取仍將存根交由城局核明彙送 第九條各戶租數均各按本年實收租數為準逐年於收租時按田清查並非以此次所查作為定額不得以上一年豐歉多寡藉口 第十條此項租穀均抽自收租之家其有佃戶押重押輕及債戶以租抵利者但有租穀可收數在十石以上均一律照抽不專抽自業主以昭平允 第十一條各州縣開收此項租穀日期應定於榜示一箇月之後以為填印收單及各戶陳請復查更正地步惟必須將擇定開取日期於榜內預先填明曉示以便各戶預備交納並稟報總公司查考若通電地方並先電稟電費准其作正開支 第十二條各州縣收取此項租穀奏定章程係按開收之日市價作準惟開收日期須預先曉示是日穀價不能預知應按該處業戶開收新租之日市面實在價值作為定價將來價有漲落均不增減於擇定開收日期告示稟牘內詳細聲敘並將該處錢價合銀若干一併聲明所開穀價錢價均須照市面實在價值開載不得以按旬照例冊報之市價為憑以歸核實 第十三條各鄉租穀由各鄉董保長牌甲人等於奉到縣榜示定期開收後催令各戶上

交通

七十六

七

緊赴城完納收成較早之處以十一月底為限收成較晚之處以十二月底為限一律清完  
此係限期較定原年時寬均須照收限期不能再有遲逾 若有延欠之戶即由城局紳董開單送請州縣官催迫偷遲  
 至年外完納者應各就地方情形將折價酌加以示薄罰仍將酌加數目先行稟報總公司  
 查考 第十四條此項抽穀折銀之款由各州縣城局紳董經收存儲官為稽核以期互相  
 鈐制按年於年內掃數報解以杜虧挪侵蝕諸弊 第十五條各戶抽穀價折完繳後即擊  
 領收單為憑無論已否換領股票均按收繳之下一月初一日起算周年四釐行息至下  
 年十二月照數付息如三十一年所抽之穀即於三十二年十二月付息以示類推 第十  
 六條各戶所擊收單核數已滿五十兩換領股票者按戶發給息摺一扣其僅領有收單未  
 換股票者即憑收單付息由經董在單內將某年十二月某日付息若干於單內批明  
已繳抽穀者收單第二項將田實出其第一項擊成收單如願自行繳存仍 第十七條每  
可按年屆期領息若新業主願承買其地與親族接領股票均聽其便 屆付息之期由城董於一箇月前核明某戶應付息銀若干按保開單呈請州縣出示蓋印  
 發交各鄉董保實帖曉諭各戶赴城照數領息並按保造冊付過一戶即於冊內本戶名下  
 加蓋某年息銀付訖圖記各紳董及司事人等經付息銀務按庫平庫色不得絲毫短少如  
 有壓平欠色諸弊但經查出或被控告定行從嚴懲究 第十八條各戶應領息銀准由經

董於所收該年抽穀折價內劃扣支付統於十二月底將支過數目及扣存未領各戶數目開報州縣官轉報總公司查核 第十九條各戶應領息銀若當年未及領取者准由經董扣存開單布告各戶令其隨時持單領取若經董有勒指侵隱諸弊許各戶指名控告實究虛坐 第二十條以上章程係就通省大概而言各處地方情形不同若有應行增損之處許各就本地情形核實稟請酌奪更改總以不煩不擾為主

各省航路彙誌

江蘇 張季直殿撰擬於前辦南通州大通輪船公司再集華股一百萬兩每股一百兩在上海十六舖太平碼頭以南建造碼頭設立棧房並訂購輪船其各埠亦擇地設立船埠以保商權已具稟商部及江督矣 招商內河輪船常局添設江陰無錫特班小輪以便行旅已於四月二十八日開行 常鎮道郭觀察奉商部暨江督檄飭查得各小輪均屬華商創辦應由中國自行保護加之各輪向挂美旗者今美領事已將租掛之船牌收回於是飭各輪一齊改掛中國龍旗 鎮江華商和濟輪局現擬添置小輪由鱸魚套口行駛大壩橋頭下甸街龍潭鎮等處逐日開行特稟請關道札飭丹徒句容兩縣出示保護 又鎮江華商蔡學臣集股置備小輪往來揚鎮清淮等處取名永安公司業稟請鎮關稅司立案 又鎮江招商輪局今擬推廣行駛小輪由鎮江開行蘇州常州江陰無錫等埠已稟請總局照會各地方官出示保護 安徽 蕪湖程君步章等擬在蕪設立江皖公司自備小輪二艘一名合肥一名蕪湖由蕪行駛廬郡業已稟請洋務局立案 又華商普安公司製造小輪一艘名曰快利亦由蕪湖行駛黃池烏溪等處業已稟請保護

湖廣 長沙朱紳訂購湘慶輪船一艘湘潭唐紳訂造鴻鴻起風輪船兩艘專行長沙湘潭漢口已由長沙關稅務司核  
準收納各輪口岸稅准予開駛

各省鐵路彙誌

直隸 張家口鐵道已於西五月初旬開工歸直督袁慰帥等管理作為關內外鐵道之支線其工程司長為詹君天祐  
線路從豐台起經居庸關而至張家口云 正太路線第一次勘驗已畢自直隸井陘縣南峪村入山西界內從平定州  
之沙灘地方起至附近省城之狄村一帶而抵南門其南北二線尚未勘定者共三處一由平潭鎮至河坡村二為壽陽  
縣屬之河南河北三由張淨鎮至測石驛 督辦關內外鐵路大臣袁宮保胡侍郎報銷關內外鐵路畧謂山海關內外  
鐵路計長一千八百餘里內以由津至山海關以達新民府為幹路由京至通州由溝幫子至營口為枝路其創辦之初  
係於光緒七年由胥谷莊至唐山先造運煤鐵路二十一里嗣於十二年分由胥谷莊接修至閭莊十四年分由閭莊修  
至天津十五年分由唐山接修東至開平十七年分由開平修至古冶以上各段統為商路十八年分由古冶修至山海  
關遂名為津榆鐵路十九年分由山海關接修至大凌河工多未竣遂及甲午之變以上各段均係官路迨二十一年由  
津籌修北至蘆溝橋又由蘆溝橋附近之豐台接至馬家堡因名為津蘆鐵路至二十四年由山海關至新民府及由溝  
幫子至營口遂總名為山海關內外鐵路庚子一役鐵路為各國聯軍佔據復由京接修至通州枝路至二十八年八月  
該路由聯軍交還自二十八年八月三十日即西歷一千九百零二年十月一號接收全路之日起截至二十九年正月初二日即西歷一千九百零三年正月三十日  
截止舊管無項新收洋銀一百七十五萬九千餘元開支銀一百五十九萬二千餘元結存洋銀十六萬六千餘元  
山東 東省南路鐵道線原在孔林前面孔燕庭上公以有碍致祭出入隨函請東撫轉致鐵道總辦速飭測繪司酌量

改移測繪洋員白倫克接到函札即將該路改至孔林後約十餘里現已勘定掃標 東省鐵路近經省憲移請鐵路公司嚴立規條通飭各車站人等遵守規條如下一鐵路公司所用洋人應常帶執照須德文華文書寫并須有鐵路公司及中國路礦局鈐記如遇穿號衣各巡捕令洋人將執照拿出驗看該洋人即應拿出以憑查驗惟洋人中有穿上等特別衣或戴有上等特別帽者不必查驗執照二穿號衣之巡捕勸公司所用之洋人在鐵路界限外或為彈壓或為免口角鬧事該洋人須得順從惟巡捕所為與行車章程不合該洋人亦可不聽三若有鐵路公司所用洋人在鐵路界限外鬧事或持槍嚇驚民人巡捕該當勸解若洋人不聽巡捕即可將洋人送到該管上司處發落若鬧事重大可送到領事處按德國律例究辦四鐵路公司所用洋人如無緊要緣故打傷中國民人應按德國律例懲辦若受傷至有性命之虞公司應將洋人立刻革退永不復用五若公司所用洋人強進中國房屋及在房子鬧事或強進菜園傷害及各種不穩應即送德國領事衙門按德律例罰賠六不許洋人在村街上放槍并不許用槍打狗打貓若洋人無故帶著兵器嚇民人應送領事官處按德國律例罰辦七公司所用洋人不許虐待華民以及車上坐客並中國巡捕等該中國民人及車上坐客及巡捕等亦不得失禮慢待鐵路所用洋人八若鐵路所用洋人在鐵路界限內拿住竊物賊匪或拿住違犯鐵路規矩各罪犯該洋人應將拿住之犯送到附近之中國巡捕局或送縣衙究辦中國衙門即可將該罪犯按中國法律辦理仍須告知鐵路公司該罪犯保當得何罪受何責罰九公司所用各把頭及常用之各工人總應帶一容易辨識之記號十中國民人或附車各客如嫌鐵路諸色人等作事不端或願公司改革某事儘可稟明公司其稟報之法或自行函稟或託路礦局代達經鐵路公司查明核辦後定行回覆其由路礦局代達者即亦回覆路礦局

山西 山西鐵路總辦稟請商部核辦幹路地其業已購妥擬修枝路兩段以便礦產輸運等語聞商部業經批准

交通

七十九

乙巳

交通

八月

七月

湖北 蘆漢南路火車價目近由鄂督張香帥列表札發一頭二等客均准隨帶行李一百斤不收費三等客准隨帶行李五十斤不收費有過重者收費均按担計程算價不及担者亦作全担算價一三歲以內小孩坐在同伴左右者不收票價一三歲以上至十歲小孩除在包車或專車之內照收全價餘乘半價一小孩坐頭二等車亦准帶行李五十斤不收費其小孩坐三等車及三歲以內小孩不給價者行李仍按擔計程加費一客票價及行李費四角以下者准取小洋四角以上者樂收大洋

河南 開封河南兩府枝路合同前經外務部奏准茲據督辦大臣盛宮保電稱現在勘路事竣比公司先售一半借票總數一千二百五十萬佛郎克小票一萬五千號每號五百佛郎克與蘆漢一式經外務部蓋印簽字並知照駐比楊星使近已由星使先售此項小票 從浦澤至道口鐵路國家向福公司收回業於三月初九日由盛宮保出奏奉 旨依議

廣東 新甯縣紳陳宜禧倡議開築新甯鐵路由新昌埠至甯城沖篔三夾等處現已出洋招股先赴蘇崙再往舊金山埠此路計長二十七英里陳紳擬集股一百萬圓分十萬股每股十圓先收五成俟此路造成再議接修支路通達各處潮汕鐵路總辦張京卿擬南原定章程二十五條現又添擬一條載稱所有潮汕鐵路公司所造之鐵路其左右兩面各十英里以內不容別人或別公司築造平行同線之鐵路業已呈由商部核明轉行粵省准將添擬第二十六條之章程附入前二十五條之內以備查考云 張太僕弼士擬添築廣東黃埔鐵路嗣經合興公司呈請駐京美使照會外務部以現在公司交涉未清請轉飭該大臣暫緩開工云云旋經外務部行咨商部查照原約是否相符聲覆過部以憑照覆旋接覆文略謂該公司所請將黃埔鐵路暫緩與築查與原約不符礙難照准應請照覆美使轉飭該公司遵照云

### 各省電政彙誌

京師 西歷一千八百九十四年所訂中英條約第十六款所言建造中國緬甸電線一事至今尙未舉行故緬甸政府特派柏令頓君至外務部商議辦法四月二十一日駐華英使遂與那尙書桐將續訂約章簽字

山東 周村電線向惟東西相通今特添設自村鎮北門外遠寨左旋南通博山一條近已往還通信 濟水上游十里堡至買家莊現已一律添設電線

河南 南陽西南毗連鄂境爲往來要道商賈萃萃之區兼多刀匪出沒商務防務均關緊要汴撫特札兩司於該府城內分設電局或由信陽州接線或由湖北光化縣之老河口接線以期消息靈活防範易周

江蘇 上海電報總局向章傳遞一電以七個字起碼現稟奉督會辦大臣批准嗣後無論沿鐵路及內地收發官商電報一律不限字數以示通融 淮安電報分局已於三月開局計共用電機二部云

浙江 台州地面遼闊風俗犷悍消息不靈諸多貽誤甯紹台道高觀察擬由甬接電應桐岩領至江厦地方立一分局延長五六百里所需經費約計二萬餘金云

福建 閩省以海防喫緊全賴消息靈通特籌款敷設海底電線一條已由籌防局委派員司督工趕修以重防務

湖南 湘撫端方帥近特飭善後局撥銀三千兩派員承辦電話事宜凡省城各衙門局所學堂防營一律安設每處月繳五圓作爲修線經費紳商舖戶有願通電話者亦照數納費不許多取

### 各國航路彙誌

日本 日本商船公司近在中國新開航路兩條一福州往來香港上海於二月間開行一往來淡水福州於三月間開行

美國 美國工部已將開闢巴拿馬運河事件會議決定並繪有全河形勢圖擬請英德法三國各派一專門家以考驗

之

各國鐵路彙誌

韓國 日本在韓國所築京義鐵路全路鐵軌現已布設完全

俄國 俄廷已決計由西伯利亞省之丹普克築造鐵路以與大昔堅地方相聯

德國 德國特設公司籌足資本金一千七百萬馬克敷設非洲鐵路自非洲東海濱之打爾沙姆海口起繞德之屬地及剛果國以達非洲西海濱之列布威爾海口全線共長二千五百英里

美國 美總統羅斯福現已批准非獵寶島有築造鐵路之權且允代為擔保借款美金一千萬元以四釐起息

各國電政彙誌

德國 德人近在吳淞張華浜起建海底電線并在浦江對岸立一海陸水旱線轉接機房一由陸地通至上海一由水中達至膠州及香港等埠

德荷 德荷兩國電報公司前在北德意志某電線製造廠定購各種海底電綫已由海綫船司梯文載由諾爾登漢起程其安設之路須經由梅拉多沿西利柏司島至集潑島而入德屬之卡羅林羣島再由此至北美利加屬之歸安母島與美國太平洋之電綫相接

各國郵政彙誌

日本 韓國通信院與日本郵便局會議將韓國郵政電報電話全數交由日本郵便局永久管理業於四月間由日本實行接辦

德國 德國郵船公司新設往來華列門與澳洲中間之貨船於往來之時皆過查弗爾等要埠



商務印書館 歷史類

法蘭西史

本館編譯○凡五卷一上古政治二封建時代政治三立君政治四革命時代政治五本世紀政治自紀元前迄十九世紀一切人物政教風俗文治武略先後敘詳審精審我國編譯史書尚無法蘭西史此可為之嚆矢矣

每部一册

價洋三角五分

俄羅斯史

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列強時代迄前皇亞歷山德三世疆域之開拓政治之變遷鄰交之得失君權之隆替原原本本記敘詳博

每部一册

價洋五角

日耳曼史

英國沙安著江甯張錫譯○書凡二十章三百八十三節自古以至近世其中盛衰分合吞併攻奪之迹靡不具載日耳曼處歐洲中原其先為無數小部互相剽竊無常日自威廉第一勝法後克成一統之業內安外攘遂稱雄於世界世有抱轉弱為強之志者不可不熟觀其書

每部一册

價洋七角

埃及近世史

日本柴四郎著本館譯○埃及久困於土耳其其洎護罕厥德阿梨起能與土耳其抗雖未能完全自主而英名偉績固已炳耀寰區祇以繼體無人遂稱凌替其弊在國是不定舍己從人一切變法皆為取悅外人之具故其事有損而無益終不免於以國之機誠我國之殷鑒也

每部一册

價洋四角五分

商 書 印 書 館 出 版  
類 史 歷

希臘史

每部一册  
價洋七角五分

日本桑原啓一著中國國民叢書社譯○泰西文化發源希臘欲知歐洲諸國今日之盛不可不知溯流而  
尋其源流書記最詳譯筆雅飭蔡氏友先生序謂必為歐化家所歡迎非虛言也

羅馬史

每部二册  
價洋八角五分

日本古部百太郎著鄧縣陳時夏章起清章師澤鏡海胡銓同譯○羅馬為歐洲繼古開今之一大關鍵  
其歷史之關係重要不問可知是書取材繁富紀事詳明著者自序謂英雄豪傑志士仁人聖君賢相文學  
哲學美術雄辯之聲雲集編舉肩望應接驚天動地變幻出沒幾如山陰道上使人驚駭不暇詳詳乎誠紀  
乘之大觀也書中附各大小像十餘幅美姿雅爽面目如生尤為本書之特色

蘇格蘭獨立史

每部一册  
價洋二角

美國那頓著本館譯○蘇格蘭當十二四世紀間陷於英國其受壓制之慘歷不忍言厥後豪傑輩出卒能  
光復舊物再造新邦是編紀其先後戰績及修明內政恢復獨立之事有志者事竟成願我國人取以為鑑  
也

商 務 印 書 館 出 版 類 史

法國波 留氏原著  
日本中島端君譯漢

俄 羅 斯

第一、二、三編 全

第一編定價洋四角 第二編定價洋四角 第三編定價洋六角  
是書爲法國學士會員波留所著先論俄羅斯地勢氣候人種次論  
俄人性情氣質以至社會政治宗教縱橫評論凡事物之可考者固  
無不載即委巷謠俗民間疾苦外國人士所不能知者索隱闡微窮  
極真相中肯綮導窾卻如庖丁解牛豁然洞然有志經世者得此書  
讀之於俄國形勢俄人情態一指掌間自有餘師全書三編約二十  
萬言歐美諸國競相傳譯聲價甚著日本專門學校譯爲和文原名  
露西亞帝國本館特請日本精通漢文之中島端君秉筆譯文再請  
通人校訂潤色文筆雅暢無滿紙沙石之憾

商 務 印 書 館 出 版  
外 國 語 學 類

# 和 文 漢 譯 讀 本

(全 部 八 冊 價 洋 壹 元)

我與日本爲同文之國欲謀輸入文明自以學習和文爲便是書初版頗爲學界稱許旬月售盡惟倉猝成書不免稍有訛舛近來各省學堂大都添習東文購者紛來愧無以應茲特請前日本高等師範學校教授長尾楨太郎君用最新本詳加校訂字字斟酌絲毫不失原意可爲初學津梁

英 語 類 選 卷 一

SERIES PART I

每 冊 價 洋 一 角 五 分

英 語 類 選 卷 二

SERIES PART II

每 冊 價 洋 一 角 五 分

華 法 中 學 讀 本

LES PREMIERES LEÇONS DE JAPONAIS

每 冊 價 洋 一 元

華 法 啓 蒙 初 集

LEÇONS CORLANTES

每 冊 價 洋 五 角

## 商務

論英人言中國不守商約事 錄乙巳四月十一日時報

日前本埠字林西報登一來函。謂中英所訂商約。中國多未實行。宜呈請英政府詰問。因論中國違約之事。約有七端。其後本埠英商即聚議於卜內門洋行。發電告英政府。諒英國不久將向中國詰問。或設法迫以實行。本館按中英商約。爲近年和平交涉中之要件。該約初出。英人甚爲滿意。而中國人則頗議其喪失利權。然其中如免釐加稅諸端。當時曾幾經磋商而後定議。初不得謂中國並無實行之意。惟其事動關全國之財政。中國行政。向來遲緩。而意見又復不一。故未免審慎紆回。致外人得以藉口。今按字林西報來函所論七事。有其一。答在中國者。有不得以責中國者。吾人偷一研究其事。則可知中國辦事之不易。兼可悉外人與中國交涉之情形。又可知中國今日處於何等地位。而求所以自處之道。設英而詰問。我將何辭以對。其七事之中。究皆足爲中國背約之證否。皆可一一明白。故本館不辭淺陋。取西報所言七事。爲之疏通辨明。非與西報爭是非。實欲我國民速謀對外之策。且有以自鏡也。

其第一條爲修治黃浦。此事中國本無緩辦之意。因屢次聚議。皆無成說。故不能立刻興工。原上海道所以爭執之故。無非欲保全中國主權於工事。本無關涉。觀夫辦工經費。早已劃出其非不欲。即辦可知。倘外人能稍通融。當亦不至虛懸時日。乃外人不諒中國。因欲自保主權之故。而致耽閣。轉以爲違約之一端。不知果欲越俎爲之而後快乎。雖然。徵外人言。此事中國本應自辦。今以外人之干涉。而載之條約。又不得當。重來外人之責言。恐歷時愈久。喪權愈多。則不如及早興工。猶可稍省枝節也。此修治黃浦一事。今日所應急行者也。

第二條爲整頓國法。此事本屬中國內政。中國之國法。亦久應整頓。惟改歸一律之事。中國地方遼闊。情俗詭殊。斷非旦夕所能辦到。年來政府實有畫一幣制之意。自設財政處以後。即汲汲以此爲事。然資本既不足。考察又未的。眞何敢冒昧舉行。以滋重弊。即欲畫一。亦斷非數年後不可。然此時若不整頓。則無論數年。即十年百年。亦未必能歸一律。與其待外人責問。而倉卒圖功。何如及其未言而先行。整頓猶爲不失國體也。至謂鑄幣之局。多至六十處。式樣既不齊一。復加以尅減。攙雜劣質。政府行同劫掠。則其言切當不易。我政府所當引爲深恥者。近日各省紛鑄銅幣。以爲莫大之利源。本館常論之。以爲其事不可持久。乃各省聞風興起。轉利用此間接之法。脫剝商民。蘇州近鑄當五銅元。竟致以質地過劣。爲本埠

工部局所禁用。竊民辱國。莫此爲尤。若不早日改良。難免不爲外人強迫辦理。是畫一幣制。亦今日所應亟辦者也。

第三條爲礦務。其意謂中國所訂礦章。並不實行。某處某部定章。皆不准外人入股。合資開礦。以是爲違約之證。夫今日各礦。外人之入股合資者多矣。中國設有此章。何得任令外人自便。且礦章內明示准予外人合資入股。並無不得合資入股之條。彼之所言。不審從何而至。至所訂礦章云云。大約係近來各省所擬自辦礦務之章程。夫各省自擬之章程。雖必與定章不背。然其事兼爲定章所載。而某處却可無須者。則亦不能強彼以必照章辦理。蓋章程所謂准外人合資入股者。對於中國人欲與外人合資入股者而言。猶言許其如此辦理耳。並非謂開采礦產。非與外人合資入股不可也。今各省自擬之章程。猶一私立公司之例。彼不欲與外人合資入股。政府何能強使必從。不得執此謂政府違約。至所稱某報謂某部將新增禁例。此事未經宣布。何能以莫須有之事。強爲文致。彼云總由華官不肯以利益予人。故步步阻撓。本館意華官誠能不以利益予人。乃中國之幸也。今日官吏何足以語於此。有聲言在某處開礦者。則竭力保護而已。乃英人之意尙不甚滿。必欲盡人而聽彼所爲。竊謂中國今日無違約之徵。萬不可先行承認。否則餽糠及米。措手愈難。此礦章一事所當

分別言之者也。

第四條爲收稅。即指免釐加稅而言。其意以爲稅已加矣。釐尙未免。竊謂此事亦不待責問。當先行辦理者也。夫各省釐金。大半挹注外銷。其牽涉盤互之深。本難驟改。政府不諒其情。乃一切諉之各省自辦。各省舍此以外。無款可用。則敷衍一時。得過且過耳。其稍有預備者。乃先自辦稅捐。即商約中所稱銷場落地稅是也。各屬所有釐局。誠不免誤征貨物。夫橫征暴斂之事。施之本國之良儒。則亦無辭。若以施之外人。則彼有投袂而起耳。今聞各省將一律改辦。統捐此弊。庶幾稍減。惟又聞將以新加之稅。全撥爲練兵之費。則各省尙恃以應用之釐金。將來於何取償。此不得不望政府更設良法者也。至釐金之應免。本不待外人之言。免釐之後。雖洋貨流通。必將更盛。而本地商務。其獲益殆可相抵。如能實行。則不止免外人訾議而已。此免釐一事。所當速舉者也。

第五爲內河行輪。謂中國有阻遏而無扶助。本館按中國之官。於本國商輪尙且不能扶助。何況外人。至謂中國能阻遏。則亦未必然也。中國倘果有此能力。則亦不致將利權讓之外人。惟其欲阻遏而不知所以阻遏之方。故動致弄巧成拙。今英人爲是言。殆亦責之過深。而轉至違實者歟。惟我國人當測知外人用意所在。謀抵制以競爭。庶不致他日轉爲他人所



阻遏此內河行輪。當軸所當妥爲應付者也。

第六七爲商標及版權。彼謂其寂然已死。版權誠未議及。若商標則由列國干涉。以致延期未行。何能以之咎中國。今欲中國違約。亦自不難。商標展緩六箇月。瞬卽期滿。改訂一切。當可告成。其版權定章。亦不難隨時編纂。此兩事無關宏旨。皆可卽時辦理者也。

以上七條。大抵皆中國本來應辦之事。惟礦務及內河行輪。則其間大有分別。其原始本爲予外人以特別利益。中國不能別有責任。且其事雖未嘗於中國無益。然以理而論。中國之利益。自應由中國保全。故對待外人。必先爲中國預留地步。本館非勸中國藐視該約。凡所云云。亦非專指該約而言。惟欲國民政府因英商有電告政府一事。就其所言以反觀省察。因悉各事之實情如何。其外人言之而不可輕率應付者。爲何事。卽外人不言而亦應切實施行者。爲何事。預爲圖慮不致因物付物。倉猝誤事。則中國之幸也。至所云中國官場多半經商。故因私利故而阻撓公利。此其言按之事實。殊多未合。亦可以不論。

商業首重調查說 錄乙巳二月初十日大公報

西人之殫其心力於商務也。凡屬商埠。必有商會。有商會卽有商業之調查員。以調查各貨出產之盛衰。製造之良楛。價值之低昂。銷路之廣狹。以及人情之好尙。風俗之宜否。進口出

口數目之盈絀。前日今日貨品之異同。以報告於會中之商董。而統計之。而比較之。而討論之。且取而揭諸商報。以昭示本國之商民。俾涉足商場者。皆洞明此中之消息。可以先事綢繆。隨時措置。而不至誤其趨向焉。此商戰之所以常用制勝於地球上也。是故一地有一地之調查。一業有一業之調查。一時有一時之調查。商業之所以鮮所失敗者。其故蓋必以調查始。

吾中國不知有此。是以商民皆茫然懵然。如在十重山九里霧之中。墮聽黜明。毫無聞見。雖外來之商力。如萬丈潮流。侵入內地。致我商家悉為其衝決簸蕩。而生計因之日蹙。然仍墨守膠執。不知有整頓改良之方。不知有挽回抵制之策。甚至各處已改其方針。一方猶安其故步。同業已競於新法。一人猶狃於成規。譬之人已絺綌。我尚披裘。人已棟宇。我尚營窟。若此者。蓋更僕難數。此無他。不知有調查也。要知我商民。雖富於勤勉之性。為西人所心折。然欲其於商戰劇烈之世界。崛起而爭一席之地。則非致力於調查不為功。

由是而論。則欲我國商業之津興。固當以調查為急務矣。雖然。我國商品之繁賾複雜。如滿筐亂絲。無緒可見。我國商家之渙散奇零。如滿屋散錢。無數可稽。其調查豈易言哉。而況一業有一業之情形。一地有一地之情形。一時有一時之情形。同業相歧。同利相防。其利弊或

秘而不宣。其虛實或匿而不告。蓋商場之調查難。而我國商場之調查則尤難。是非破除其畛域之見。消釋其忌克之心。誰復能為實在之調查。而無忝厥職者。

嘗聞西國之於此舉也。基其始於商學。而要其成於商董。派員以專責之。列表以發明之。貼說以研究之。登報以宣揚之。如同一商品也。其出產以何處為最旺。其製造以何處為最良。其價值以何處為最昂。其銷數以何處為最廣。且由甲國而推諸乙國。由本年以驗諸往年。咸一一登諸調查之冊。而語焉必詳。不甯惟是。其出產或已衰歇。如何而可以挽回。其製造或欠講求。如何而可以化導。其價值或形跌減。如何而可以維持。其銷場或見壅滯。如何而可以疏洩。亦一一登諸調查之冊。而語焉必詳。惟其然故。其商人皆洞明商界之全局。而所力征經營者。自能無投弗利。無往弗宜也。而不然者。則必頹落腐敗。進步難期。與我中國之商家相去一間矣。

然則我內地之商會。當以重。合羣。講團體之要義。曉示各同業。以泯其猜嫌之積習。而盡其調查之責任也。我國兵家之言曰。知彼知己。百戰百勝。夫既投身於商界。而謂不明乎商途之情實。即可以決商戰之勝負者。吾未之聞也。故我商家。而冀前途之發達。則必肇基於調查。其調查之法。當由一業以推之各業。由各業以推之同業。且必一月有一月之調查。一歲

有一歲之調查。期於逐歲逐月。包括靡遺。而後已。又必一縣有一縣之調查。一省有一省之調查。終於中外華洋。燦然具備。而後已。慮我商民之未及周知。則不妨仿海關貿易冊之法。以調查所得之詳情。由商會發刊分佈。如是。則我國商務之前途。其發達。蓋未可限量也。我商人慎毋視為無足輕重之舉。而忽置之也。

荷日通商逸事 錄乙巳第五號外交報譯日本太陽報

日本與歐西交涉。始於葡萄牙西班牙。兩國皆利用宗教。以伸勢力於東洋者。然荷蘭人後至而勝之。竟能壟斷東洋之商利。此豈尋常之政策哉。而日本舊史。敘事不詳。今搜集歐書記其本末如左。凡日本普通通書史已載者皆略之

荷蘭國編小。而介於大國之間。內憂外患。自昔不絕。中世以後。一千四百七十七年。屬於德。一千五百七年。轉屬於西班牙。以宗教不同。奮欲脫其羈絆。推阿列奇公為聯邦總督。抗戰數年。及一千五百九十九年。始逐班兵於國外而自立。乃謀奪班葡兩國東洋貿易之利。拮据經營。竟達其志。至十七世紀。國運大隆。以弱小多難之國。而能擴張版圖。振興商務。豈特政府之力。其國民全體百折不撓之氣。實有以致之。

班葡商務與荷人航海之始。中世印度貨物。經威尼斯而輸入歐洲。未幾。即由海道輸入。

於葡萄牙之里斯本。而里斯本遂爲西歐最美富之市。且列世界第一等之都會。凡荷商購高價之物。以販於歐洲北部。必至其市。而其地與東西兩印度往來之航業。則班葡兩國人專有之。葡政府欲使里斯本常爲大都會。故於外國船舶。特加制限。凡僑寓該市之荷人。得於家中自設禮拜堂。其同國人相訟。由其本國領事審判。惟與葡人訟。則受判於葡國官吏。非得葡王特許。不得航赴印度。犯者處死刑。且沒其貨物焉。

時里斯本之專利。半亦由荷人實無競爭之力。其人商於歐洲沿岸。大抵贏利。不願冒險以赴印度。一也。歐洲海路之所經驗。未可以推之於熱帶。二也。去印度遠。不能知其地理。三也。無大資本。四也。

及十六世紀。時勢漸變。一千五百六十八年以後。以宗教及政治之爭。荷人起救世軍以抗班。歷八十年。終歸宿於財政。一千五百八十年。葡王無嗣。班王腓立布第二。以親屬并其國。自是班國壓迫荷商之政。延於葡境。禁荷商貿易於里斯本。然自一千五百八十四年至一千六百年。荷國立法部。雖屢布條教。禁商人由本國諸港。輸食料軍器於敵國。而班葡半島。荷人之商務。尙未全廢。觀班人之屢捕荷船。可證也。如一千五百八十五年及一千五百九十五年等班王之政。足以使荷商營業之心。舍此而他驚。於是北求於俄國海岸之未顯者。南及於地

中海及非洲之西岸。而終達美洲。

當此航海知識之進境。而適有精要之地理書二種。亦於是時發行。大資援助。一曰班國航海家巴脫羅摩特拉蘇記事。附海圖二十五幅。於一千五百九十二年四月十七日。經荷國立法部議決而行世。一曰葡人東航錄。則林思科敦乘葡船而航遠東。於歸國時彙記其所得者也。以一千五百九十五年公世。由是亞洲航路。漸為荷人所知。凡荷人之曾乘葡船者。各以其所見聞黃金香木產出之地。歸報於宗國。國民咸欲籌集資本。以自求印度之物產。及一千五百九十年。遂大擴其商業焉。

荷人又欲於班葡兩國舊航路外。新闢一路。自北海而至太平洋。以大船主倍爾泰塞德摩謝命之協力。遂以一千五百九十四年。由荷蘭新蘭<sub>即丹</sub>兩國。派船於北海。閱一年。荷政府又派一船。均無成效。然近世諾爾敦斯坎德及能森之功業。實託始於是焉。

遠洋航業會社及東印度總會社。安斯德爾杜市之豪商九名。共立一社。以航行喜望峯印度之間。名曰遠洋會社。又曰舊會社。政府許以特權。凡貨物之賣買於喜望峯以東者。皆免稅。且船中得攜槍礮等武器。合四船為隊。以曾任葡國海軍將官虎安門統之。於一千五百九十五年四月。啓行。安抵印度。閱二年半。以人多死亡。遂歸國。然以是知航路易通。商人

船主之聞風而起者。實繁有徒。一千五百九十七年。安斯德爾杜市又創一東印度航海新會社。凡舊會社所得之特權。均有之。統計一千五百九十八年。凡集資金七十六萬八千格頓。即約一是時各會社中。有專以航赴中國爲的者。

此等會社。雖值西班牙人壟斷印度之時。而仍各競其利。印度之香料。以供不給求。價值騰貴。又益以各種危險之事。於是各會社知孤立之難支。而議合併。惟荷蘭人與新蘭人互相猜忌。兩國人分立之會社。聯合頗難。且安斯德爾杜市之舊會社。有勢力。有資本。冀獨占東印度之商業。不願聯合。聚訟數年。不決。厥後經大政治家阿敦倍納。德之斡旋。而始達合併之望。

一千六百二年。三月二十日。創立荷蘭特許東印度總會社。經立法部之特許者也。以立法部之特許。表國家之認可。爲從來之會社所未有。其條例凡四十六條。得循行二十年。其中最重要者。該會社於喜望峯至馬塞蘭海峽諸國。得以荷國立法部之名。與其國之有主權者結條約。而於此區域中。若築造堡壘。調派軍隊。置廢衙署。任免官吏。舉行警察。獎勵實業。皆得便宜行事。東自喜望峯。西至馬塞蘭。其航業專屬於該會社。自餘荷人。皆不得與。犯者沒其船貨。惟向有馬塞蘭海峽航業之準狀者。不在此例。然亦以四年爲限。時有洛德達馬

一會社與總會社相抗甚久而卒不勝。

東印度總會社之資本凡六百四十四萬弗羅林。約一弗羅林而政府之股票得二萬五千弗羅林。總會社常有若干貨品得免稅之特權。以不使股票貶價。其殖民地之總政廳。初在番丹。其後荷人得迦喀安拉地。改爲巴泰維亞。乃移政廳於瓜哇焉。總督之俸。自一千六百一十年至一千六百二十三年。每月六七百格頓。一千六百二十四年以後。每月一千格頓。月俸以外。食物居宅。別有給費。社員之在外者亦然。其他又有臨時支給之費。會社事業。以漸擴張。及於日本臺灣南洋諸島。印度諸港。波斯馬達加斯加諸地。而國內國外之交通日廣矣。

荷人初至日本。荷人初至日本者僅二人。由恩克費善港乘葡船而至者也。一曰林斯呵德。以一千六百八十四年至日本。一曰額列支。嘗在印度充礮兵。以一千五百八十五年八月至日本。此二人皆以一千五百八十九年一月去亞洲。明年額列支復來。以請悉中國事著。而尤注意於通商日本之事。林斯呵德之歸也。以一千五百九十五年。著葡人東洋航海紀行一書。其第三十六章至第四十一章。載額列支報告。由媽港至長崎之航路。自此書行世。而疇昔葡人祕密之航路。始宣布於世界。是以荷政府於一千五百九十年。派遣船隊。前見



四  
其隊長命令。謂當探險北洋俄國。又由莫斯科。轉輒。而至中國及日本。於其第九條。命考察日本國之情況。

林斯阿德謀北洋航路。未成。績。額列支去中國。亦未得志。閱數年。安斯德爾杜市之巨商皮泰華的哈根。始起一會社。航行於馬塞蘭海峽以外。凡日本中國印度之道皆通。時一千五百九十七年也。其事甚賴富商越亨華的費鏗之協力。費鏗者。與荷政府有連。為英法兩國君主所敬禮。富豪無並。勢力至大。與其同志。合資二十六萬七千格頓。請於最先五次航行免進出口稅。并由國家假以統礮武器。皆經立法部認可。惟由費鏗納費八千格頓以為保證。

一千五百九十八年。所派船隊。其艙裝費五十萬格頓。運往日本之貨物。為玻璃鏡。絹布。天鵝絨等。其航路如有危險。則為額列支之責任。蓋是時。阿加布科即今之以東。達媽港。馬尼拉之航路。皆林斯阿德之報告所未詳也。是年六月二十七日。以五船為隊。啟行。各船自七十五噸至二百五十噸有差。載客自五十六人至一百三十人。隊長為英人威廉亞丹斯氏。其所乘旗船。曰呵泊。之有船隊沿非洲西岸而進。以飲水食物之匱乏。疾病之侵尋。備受艱苦。水夫至以飢渴之故而食犢皮。至熱內亞附近之葡國屬地。遂肆劫掠。明年四月。始達馬

塞蘭海峽。取食物。以待順風。故留滯。至於八月。進至南美洲西岸里馬。於其近地。擊破西班牙船數艘。既而船隊為風所離散。惟一船以一千六百年七月歸國。五船中乘客凡五百人。歸國者三十六人而已。該會社幾以此歇業。哈根為之破產。而費鏗則損失二十五萬格頓云。

荷船初至日本。船隊五艘中。呵泊與里夫迭二船。避難至智利海岸。於一千五百九十九年之十一月。相遇於摩加島。登岸有二十三人。為主人所殺。遂以二十七日。共去智利海岸。西行。赴日本。於一千六百年二月二十二三日。北緯二十八度處。又遇暴風。兩船相離。惟里夫迭以四月中旬至日本南海。泊於九州西北岸豐後。而隊長亞丹斯在焉。

是時。船中凡二十四人。或罹病。或積勞。能起而步行者五人耳。明日。死三人。日本地方法律。凡外國船舶。為求食物而來者。謂之難船。不得加害。故豐後之領主款待荷人。而待京師政府之命。病者給以醫室。數日後。使移船於良港。當是時有基督教士一人及其他葡人數名。欲使日本人疑荷人為海盜。乃就水夫二人而威脅之。且利誘之。使以海盜控荷人。本以時日

之能海賊於是德川家康召亞丹斯至大坂。使辨明事實。時船長古華開那克方罹病也。德川家康親鞫亞丹斯。窺見葡人誣陷之迹。蓋葡人之於英荷。本有宗教政治之積嫌。而又恐

荷人之分其利也。家康於是欲兼納他歐人以制葡。遂袒荷人。

亞丹斯於四十一日後。復爲自由之身。以所攜商貨爲非海盜之證據。同行之荷人。皆由海路至大坂。復依德川家康之命。與亞丹斯同赴江戶。是時家康購荷人之貨。價值及五萬拉爾。即十萬圓荷船未達江戶。又遇難。乃許中途登岸。其中商人美希阿華聖脫。專營商業。而亞丹斯則以算學及礮術與造船術事家康。大被寵任。賜土地以酬其造船之功。歲收二百五十石。然亞丹斯雖享實利。被禮敬。而以本國妻子音問不通。亟欲歸國。德川家康愛其才。強留之。故其他同行者雖許歸國。而亞丹斯獨不能遂其志。

荷日商務與荷葡競爭。荷人之至日本。其本國於一千六百一年始知之。是年八月。阿里維爾華烏脫周航世界而歸國。嘗以正月間遇日本船於波內阿。其船長則葡人而寓長崎者也。告烏脫以荷船之慘狀。且言船中倖免之十四人。將造船而歸國云。烏脫於前一年。在馬尼拉附近遇一日本船。始與日人貿易。售少許之麻布及小銃。而購其多許之麥粉及魚類。日本船長。又別贈以日本童子一名。并以葡人傳教通商之狀語之。謂葡日通商。葡人當得倍價之贏利焉。

是時日本已通商於太泥。在島來中島東部今英屬海峽殖民地之北荷人亦以一千六百三年建商館於其地。

而留滯日本之荷人。閱五年始得歸國之機會。由平戶領主給一船。使赴太泥。因荷人船舶。方由平戶而移神戶。故欲結歡荷人。使興商務於平戶也。一千六百五年十二月二日。船抵太泥。有荷人克華開那古。及聖脫夫安。附乘焉。聖脫夫安以獨力經營太泥商務。屢往來日本。售以胡椒絹布。而購日本之麥粉穀類以歸。是時東印度總會社亦常赴中日兩國。以與葡人競爭。於是葡人傾其在印度之全力。以六千人乘船三十六艘而來麻刺甲。一千六百六年。葡荷兩國大有衝突。海戰。葡人失船二十三艘。人四千。荷人失二船七十人而已。克華開那古中槍死。是役也。荷人雖勝。而葡人仍占勢力於麻刺甲。

一千六百七年。荷國船隊赴日本。於媽島近傍。遇日本海盜船三艘。其船長恐被攻擊。乃以日本刀。鎧贈荷國船隊長馬台里夫。且告之曰。有荷人八人或十人。在日本。日本國王川指已為造船若干艘。將行達太泥矣。然此船隊終不能達其志。先是一千六百年。荷人至日本。被政府款待。得通航護照。以遷延數年。恐失日人歡心。又懼為葡人所聞。而太泥之商人長。又主由中國輸送絹類。遂徑由斯布林克上書於日本國王。並呈皿、盃、繒、織物。及法國製玻璃器。千價約二公然由東印度總會社。與日本通商。而以聖脫夫安任其事。荷使蒞日。荷人以一千六百六年二月。開立法部會議。議定通商日本之事。由聯邦總督

阿列奇公遣國書於日本將軍。命阿特彌蘭華額爾登為使者。以是年四月向印度。於摩爾加島。在島來那島為西班牙人所妨。不果達。一千六百八年。再發船隊。凡船十三艘。贖裝費二百七十九萬格頓。其中二艘。由國庫給費。且貸以武器。以費爾呵夫領之。明年至番丹。聞葡國商船自媽港赴日本。派部下二船追捕之。且命曰。如不及。則逕至日本通商。二船者。一名來烏眉脫皮林。一名格列維安。皆積商品。以五月由太泥行。六月經小琉球。即今之琉球而不得葡船蹤迹。乃以七月至平戶。

平戶領主松浦隆信欲於其地招外商。開互市。不惜勞費。特以己費供一船及水手五十六人。充荷人東上之用。荷國二船之商人監督為阿布拉哈黃敦皮洛克。及尼夸拉斯普伊克。由聖脫夫妥為之通譯。而偕以東上。是時班葡兩國勢力既大。贈遺甚厚。以荷人較之。瞠乎後矣。然家康夙知通商之利。且聞荷人之武功。厚遇之。

當時日本。尚未以國民之公意計通商條約。惟給以通航護照。許其出入日本諸港。得荷督國書。亦由德川家康答復。其大意謂通商為日本所素願。商人欲來貿易。或欲建商館於日本。皆如請。

荷使既得請。歸平戶。是年九月。船員會議。賃屋以為商館。以斯配克斯為商人監督。其屬三

人任繙譯書記給事之職。是時館中商品不過少許之椒絹。而斯配克斯年二十二歲。遂當創立荷國租界之任。彼嘗從軍於阿斯汀特三年之役者也。當荷日信睦未堅之際。而斯氏以其才能大博日本之信用。

荷使二船。以是年十月二日發日本。三十日抵太泥。其中一船於明年一千六百抵本國的克塞爾島。始輸進日本貨物。先是荷國或曾輸入貨物於此。中有漆器九函。陶磁器九千二百二十個。其他爲印度產云。

荷人積年欲設商館於日本。至是始達其志。商務大盛。其後雖以漸衰微。然日本閉關期內。二百餘年間。歐洲商業藉以爲一線之交通。世界之知識。歐人之文明。亦稍有所介紹。得因以爲嘉永安政以後開國之準備。其功亦不尠矣。

按荷蘭以福小之國。通商日本。排萬難而達之。派船隊。建商館。經營之始。規燿甚具。我國商人之赴南洋羣島或美洲者。若干年矣。及今航海大通。猶不能自營航業。且所至受人侮蔑。若黑奴然。何耶。日本人之評荷人曰。是豈特政府之力。其國民全體百折不撓之氣。實有以致之。嗚呼。我國商人。其三復斯言。

光緒三十年通商各口華洋貿易情形總論

竊查本年中國貿易情形因有俄日戰事誰不逆料受累不勝要知無甚關繫不過僅與一帶地方產出土貨銷售客貨兩有阻礙并因政府禁示某貨不得售與戰國除此兩層外凡距戰地稍遠之處外觀之雖無所損若詳細考查暗中究不免其所阻光緒二十六年銀根已緊迨至上年年底仍不見鬆開戰以來更有甚焉既有此等原故貿易一道自然有礙所以據他人視之進多出少則與中國大局受虧匪淺若論進口洋貨一項布疋係占三分之一但以本年比及上年惟布疋獨不見增皆因棉花價昂本年洋貨以全年計之不為不旺惟上三季因有以上原故被其阻滯況尙有一端不能大意者即滙票之長落與懋遷有無尤為不便如能預知是長是落商賈中人亦可設法隨其長落總可使此項貨物不致喫虧忽長忽落可惜不能預知直如賭博誰能保其勝負以致販運商人不得不寬留折本地步預計價值孰知億不能中貨到銷處仍是無利可獲以後價值無非更外擡高貨價既高貿易自不流通茲將近三十五年即自同治九年起到光緒三十年止銀兩兌換英金銀兩兌換銅錢按照歷年酌中時價分別表明并將近兩年按月英金長落價目除一併另繪圖表外茲先詳細論明近兩年忽長忽落之金價查上年二月滙票最低之價二施令四辨士七五迨至四月長至二施令八辨士二五該兩月中百分已長十二分不意至前五月落至三分七月又長至二

施令十一辨士二五可見忽然越次加長又有十三分之多不意十月又落至二施令八辨士此相距三個月又落十分本年初上年底長至三施令一辨士該兩箇月內又長十六分二三月中二施令八辨士該兩箇月內又落十四分以後三月又長九分其中又落一分再後兩月又長八分兩年之內滙票行市長落九次極少三分極多十六分相離若是之遠進出貿易誰有把握再論制錢行情採辦出口土貨分銷進口洋貨在內地均以制錢爲準長落行情關係匪淺行家用銀百姓用錢近三十五年內銅貴銀賤如照制錢價值以合銀兩銀子落有三十分一年之中制錢與銀兩亦有許多長落惟與金鎊時候既不相同數目亦非相因有此兩層窒礙猶之天平不能較準凡每件洋貨自出產起至銷場止土貨自內地出產起至外洋銷場止其間不知有若許不能索解之長落致使商賈中人難以預留賺利地步得免陡然之虧折緣爲時太促不過兩月忽而極長忽而極落縱或預計亦趕不及有此情形貿易一道頗難立足卽有謹慎聰明之人先事預防早爲定價終不能操一必勝之權爲今之計惟冀各國政府各國銀行進出商家各項公所以及屯聚零星商賈和衷共濟更改善策能使滙票畫一不致驟長驟落則中外商人受惠良多矣若以本年貿易而論雖有以上難處而仍算極旺年分北方田地歲收豐足東三省本年雨水之多實爲從來所未



有除與俄日兩戰國不無妨礙外農家者流誰不歡呼慰其所望惟收數之多始雖欣喜異常既因銷路不旺又爲蹙額直東兩省年歲亦佳是有九分所慮者銀根各處皆緊北方尤甚以致本年貿易雖旺尙有美中不足者殆因此耳天津之山西稟號四年以前因亂被劫旋將所餘銀兩攜歸故土暫停交易幸聞來春又須再展旗鼓恢復舊業誠能如此則利便諸多山東自青島至濟南之鐵路業已告成計八百二十四里四川一省歲收荒歉全仗他處源源接濟無如運道艱難賑救有限至向稱富庶之長江一帶并無亂事甚爲安謐惟江西小有齟齬杭州船隻亦有小竊長江各省興盛之象仍與近年相等蕪湖出口之米係因船隻不敷裝運漢口銀根直至年底亦有爲難以北之鐵路建至許州約長八百六十八里業經開車至於車路已築至黃河閩省收成亦好惟相近廈門地方畧有水災并初聞該省亦有難處其故確非本地實因北方戰務茶木兩商被其所阻粵東因無豆餅田力不足所獲較減內港地方搶劫之事仍屬不免所幸一省商務總算興旺年歲亦歌大有廣州至三水鐵路已作成有六十四里粵西亂耗現經力剿漸漸稍平惟未全復但農事亦慶豐收滇省來信五穀收成異常充足尤爲難得之事洋錢進口頗多殆因興造雲南鐵路所需之經費極遠之亞東本年貿易已算全無即因英兵進藏以致兩年進出貨物屯儲待運苦無裝

運之物是以稽留從雲南四川兩省來信均云由該處至藏貨物近亦不乏綜核本年通商貿易氣象極佳除戰地外其餘他口雖有戰事亦如平時進口出口洋土各貨均見加多來歲情形如無意外非常之變諒更茂盛不妨拭目以俟之商約一事辦理甚緩前年英約告成上年美日兩約始經互換本年葡約雖經議定尙未批准其餘各國并未續議本年新開兩口粵省之江門正月二十一日湘省之長沙五月十八日均已設關征稅

一稅課本年征收關平銀三千一百四十九萬三千一百五十六兩比較上年將近增收一百萬兩以百分計之多有三分況此項稅課已經抵還洋款尤關緊要洋款係照鎊價上年所收稅銀合上年酌中匯票價值僅有四百二萬八千三百五十五鎊本年所收稅銀合本年酌中匯票價值則有四百五十一萬四千一百一十九鎊此真適逢其會以鎊價而論本年比上年多有四十八萬五千六百六十四鎊所以若照鎊算百分中實多十二分百貨進口稅已增八十八萬七千八百六十二兩比較所多總數幾於全係此項且多收之數全在冬季百貨出口稅復進口稅船鈔所多有限子口稅少大半是洋貨運入內地一項洋藥釐少有三十二萬二千九百八十六兩釐金既減進口洋藥自然是少而藥土反多征稅銀三十萬一千四百三十八兩其故諒因土藥稅增上年雖僅征四十六萬七千九百七兩本年

則增至九十二萬四百二十一兩茲將本年各口征數之盈虧分別挨次開明牛莊因有戰事收稅較少津海與秦王島與上年不相上下東省亦然煙臺貿易漸漸移至膠州重慶宜昌兩口宜昌實是轉運口岸該兩口上年征收七十萬五千一百四十一兩本年則多至一百十二萬四千二百五十兩所多稅銀即是土藥上年土藥征稅四十二萬二千三百九十二兩本年增至八十二萬五千二百七十八兩長沙岳州本年兩口征數反不如上年岳州一口之多漢口九江收數較多蕪湖金陵鎮江比較稍減上海一口本年意外多收即係百貨進出口稅并船鈔浙省三口均仍照常杭州最好閩省相等惟三都澳出口茶葉則與福州有礙粵之東西兩省口岸上年征收六百一十一萬三千五百六十四兩本年征收六百三十八萬五千十五兩輪船土船比較分數與上年相等輪船裝貨一層已可守住不致改移至邊界各關收數均多蒙自尤甚上年十六萬九百三十五兩本年增至二十四萬八千四百四十一兩

一外洋貿易本年各貨係第一次價值照一律之算法即如進口按起岸時出口按裝船時此等算法雖與歷年總冊不便接續比較然有一律價值俾有考核因曩年論中是一價值冊中又一價值本年進出洋土各貨估價值關平銀五百八十三兆五十四萬七千二百九十

一兩以致比較上年總冊表中所載價值有百分之八論中所載價值不過百分之七此一分之上下即為間有關口按起岸算法本年冊中又增往來外洋土船之貿易此向來未經列入者本年始載除不由通商口岸往來外洋有限之船隻外其餘船隻本年已算全備現繪圖表一紙以明近四十年內中國與外洋之貿易係每十年一算分別表明各國船數之增減此十年中照成分計仍以英國推為巨擘美國較前畧少日本德國增多中國船隻亦多以通商四十年貿易總冊觀之先後比較孰盛孰衰亦甚有趣香港貿易與造報關冊頗有妨礙何則因洋貨先至香港轉運南省各處土貨亦由香港轉運他國所以難於查實從某國來往某國去在同治三年均係篷船并不尅期由香港來洋貨占三十一分往香港去土貨十四分迨至本年來洋貨增至四十分去土貨增至三十六分同治三年由印度運運來華之洋貨占三十二分全是洋藥本年由印度運運來華之洋貨不過九分且係洋藥與棉紗兩宗以外洋貿易而論首推英國照總數勻派從前運運進口之洋貨已得二十一分現在僅有十六分出口往英國之土貨從前占有六十七分現在亦少六分內以茶葉為大宗成數既減足見茶葉生意大為減色除英國外歐洲別國從前并無運運來華之洋貨現在亦有六分半出口土貨往歐洲別國從前不過二分半現已增至十九分美國從前進口

僅得一分現增至八分往美國之土貨從前八分現已增至十一分日本進口洋貨從前三分現增至十四分運往日本之土貨從前毫無現有十六分運往俄國之茶葉從前本無上年土貨出口總數之內俄國亦占六分本年茶葉因俄日戰事被其擾亂總之中國進口洋貨比較四十年前增有七倍出洋土貨增有五倍

進口洋貨本年價值淨數關平銀三萬四千四百六萬六千八百八兩比較上年百分中多有五分論從前冊中所載均照市價近來各日有照市價有照起岸本年各貨各口一律均照起岸時之價值核算所以比較上年論中所載之總數三萬一千四百五萬三千四百二十八兩約計加多十一分以四十年圖冊考之洋藥進口較少棉貨雜貨較多同治三年進口總數五千萬兩內洋藥已占百分之四十分棉貨十二分半絨貨十分銅鐵四分半其餘別貨三十三分本年進口總數二萬四千四百萬兩內洋藥僅占十一分棉貨三十六分絨貨一分銅鐵六分煤三分煤油八分其餘別貨三十六分共計雜貨四十六分洋藥上年五萬八千四百七十八擔本年五萬四千七百六十六擔惟比較前年則多有三千九百六十五擔小土增多係因銷路銷路之旺有何證據諒因金鎊價跌以銀購土所需自減不料冬季售出之價較之春季已長十五分之多可見暢銷之故不關價值大土本年進口有二萬九

千五百六十九擔上年進口有三萬二千八百九十二擔本年年底市面存貨甚多已過向存之數價值比較春季尤賤本年各色土北方銷數減二百二十三擔長江各口增二百一擔上海減二千二百八十九擔浙省各口增二百四擔閩省各口減一千六十五擔廣東減六百三十四擔少銷之數因土藥收多以補其缺兼之五穀豐收民有贏盈可以多購并非急需之物土藥產地甚廣惜不能得其實數惟出土地方均有信至罌粟收成意外豐足出口土藥水陸紛歧惟有一處卽是宜昌滇蜀土藥必經該處所以關册有載但可稽考僅此一處不過得其微末之數雲土川土前年經過宜昌有六千七百二十一擔上年五千七百九十四擔本年一萬二千一百八十二擔內一半是本年冬季由宜出口莫非鴉前年進口照英平計算有十九萬五千一百三十三兩上年不過十萬六千一百四十八兩本年祇得一百二十八兩上年論中已云少有一半本年將近全無此等損人之物忽然大減本堪慶賀無如人情惟利是圖誰不避重就輕預先運進前年存貨既多上年自減本年更少保無偷運緣是物甚微隨在可以夾帶海關緝私辦法以之稽查值百抽五之百貨可稱得力以之稽查值一抽一之莫非鴉毫無用處第因該物極微易於隱匿如在別國不難查出比如糖精煙絲卽或夾帶進口該國巡緝員役隨時可以到店搜查何患不水落石出而中國無治

外法權進口之後即無法查以前年上年兩年進口總數合計勻分每年應有十五萬六千四百四十兩據西醫云視煙癮大小每年可以針砭次數一百五十兆至三百兆棉布類之大宗比上年進口較減尋常布疋前年進口一千九百一萬五千三百疋上年減至一千三百八十三萬五千五百六疋本年減至一千二百九十萬四千九百六十四疋棉花在外國上年年初價值已昂本年一年以來仍是不減迨至冬季市價較跌各處紗廠均可大為開工奈織成之後不及到市出售以上所載各種布疋由英國廠所出上年有七百八十四萬一千六百五疋本年八百十萬九千二百疋殆因市面貨缺乘機立刻以補不足美國廠所出上年有四百七十八萬二千一百四十一疋此數已經算少不意本年更甚僅有二百七十萬三千五百四十八疋何故短少殆為先儘該本國銷數又為中國市場存貨既多路途較遠尚有原故即係東三省向銷美國布疋現有戰事阻礙尤多日本廠所出之布上年七十三萬七百二十三疋本年減至六十萬七千三百二十二疋自因戰事既有戰事販運相離較近之處借款尤貴荷蘭印度布本不多荷蘭布本年少到印度布竟能多到聞來年應銷之數已經預定許多約至一年多為止各色花布生意頗旺殆因本年華人歲收豐足有此餘資以購上等布疋況該布疋重在工藝不在棉質所以棉花雖貴無甚關係上年價值一千九

百三十二萬二百四十六兩本年價值三千四百十六萬二千二百六十兩紅洋布印花布格外少到價值亦減義大利棉布棉羽綾色提布棉法蘭絨等大有起色棉紗上年進口二百七十三萬八千四百四十八擔本年僅有二百二十八萬八千七百七十八擔棉貨三類照上年算棉紗占五十二分本年減至四十八分本年進口紗價實為從來所未見日本所紡之紗較好比印度價貴一成印度紗本年進口比上年少二十五萬二千一百二十八擔日本紗比上年少十九萬二千六百七十五擔近三年折合酌中之數一年應有二百四十八萬九千九百九十九擔中國紗廠紡出七十五萬擔內上海一處約占六七成別處約三四成中外機器所紡之紗合共三百二十四萬擔華民皆願銷售絨貨不必細論價值大約不過四百萬兩與前四十年不相上下推原其故由於有力能購絨貨之人仍舊是買綢緞與細毛常穿棉衣粗毛之人又無力能購有此兩層以致絨貨銷路不廣銅鐵類比上年多三成其餘各貨均多惟鋼獨少銅片銅磚意外加增上年有九萬九千九百九十七擔本年增至二十七萬三千九百一十一擔白鉛上年有一千九百十擔本年增至一萬四千三百二十六擔銷場之驟旺自因各省鑄造銅元勢所必需進口米土年比前年減七成本年比上年多有二成共計進口三百三十五萬六千八百三十擔上年與本年廣東禾稼雖慶豐登而城市作工人衆



總非用外來之米以資接濟不敷民食糠本年進口二百三十一萬一千六百五十八擔呂宋煙紙捲煙上年進口估值二百五十萬兩本年增至三百二十五萬兩家用雜物各色酒與上年估值相等麵粉將近全由香港報運進口該粉均係美國機廠所出上年進口七十六萬六千三百二十四擔本年增至九十三萬七千九百四十六擔顏料之中意外引人留心者即製成之靛上年進口一萬一千八百十八擔本年增至一萬八千八百十九擔生成之靛原是中國土產但經香港轉運進口即算洋貨上年七萬八千四百十四擔本年增至七萬八千四百四十七擔其餘攪和之顏料與上年不相上下煤油年盛一年上年總共進口八千四百九十九萬八千三百三十五加倫本年增至一萬五千六百八十九萬一千二百三十五加倫比較上年已增八成之多若以上年本年兩共總數美國占三十七分至四十三分俄國占十六分至二十一分蘇門答臘占四十七分至三十五分波羅島之煤油本年仍是少到美國煤油產自舊金山者本年係第一次報運進口各色糖上年進口三百二十萬二千九百八十擔本年增至三百七十四萬七千五百六十三擔鐵路器具本年進口比上年較少計估值六百四萬六千四百五十九兩別類機器本年進口六百六十六萬三千九百兩比較上年已多四分之一歷年未列名目之貨於本年提出幾種專立名目即為未列名

目之類數可見減不意本年不獨不減反而增多殆因幾種并非緊要之物加增甚快以致本年估値仍有一千二百七十五萬三千三百三十七兩其中有逆料不及者即是東三省之野蠶絲計三千三百十擔估値一百三萬八千十六兩因由大連灣及旅順進口不算土貨而算洋貨如將此項除去所多想亦無幾復出口惟有臺茶由廈門轉運出口現亦減少前年復出口有十四萬三千六擔上年有八百九十一萬九千四百八十八擔本年更少不過十萬一千七百六十一擔其餘各貨本年共計估値九百四十三萬八千二百四十兩上年六百五十二萬三千六十二兩除臺茶外所多者係復出洋運往日本朝鮮之布疋格外加增

出口土貨本年價值關平銀二百三十九兆四十八萬六千六百八十三兩比較上年增有十一分此即按裝船時之價值核算若照上年按照市價打包駁費稅銀均已除去要之此皆必須之費用應該併計在內譬如銀行匯票各國貿易亦曾加入上海關口係通商總匯之區故該關辦理此項人員本價格外留心考究因出口復出口之土貨大半是由上海出洋所以上海本年冊報係按原出口之價值若照論中所載上年出口貨價二百三十六兆二十萬五千一百六十二兩表中所載二百十四兆三十五萬二千四百六十七兩如是以

觀可見本年與上年比較多亦有限詳細考察四十年來之圖表除絲茶兩宗外別貨俱多同治三年出口總數五十一兆絲已占二十四分茶占五十八分棉花亦占十二分棉花之多即因彼時美洲戰事所致其餘別貨僅占六分本年總數二百三十九兆絲占三十三分茶占十二分半棉花十分半豆子豆餅占三分其餘別貨占四十一分從前出口大宗貨物最要緊者即是茶葉現論出口土貨亦應以茶爲首宗論各色茶本年出口有一百四十五萬一千二百四十九擔比上年已減二十二萬六千二百八十一擔內除紅茶無甚參差外綠茶減有六萬四百七十四擔各處銷路勻計亦復相等其餘所減者即係紅綠磚茶有十七萬七百六十三擔磚茶既少茶末必多亦可販運出口紅茶本年雖無增減惟望茶商不可自恃以爲生意仍佳種製採折不關出入可以隨意爲之抑知如不刻刻留心維持茶務則後悔莫追磚茶少銷茶葉必多前兩年綠茶出口較多本年是以較少磚茶之少實爲亞洲俄國屬地運道不便之故茲因戰事陸路既有未便水路俄船亦少所運紅茶磚茶兩宗改道辦法較之上年有無增減分別地方數目開列於後

光緒二十九年

出口紅茶

光緒三十年

出口紅茶

商務

四十五

乙巳

商務

四十六

七月

英國	由水道	十一萬六千二百三十七擔	英國	由水道	二十五萬一千九百五擔
俄國	由水道	十二萬五千八百四十一擔	俄國	由水道	一萬四千九百二十擔
俄國	由鐵路	十六萬一千一百二十四擔	俄國	由鐵路	
俄國	由恰克圖	三萬一千六百三十七擔	俄國	由恰克圖	三萬九千七百四十一擔
歐羅巴	除英俄兩國外	五萬一千二百三十五擔	歐羅巴	除英俄兩國外	十九萬二千九百七擔
波斯埃及兩國		一千四十六擔	波斯埃及兩國		六千二百九擔
出口磚茶					
英國			英國		八萬六百二十六擔
俄國	由水道	二擔	俄國	由水道	二萬五千五百二十九擔
俄國	由鐵路	二十一萬四千三十擔	俄國	由鐵路	二千五百二十擔
俄國	由恰克圖	四十萬四千三百九十九擔	俄國	由恰克圖	二十八萬二千九百七十八擔
歐羅巴	除英俄兩國外	二擔	歐羅巴	除英俄兩國外	六千三百七十一擔
波斯埃及兩國			波斯埃及兩國		三萬八千四百五擔

絲本年比上年出口較多其最關緊要者是黃白兩宗前年出口已少上年更少本年雖增

但不能及前年上年之少少在上海而本年之多多亦在上海可見上海總匯之區易於竭力整頓挽回迅速不致江河之日下土繅之絲上年比前年減一萬八千一百五十二擔本年復轉一萬三千一百八十六擔廣東亦多上年一千四百八擔本年多至二千九百十五擔上海機繅之絲上年一萬六百七十擔本年多至一萬二千七百五十四擔廣東機繅之絲上年有三萬三千三百一擔本年多至三萬四千二十一擔以上所論均係白絲黃絲出口總數有一萬三百七十四擔內有七百二十八擔由騰越運往緬甸野蠶絲三萬三千五百二十七擔比上年多有一半北方已占八成絲市之壞早幾年即有留心此道者諄諄告誡養蠶農民如不預防但恐一敗不起噬臍何及故曩年有追本窮源者考出病在蠶子遍勸養蠶農民揀選蠶子子如有病作繭即小非四擔至六擔不能繅絲一擔況且個數亦增若論從前蠶繭既堅且大僅須三四擔即能作絲一擔總之天下事有利當興有弊當革故前浙海關康稅司創行在先法已大備前江海關雷稅司繼起於後策更詳明可惜無人聽信雖有善策亦莫如之何矣僅有浙省設立蠶學院一處揀選蠶子無如購者亦少近有無名氏刊印養蠶人聽聽一書其書中之意爲勸無錫金匱兩縣養蠶人家應效紹興辦法從前絲繭錫金價值高於紹興現在紹興價反高錫金一半若再因循不堪設想中國養蠶人

家均是謹守成法不喜翻新或盛或衰聽憑氣運孰知並非樂土實係危地光緒二十五年絲價甚高二十七年陡然大跌養蠶之人漸知警懼不意次年絲價復起故皆以爲毋庸過慮絲雖不佳亦能售出何必多此一舉另更新法要之實屬大錯絲之好歹全在蠶子絲價由繭定出其定價不由中國而由外國卽如法之利昂美之紐約英之倫敦義之米蘭皆可定其價值日本義國尤關緊要各國近三年中通扯所銷之絲除中國日本留織綢料不計外中國應占二十七分內北方所出之絲占十八分南方占九分日本占二十八分義國占二十五分分別國占二十分中國絲出不佳卽或能多亦不能操左券本年出口白絲較少於前五年而各國所銷之絲較多於前五年其故卽爲中國絲出不佳各國轉購別國之絲此明明中國本有之利善讓別人論本年各國所銷之絲約有三十二萬五千擔內中國不過占有二十五分北方蠶子素爲各國所推重者所食桑葉亦好應該吐絲旣多且佳其所以一敗至此者殆爲不肯揀選蠶子別國子如有病立即考出去其病子以免傳染自然可以轉敗爲勝卽如日本機器所繅之絲與上海機廠所出之絲亦係相等自光緒二十五年至三十年此五年中中國出口白絲自十萬九千二百七十九擔減至八萬一千五百二十五擔此五年中日本出口白絲自五萬九千六十九擔增至九萬六千五百八十六擔中國

養蠶法子如無格物新法未始不可向來將蠶子擲在露天之處以受霜雪使力壯者得生力弱者致死其法未始不善但人如有病醫家知之蠶子是否有病非用顯微鏡不可誠如用鏡考究比如一千蠶子揀去三百則有七百可以吐絲如不考究亦得七百蠶子不過有四百是帶病蠶子虛糜桑葉僅有三百可以作繭且亦不大所出之絲豈有不少之理上節曾云從前以繭三四擔可以繅絲一百斤現非五六擔不可此病人人皆知可惜無人過問聽其自然但恐將來情形亦與茶務之一蹶不能復振亦相類耳出口土貨內有幾宗向來并未專列名目本年關冊第一次始行另載即如雞鴨蛋鑛產土藥棉花子菜子各色木料等近來運往外國爲數亦有可觀豆與豆餅比較上年所減甚多但論貨色斤兩少有一半貨價僅少將近三成其故不爲銷場之少是爲向係多運日本榨油點燈作菜日用所必須豆餅本爲肥田以種五穀食爲民天安能減用殆因俄日戰事將以上兩項列入禁貨不得運往戰國牛莊上年豆餅全是運往日本豆子亦有一半本年之少始則因俄兵守住繼則因日兵守住祇得改由鐵道運往遼河西邊中立地方纔能出口草帽上年出口有八萬七百二十三擔本年八萬六千一百十擔所多之數均是細貨至於粗貨仍是工人不肯留心講求製作揀選裝包以致紊亂不齊攙雜僞貨此病不除買主曠有煩言濟南鐵路已成

東省所出之草帽緹漸漸改運膠州不運煙臺若以本年出口草帽緹與上年兩相比較上年煙臺占七十分本年占四十分可見膠州日漸其多再加德商竭力整頓講求工藝作出牌號不爲爭名卽爲爭利華商亦應格外考究不讓人先使將來有一定牌號自有一定之價值棉花上年出口之少卽爲銷售之處價值俱昂本年出口又多比較上年一百分之已占六十棉花本年出口共有一百二十二萬八千五百八十八擔價值仍聽別國行市隨其長落時價既減則經手商人出產農家故爲存留以待長至上年之價值方肯出售而紡紗出口行家易於看出將來之情形現有一等售花商人俟有買主方敢放水此真算是運氣極佳但似此辦法之人不可多得預先放水本是積習相沿要之既已放水無人願購受累無窮現有此法則放水人家皆知害處從此改良較勝於地方官出示嚴禁多矣運往日本棉花較前反多另有別故卽爲日本往來孟買之商輪因有戰事暫時停駛五金類鎊及錫砂出自湖南本年出口少有百分中之十餘分雲南本年出口錫多至五萬三百九十一擔現出之鐵本是初辦將來之旺真有不可厚非者上年出口僅有一千四百八十五擔本年多至二十萬一千八百四十八擔雜貨類糖市平常各色糖本年出口共有三十六萬五千六百六擔皮貨毛羽生皮土布各種油土藥本年俱多所最減色者卽係棉花子菜子芝麻



均爲榨油本年天氣宜於種穀而不宜於作油之生物所不幸者匯票忽然價長礙及出口貿易出口價減致使出產土貨不能售出地滿出口美國本年亦少推原其故即因國貨商人與工人彼此口角以致罷市現經排解仍理舊業想來年此項生意當有起色土藥運往安南之東京本年有三千一百七十九擔

一船隻本年進出口噸數共計六千三百七十七萬四千七百六噸比較上年已多六百四十八萬四千三百七十七噸所多數內主船已占四百五十八萬八千二百四十一噸因土船本年第一次載明表內從前幾關經過之土船僅納貨稅不報噸數幾關之中如九龍拱北現報噸數三百七十三萬五千五百十六噸所裝貨物估值關平銀六千三百五十萬兩所收稅釐七十萬兩其餘所多噸數均是洋旗船隻以總數百分勻分英國從前占四十九分本年占五十一分半除中國旗外惟英國分數更多噸數亦多其所多之故因俄日戰事暫用英船以裝貨物又因載運華工由秦王島煙臺至南非洲共計一萬八千五百五十二人德國噸數與上年相等分數上年占十三分本年占十二分日本噸數本年較之上年僅有一半因外洋不便往來日本船隻本年僅有四百二十九萬三千五百噸即爲祇能行駛中國中立之江河故上年占十四分本年占六分半俄國船隻尙有五萬六千二百七十九噸

大約行駛總在去冬不然何以上年有五十六萬九千九百三噸本年不過爾爾其餘如法國腦威各占二分美國占一分半比較上年已多半分

一金銀本年進口三千四百一十一萬九千八百一兩出口三千八百六十七萬二千九百七十二兩除對抵外實淨出口四百五十五萬三千一百七十一兩中國尙有一端不能忘記之事卽是金子雖係值錢之物然算貨色與銅斤一類日本金元進口值價九兆六十七萬七千一百五十二兩卽合英金一百四十萬鎊誠如此算實淨出口一千四百萬兩聞此項金元運到上海鎔化金條約有三分之二當著論時仍存上海但金條置之匯票市場殊多有礙緣欲買匯票之商人見有金條合算亦可購買以代匯票本年年底來年年初該時用金買銀票較之買銀條則便益有由二分至三分者論未鑄洋錢之金子從北方鑛內所出之大宗由天津煙臺出口者值關平銀一百三十七萬九千七百十四兩四川想有出口惟不報關無從稽考銀兩由外洋進口共計二千三百五十一萬八千六百三十八兩出洋共計三千七百十二萬八千三百六十八兩三分之二係由香港運進中國五分之三由中國運往香港有三分之一運往日本運進上海口一千三百十三萬五千七百一十一兩運出上海口一千七百十四萬七千一百四十二兩南邊各口由香港運進者七百八十萬二千一

百六十五兩南邊各口運往香港者一千九百五十六萬三千七百九十五兩以上兩項均係洋元本非中國自鑄之錢實係各錢莊平昔所積聚之項搜羅已罄彙齊運出惟以後由香港再運何處無冊可稽有此漏卮中國應見虧象但華工出洋隨身帶回現銀亦有一千萬兩牛莊向無出洋之款祇有二十三萬運往通商別口由上海煙臺運進牛莊寶銀則有六十二萬二百兩洋元則有九十四萬一千六百四十三兩由香港運進天津洋元有五十五萬四千九百五十一兩寶銀有三百九十二萬六千九百五十六兩由煙臺上海運進天津洋元有二百六十萬四千六百六十八兩由天津運往煙臺上海寶銀有五百八十九萬一千四十九兩論中云北方宜用寶銀不宜洋元由安南之東京運往蒙自有法國洋元一百十六萬七十一兩殆為建造滇省鐵路之所需并有人來云本年香港進出口金銀數目茲照伊云表列於後

由通商口岸運進香港

金 一千二十八萬六千六百五十六兩      銀 二千二百七十五萬四百五十八兩

由不通商口岸運進香港

金 一千一百五十七萬三千七百六十五兩      銀 九百六十五萬九千九百四十兩

共二千一百八十六萬四百二十一兩

共三千二百四十一萬三百九十八兩

金銀兩共估值關平銀五千四百二十七萬八百十九兩

由香港運出通商口岸

金 十九萬二千九百九十九兩

銀 一千六百七十六萬四千二百二十一兩

由香港運出不通商口岸

金 九百六十三萬四百六十五兩

銀 三百十三萬七千四百五十兩

共九百八十二萬三千四百六十四兩

共一千九百九十萬一千六百七十一兩

金銀兩共估值關平銀二千九百七十二萬五千一百三十五兩

所開之數如可作準香港銀行應多存銀一千五百四十七萬五千六百八十四兩即合洋銀二千三百五十萬元內中祇有一千九百萬兩是銀子存多之數原非一定不能者此亦不期然而然況閩粵兩省凡有洋元進口大半打印既經破爛祇可當作現銀裝運出口廣東江面土船時有搶劫所裝金銀縱不報關想亦無多照以上所開之數可以查明界外往來之數茲特一併開列如下

由界外運進通商口岸

金 九百七十三萬七千八百五十二兩 銀 六百七十五萬四千四百十五兩

由界外運進香港

金 一千一百五十萬三千七百六十五兩 銀 九百六十五萬九千九百四十兩

共二千一百二十四萬一千六百六十六兩 共二千六百四十一萬四千三百五十五兩

金銀兩共估值關平銀三千七百六十五萬五千九百七十一兩

由通商口岸運往界外

金 十九萬七千七百七十九兩 銀 一千四百三十七萬七千九百十兩

由香港運往界外

金 九百六十三萬四百六十五兩 銀 三百十三萬七千四百五十兩

共九百八十二萬八千二百四十四兩 共一千七百五十一萬五千三百六十四兩

金銀兩共估值關平銀二千七百三十四萬三千六百四兩

以上兩表所列之數雖不能保其毫無遺漏然亦可謂大備矣但即算不錯通商界內已短一百餘萬但華工隨身帶回之項未計在內此東方通用之款幸金多有一千二百五十萬兩合英金一百六十二萬鎊中國銀元局本年各局工務紛煩一元之大洋統共僅鑄三百

商務

五十五

乙巳

二十二萬二千七十七元鑄造小洋之局尤少本年僅有三局仍鑄共六千一百八十七萬二千箇內中他類小洋不過二百萬其餘均係鑄造二角之小洋若合大洋亦有一千二百萬元以外小洋既少價值自高在正月以前小洋十角僅值大洋九成十一月以後大小價值相等各廠無暇鑄造銀元之故即爲趕鑄銅元伏查中國向係祇用制錢銅元概不通行故無此物現在新鑄之當十銅元咸豐年間曾已鑄過然係外圓內方確與制錢一樣惜未通行隨即停鑄祇有京師現亦行用再查現鑄銅元其文不一有面上印明每百枚值一元者有面上印明每一枚當十文者商民甚願通行因與制錢相合有一定之價值銷路既大該局總辦禁運別省只得一次報關由粵省運進上海已有一百十五兆值關平銀七十七萬五千兩由上海運往山東三百十兆值銀二百六萬一千兩由天津運往煙臺值銀四十二萬八百四十四兩各局能鑄若干立刻能銷若干本年十二箇月共計所出銅元一千六百九十三兆七十萬枚此數半由各局所報半由各廠用銅之數查出鑄銅元局本年購銅二十萬五千七百七十一擔本年存貨與上年存貨大不相同每一銅元計重二錢內中銅有九十五分餘攪砂鉛兩宗以所購銅斤而論應鑄銅元一千七百四十五兆與以上所列數目實相符合現在所鑄銅元并不爲多實因中國人已有四百兆但有一事必當留心使商

民始終相信不是按照洋錢定價是按銅錢定價銅每噸估價六十六鎊白鉛每噸值價二十四鎊銅元每百枚值十二本土合關平銀三錢五分制錢一串值三十本土合關平銀八錢七分國家策一要政丁賦稅釐或出或入予取一律倘收進稍減付出故高此風傳播關礙尤多尙有一層現鑄銅元並非百姓厭故喜新樂於使用實因制錢大缺無處兌換不得不用銅元以便流行關平一兩從前可兌制錢一千八百文現在不過一千二百二十文從前一串制錢僅值關平銀五錢五分現值八錢二分高下如是之多分量稍重之制錢奸民貪圖厚利無不私毀以致地方均有錢荒之慮然在光緒十三年間制錢價值上下尙亦有限私毀之弊已不能免政府慮其不足曾飭鼓鑄當時各省立即奉行所鑄亦有可觀惜乎并未源源接鑄祇聞僅有幾局略鑄數百萬枚若以情形而論勢非多多鼓鑄不足以補其缺中國不顧百姓生計則已如欲顧及首在制錢緣素來民間所通行者除制錢外別無他項稅務司不憚煩言一再申明誠以制錢一項關乎民命第因民間向以一文即可購辦零星之物現在制錢既缺必帶銅元試問買一文之物如何便當足見非樂於使用實爲勢所迫不得不帶既帶總爲購物購物必較制錢更須多費此亦無可如何之事比如王商人等向來每日賺二百文不獨足敷俯仰且可另購并非日用必需之物今則不然僅免室家之

陳綬元與制錢同在一時一保價值一保不值價則價值者終被不值價者所併除此亦自然之理曩日縱有未明現則無須考證已可恍然銅元百枚若照制錢之本質核算實值四成銅元如不改章將來制錢必被其銷滅於無形中國公家各項東人曾否預計工商人等向用制錢日需若干改用銅元亦需若干如能打算所需工價足敷向日一家之用方為善策以上所論中國應當詳細講求必使銅元與制錢無所區別凡內行人所著論說亦當取法以救其失幸勿再緩

再查中國進口洋貨出洋土貨每年各通商口岸共有若干係憑本造冊處歷年造報之貿易總冊核算其間出口之數總不敵進口之數他人皆為注意恐與貿易一道殊多窒礙茲將近十年來進出洋土各貨照起岸時裝船時之淨值并關冊所載進出之元寶金銀各錢開具清數俾易了然

進口貨物價值

出口貨物價值

光緒二十年	一百四十兆	光緒二十年	一百四十五兆
光緒二十一年	一百五十兆	光緒二十一年	一百六十一兆
光緒二十二年	一百七十八兆	光緒二十二年	一百四十七兆



期 七 錄 彙 考 東

光緒二十三年	一百七十八兆	一百八十二兆
光緒二十四年	一百八十四兆	一百七十七兆
光緒二十五年	二百三十四兆	二百十八兆
光緒二十六年	一百八十六兆	一百七十七兆
光緒二十七年	二百三十八兆	一百八十八兆
光緒二十八年	三百一兆	三百三十六兆
光緒二十九年	三百十兆	二百三十六兆
光緒二十年	已載關册進口金銀價值	已載關册出口金銀價值
光緒二十一年	元一千三百六十二萬二千兩	凡旁註元字者均係進口之淨數
光緒二十二年	元三千六萬一千兩	元六百三十九萬四千兩
光緒二十三年		元六百八十七萬二百兩
光緒二十四年		元二百九十八萬一千八百兩
光緒二十五年		元六百三十六萬八千三百兩

商務

五十九

乙巳

光緒二十六年 元一千六百六十四萬四千五百兩

光緒二十七年 元一千四百三十六萬二千五百兩元二千七百三萬五千六百兩

光緒二十八年 元一千八百四十三萬七千四百兩元四千一百六十九萬二千三百兩

光緒二十九年 元二千七百萬一千一百兩 元三千三百四萬六千五百兩

中國在甲午以前中東尙未開釐可稱並無洋債之國及至戰後言和負累則有五千萬鎊約合關平銀兩四百兆之譜又加庚子各國救援使館議賠之數二共每年應還四千五百萬兩有奇論進出款事均應時在念中大凡各國出款皆借貨物以相抵制中國既有進口洋貨又有賠還款項全恃出口土貨如貨不足抵即須現銀以補之可見出口貨多利不外溢出口銀多受累匪淺中國賠還銀兩交付在華之外國銀行若疑銀行收此現銀裝運出口未免大錯銀行之設係爲進出匯票有利可獲凡各項商家中外往來之貿易無非或運洋貨進口或運現銀進口或運土貨出口或運現銀出口彼此並無分別惟運現銀出口猶之以清水灌入田園究不如濁水之尤有滋潤銀行算是居間之人將賣出之票售與買進之人銀行之利即在進出經手之行用中國官場每付賠還款項實在是買匯票銀行收下現銀換給匯票與華官此項現銀並不裝箱運往外國仍是存儲銀行俟有商家持票來賣

銀行收下換給現銀與商家商家即將此銀納稅與華官華官以之抵還賠款付與銀行銀行收下仍售與商家以作交易足見現銀並未流出不過互相輪轉而已論匯票與貨物之貿易情形本無二致譬如賣出者多買進者少價即漸落賣出者少買進者多價即隨漲運洋貨進口之商人即將售出該貨之銀購進匯票寄至外國外國商人收到該票支取金鎊以付該貨之價本運土貨出口之商人售出匯票支取銀兩以備採辦土貨俟土貨運至外國變價以還銀行倘中國官場當買匯票之期進口商家亦欲買票同在一時彼此爭購出口商家所售之票剛剛是日作價七兩合金一鎊即如官場需購匯票一百萬兩進口商家亦需一百萬兩適值出口商家欲售二百萬兩之票進出正可相抵匯票時價即無更動銀行之利全在買進賣出經手之行用賣出七兩買進約六兩九錢如出口商家所售者僅一百萬兩之票票價即漲此亦尋常之事買者多售者少自然高其聲價若是漲至八兩一鎊官場爲期所迫不得不買進口商家一半不能不買一半尙可待價出口商家原不願售七兩一鎊及聞時價漲至八兩一鎊本擬售一百萬兩者現可多至一百五十萬兩即此以觀可知買進者減購五十萬兩賣出者多售五十萬兩銀行所得買進賣出之利收進則八兩一鎊付出則約七兩九錢尙有沾潤之處即在時價之更動銀行得信稍先而官場與商家

不得而知票價既漲進口貿易亦相因而改變進口貨價原值一鎊售銀七兩即數貨本現因匯票價漲七兩不穀須售八兩方敷貨本出口土貨在外國價值一鎊原係七兩現亦需八兩因此原故進口商家買進票少出口商家賣出票多此亦大眾之至理進口價漲而貨少出口貨多而價亦多足見進出貨物在外國或賣或買雖仍是一鎊而在中國因匯票之漲落則有七兩八兩之分洋貨因此少到土貨因此多售商家貿易大半進出總要相抵即國家出款亦應以進款相抵方免虧耗之虞此則一定規矩毫無疑義惟以現在中國出款而論既有進口洋貨須兌銀出去又有賠還款項亦須兌銀出去按此兩項出款之數較之出口土貨已多一半中國應見虧象而此時并不拮据究係何故且另有幾國與中國情形亦復相等如何可以講明抵償之項即為有隱物以補不足況以上僅云兩項出款尙不止此即如光緒二十九年洋貨進口實值關平銀兩三百十兆金銀進口實值三十七兆賠還款四十四兆又購辦軍火想有五兆中國在外使館領署出洋學生游歷人員各項用費四兆外國輪船在華所得水脚保險公司淨得保險費以及各洋行所得實利共二十三兆統計出款四百二十三兆所恃以可抵者出口土貨實值關平銀二百四十兆出口金銀三十三兆兩共二百七十三兆以此相衡明明每年已虧一百五十兆倘虧數無多猶可望次年

以補之現在已虧鉅數勢所必然若非察出隱物另有入款何能進出相償但隱物究係何項稅務司查有兩款一外國人在中國猶代中國生利之人一中國人在外國猶代外國生利之人第一款造鐵路開各鑛用費每年約有二十七兆外國在華之使館領署以及駐華洋兵兵商船隻用費每年約有三十九兆傳教醫院學堂用費約有六兆洋人到華游歷用費約有六兆以上共計七十八兆第二款出洋工商人等匯回款項詳細查考一年之中不得少於七十三兆是隱物進款二共已有一百五十兆以外出入款項兩相比較足可對抵惟不能不慮及者鐵路用費現雖作爲進款因材料銀兩均從外國運來但有備總有還是以將來仍算出款若照商辦章程鐵路告成後來所賺之利亦可抵還今日所借之本國家出款前節本云應由貨物歸還照此進款亦從貨物而來譬如某國政府應寄兵費百萬兩不寄現銀仍在外國銀行購買匯票兌來中國既有買進必有賣出所謂賣出者即是裝運洋貨來華如是以觀中國之出款固借重出口土貨以相抵償中國進款亦有由洋貨進口而來總之匯銀到華其利即在進口貨多匯銀出洋其利亦在出口貨多此理易明當可了然於心目

茲將中國出入兩款分別條目開列於後

商務

六十三

乙巳

出款計八條

一 二十九年洋貨從外洋進口照起岸時之價值

計二百十兆兩

一 二十九年由外洋運進金銀之價值

計二十七兆兩

一 借款賠款本利兩項

約計四十四兆兩

一 出洋公使并參領隨員用費

約計一百三十二萬兩

一 派出游歷官員以及學生用費

約計三百萬兩

一 在華洋人實得之利買匯票兌回之項

約計十六兆兩

一 外設公司所收在華水脚以及水火保險各費

約計六百七十五萬兩

一 進口軍械

未會輸入洋貨進口價內之數

約計五百萬兩

以上出款共計關平銀四百二十三兆七萬兩

入款計十二條

一 二十九年土貨出洋照裝船出口時之價值

計二百三十二兆兩

一 二十九年出洋金銀價值

計三十三兆兩

一 土貨運往通商之邊界較關册所載出口之數增多

約計四百萬兩

- 一 建造鐵路開採鑛產等費 約計二十七兆兩
- 一 各國使館領事駐華用費 約計五百萬兩
- 一 外國駐華陸兵用費 約計七百五十萬兩
- 一 外國兵船及水手在華用費 約計十五兆兩
- 一 外國商船及水手在華用費 約計二百萬兩
- 一 洋船在上海及他口修理等費 約計十兆兩
- 一 在華所設外國教堂醫院學堂等費 約計六百萬兩
- 一 洋人到華遊歷等費 約計六百萬兩
- 一 留寓外洋華人匯回款項以及帶回現銀 約計七十三兆兩

以上入款共計關平銀四百二十兆五十萬兩

光緒三十一年二月二十二日三品銜三等第一寶星通商海關造冊處稅務司馬士譯呈

直隸總督袁山東巡撫胡會奏濟南城外商埠先擬開辦章程摺

竊照山東濟南城外商埠附近濰縣周村兩處前經臣世凱會同正任撫臣周馥奏請自開商埠並陳明應辦事宜俟議准後再由臣等酌議章程奏咨開辦等因欽奉 硃批外務部議

奏欽此旋准部咨以濟南城外既爲膠濟津鎮兩鐵路交接之區地勢扼要商貨轉運自屬便利所請自開通商口岸核與成案相符其濰縣周村均爲膠濟鐵路必經之道應一併開通商埠議復照准奉 旨依議欽此欽遵咨行前來伏查濟南等處自開商埠與約開各埠不同且爲陸路通衢亦與江海口岸有別經臣世凱與正任撫臣周馥及臣廷幹先後覆復籌商擬就濟南西關外膠濟鐵路迤南東起十王殿西至北大槐樹南沿長清大道北以鐵路爲限計東西不足五里南北約可二里其地四千餘畝作爲華洋公共通商之埠准有約各國在該處設立照料商務之官員准各國商民任便往來租地設棧與華商一體居住貿易其商埠定界以外所有城廂附近各處仍照內地章程不准洋商租賃房屋開設行棧至商埠界內應設之工程巡警暨審理詞訟等事本係地方應有之責擬均歸濟東泰武臨道就近監督開埠之始首重招徠議將稅關暫緩設立所需各項經費先由華官自行籌備應抽之房舖車輛等捐查看情形照各埠通例依次舉辦現就濟南省城設立商埠總局遵員分別經理臣等公同商酌謹先擬濟南商埠開辦章程九條繕具清單恭呈 御覽至章程內應辦各事仍須酌訂詳細專章俾資遵守其濰縣周村兩處開設分埠擬定參仿濟南章程辦理謹 奏



謹擬濟南城外商埠開辦章程繕具清單恭呈 御覽 計開 一定界查濟南城外商埠  
商埠必須劃定一區以免牽連內地現擬在西關膠濟鐵路迤南東起十王殿西至北大槐  
樹南沿長清大道北以鐵路為限計東西不足五里南北約可二里共地四千餘畝作為華  
洋公共通商之埠准有約各國在該處設立照料商務之官員准各國商民任便往來租地  
設棧與華商一體居住貿易其商埠定界以外所有城廂內外以及附近各處仍照內地章  
程洋商不得租賃房屋開設行棧 二租地商埠界址既定所有界內之地凡官地民地應  
先查勘丈明劃分地段酌定價目等第其民房田畝俟用時由官購買轉租中外商民管業  
以免彼此居奇抑勒之弊一面出示地主租戶不得私相授受凡租戶擬租何地須先照章  
赴工程局掛號庶分先後而杜爭端 章程另詳 三設官商埠既開招徠宜廣中外雜處交  
涉必繁須有專官主持其事擬由濟東泰武臨道就近監督所有商埠應辦之事約分三項  
一為工程局專管築路建廠及一切修造之事一為巡警局專司巡查街道並稽查偷漏等  
事 詳章程 一為發審局專理中外一切詞訟之事應均歸濟東泰武臨道派委員司分別辦  
理惟埠務繁雜擬再派一熟諳交涉大員住局會辦亦可由北洋大臣山東巡撫酌派洋員  
幫同經理 四建造查商埠內築馬路修溝渠建衙署設押所立市場開井泉種樹木均須

商務

六十七

乙巳

次第籌辦房屋先求整潔道路必須坦平擬先將界內地址分別測定陸續籌款分極要次要又次要次第興辦 五稅捐濟南城外爲陸路商埠與各口岸情形不同設立稅關章程俟日後察看情形隨時酌量訂辦所有馬路巡捕路燈洒掃需用各項經費先由華官自行籌備應抽之房舖大小車輛各項之捐查看情形照各埠通例依次抽收屆時華洋各商一體遵照 六經費商埠甫開諸務俱興大宗用款約分二項一開辦經費如購買地畝舉辦工程約略計之爲數甚巨一常年經費商埠辦事人員薪公差巡工食及一切因公雜項均應先行 奏撥專款隨時撥節動支 七禁令商埠界內不准搭蓋草房暨存儲火藥炸藥無故施放大小洋槍非在官弁兵身帶利器及一切與衆人衛生有礙等事違則各照本國律例懲辦惟設有工程須用炸藥等物先須由官核准仍不得久存在埠 八郵電商埠既關信息必須靈通郵政電報電話均是中國主權應一併設立併嚴立限制不得由外人開設 九分埠查濰縣周村兩處已奏明俱作通商分埠一切章程參仿濟南城外商埠辦理以上九條僅具大綱所有章程內應辦各事當分定詳細章程以便遵守此外未盡事宜及應因地制宜之處隨時續議辦理

再山東地當衝要鐵路交錯續務繁興交涉之難幾百倍於往昔茲值濟南暨濰縣周村三

處新開商埠建置一切輒需巨款而本省庫儲奇絀經費無從籌措然事務繁要動關大局又未能因經費難籌遂使耽延貽誤查膠海關洋稅近年收數日增現由稅務司存儲青島德商銀行擬請將歷年徵存稅項除前經正任撫臣周馥奏借十七萬作堵口經費外所餘銀兩先即提撥五成作為山東辦理洋務暨開埠經費嗣後該關每年所徵洋稅除開支本關經費外應由膠海關稅務司將實存銀兩按結提撥五成解交膠州直隸州知州轉解山東洋務商埠總局以濟要需合無籲懇 天恩請 旨敕下外務部轉飭總稅務司遵照辦理謹 奏

署兩江總督周奏金陵關商務漸興亟應勘定租界撥款修築以安遠商而便治理摺竊查金陵設關通商始於光緒二十五年曾經前督臣飭行司道籌議擇於儀鳳門外下關地方量闢租界惟彼時商務尙未大興各國亦未派有領事前來駐紮遂爾因循至今未辦近年商務日闢英美德日各國均已派有駐甯領事甯滬鐵路接通以後貿易必更繁盛而各國洋商以租界未定道路未修多欲在城內購地租屋開設行棧雖屢經照約駁阻然不早爲之所亦令人無所適從且城內非通商之地市肆叢塵諸多不便更恐啓內地雜居之漸於地方治理亦大有關礙臣到任後督同司道親往原定之下關江岸詳加勘度計長五

商務

七十

七月

里餘寬約一里內外其地緊臨江岸輪船便於停泊且秦淮水路相通貨物亦便運送應即查照原議即以此處闢作通商場地無論華洋商民均可在此界內租地造屋開設行棧繫泊船隻又一切均參仿通商各口開埠章程分別辦理惟該處一片荒洲地勢低窪江岸亦微有坍塌目前庫款奇絀雖未能一律造路築岸修整平坦而最要之橋梁溝渠道路則不得不早自籌修蓋此爲地主應盡之義亦爲安便遠商之道將來設立工巡等事皆可籌辦至界內荒地從前賣價極賤近因洋商教士爭買遂至昂貴異常若不速自籌款買留將來華商幾無可立足要路亦不能通暢流弊極多受虧甚大惟以上數端需款太多急切難籌今擇其急應修造之工約略估計亦非十餘萬金不辦查蘇州杭州各處開辦商埠均經奉撥經費十餘萬而金陵則僅經前督臣劉坤一奏明在該關所收洋藥釐金內撥銀四萬兩除以二萬兩交稅務司建造公館外所餘二萬兩因購買房地基修理葺船等項早經用罄自非再行籌撥無從措辦合無仰懇 天恩俯准援案仍在金陵關所征洋藥釐金內撥銀十萬兩備支應用事竣開單核實奏報此外凡可暫從緩辦之工應隨時察看商務情形再行動量推廣以紓財力如蒙 俞允並請 敕下外務部札行總稅務司委派金陵關稅務司幫同關道妥議章程辦法轉告各領事查照俾中外商民俱獲便益以免他日爭競謹

奏

各省商務彙誌

京師 粵商伍君廷標稟請商部在京開設鐵器公司呈驗資本當奉批准立案近已在其處購定地基建造房屋以便開辦

直隸 天津建造總局稟准直督自督轄後直至新火車站馬路兩旁均添蓋洋房以便租與商人因津滬鐵路將通商務必盛近日各國租界經營不遺餘力若不早為抵制將來商業必為租界壟斷而中國商務受虧匪淺故須先築一繁盛市場方能與租界抗衡而所收房租房捐不下數十萬尤足敷設施一切要政之需云

山東 濟南開辦商會早有成議近已組織完備仿照各省訂定章程十二條大致以聯絡商情啓導商智保護商業為宗旨云 北洋煙草公司近擬在煙臺設一分廠已與東阜公司商酌附股事宜並查得棲霞一帶煙葉極佳爰集股二萬元設廠開辦

河南 汴省所用火柴均由津滬運至銷路甚暢近有某君擬於省城開設燻華火柴有限公司共集股本二萬金每股五十兩當稟准商務局開辦

江蘇 江南商務局近奉江督札飭從速舉辦江南商務總會當即遵照先假興業公所開辦並訂定章程呈請立案以昭鄭重 江督以金陵城內時有洋商開設行棧未免有礙華商生意爰照會金陵關稅務司歐理斐君飭在下關另闢通商場以期彼此均有利益其原有沿江駁岸均擬一律修整並推廣馬路五條另自大阪碼頭起接至惠民橋建築馬路一條兩旁起建洋房以便洋商開設行棧擬與市面當由該關籌撥銀十萬兩以充經費云 滬京郵元濟以振興商

商務

卷一

七

務當以收回利權為要著其法非鼓勵華商厚集資本創設中國保險公司不可爰與劉道學商聯合同志籌集資本一百萬兩創設中國合衆水火保險有限公司於上海并設分行於江浙各省會其餘通商口岸亦當逐漸推廣公議章程十二條呈由商部核准開辦又有甯神嚴道信厚等先後集合同志設立華興水火險有限公司亦招股本銀一百萬兩尅期開辦 鎮江關道近奉江督札飭暫弛鎮江米禁惟出口之數仍以二十萬石為率以示限制 鄂令鴻儀稟准商部在鎮江設立大照電燈公司所購電燈機器等件並經稟准南洋大臣用兵輪裝運以節經費近廠屋已成各事就緒一面招徠用戶掛號一面預備興工其租界各馬路亦須設立燈桿已由該公司稟請關道函知英領事及工部局以便丈量地段 日商橫井太郎近在鎮江開設鎮東中東兩行由日本駐甯商務總辦函請關道存案並准照章請領運貨運貨

江西 贛省某太守近與地方紳商議籌股本五百萬元在九江設立恒泰麵粉有限公司業已酌定章程稟請大吏奏准立案開辦 近年贛省各屬紙煙一項銷場甚大農工商礦局近議購機仿造以免利權外溢並開瑞金縣所產煙葉類能合用

浙江 浙省農工商局近仿照各省開辦商會議定勸辦章程四條一明宗旨二立權限三達衆情四集羣力 浙省所產墨魚其味甚佳茲有人以之炮煮調和裝盛鉛罐出售既便攜帶不致敗餒亦奪回外洋利權之一也因已繪就商標圖記具稟商務局立案以杜假冒

福建 閩省北路出產以茶為大宗各茶箱向以擔夫舞弊改歸海運漸見利便特以各縣茶客未能一律辦理尙多弊端之分現擬設立合羣商會由福安甯德壽甯三會館董事公稟省憲准其攬運茶葉向商輪載脚項下抽收經費每年

報効藩庫四千元

湖北 漢口開辦商會早由商部立案然商人不甚踴躍近經商務局孫觀察泰折備發傳單切實勸導各商始開風興起計已舉出董事二人其餘亦將陸續選舉擬暫租民居應用俟新商務局建成即行移設局內云 茶業公所係奉商部設立前有某商慨捐鉅款並公地一區方議建設某商遽卒款遂無著而茶商又有粵幫徽幫之別意見未能合一因是久無成議孫觀察泰折以茶市將開急設法維持以期抵制漏卮免為洋商挾制故已竭力籌辦

廣東 在籍粵紳左宗蕃等以粵東商情渙散利權外溢非舉辦商會團結商情不可爰令各善堂組織商會并設商會公所集會生息以為開辦基礎業由商務局出示曉諭各商一體遵照 黃小宋觀察前在天津創立煙草公司奉直督袁慰帥撥助官款并領有雙龍商標近聞觀察回粵擬在省城先行設立煙草公司分銷局如合銷場再購機製造 粵人釀酒恒以酒葉樹葉研粉作料合米釀成近來承販此葉粉者輒以土泥攪雜所釀酒味不佳省城酒行特公議集資設一酒業公司僱工收羅庶免奸商作偽云 自人壽保險之法行商民交受其益近有胡君馬君等在佛山創一人壽保險公司名曰廣益會社擬受保一萬份為額每份先捐會底銀五員無論男女凡五十五歲以下者均准入會如遇會友身故由公司送壽金五十員另計明該人生前供過多少會銀照數交回若壽永者供至九千份准其停止其供遇會銀每月分兩期交回已定在朝北社何氏祠內代理掛號云云 新甯縣屬新昌墟商市向稱繁盛近聞該墟沿海一帶商市聯設公所一間仿江門商務公所辦法並擬於舉辦商團之外另設一商濟社凡關本墟商務之事一切互相維持力求公益 龍江各商組織商會支部業已成立舉定商董十七人由總商會照會商務局分別照會遵照辦理 茂名梅菴與吳川之黃坡石城之安鋪鼎峙為高州三大市場上通化州信宜電白沙朗水東下達吳川亦坎石城遂溪及

商誌

七十三

乙巳

商務

七十四

七月

雷廉兩府商務向稱繁盛近因商情渙散而土匪又時出搶劫漸不如前各商家特議聯合黃坡安鋪組織商會公舉陳應昌等為商董稟請商務總局立案開辦

僑商自治

長崎八閩會所設商會迄已年餘每遇聚集一次藉以聯絡商情法至善也惟一切尙欠參考近由本領事絳昌加以整頓照商部章程辦理選舉議員十人以投票之法舉定三江董事沈熾昌明久為總理廣建董事潘達初歐陽仁為協理而以蘇道生姚玉山繆玉庭劉任謙倪鶴青蕭幼齋陳秋譜七人為會董書記王景文領事十絳昌周伯濤陳秀峯為特別監督委員 檀香山華人近稟准衙署設立檀山隆都中勝堂以救濟華僑為宗旨凡不能操工覓食者由會中津貼川資俾得返回祖國又如失業賦閒者亦准入會暫住以二週為限若違犯檀山公法當集眾會議得四份之三判將該人革出則從衆議革正會長為余全副會長為李照書記員為均耀正管庫為世軒副管庫為劉金有云

各國商務彙誌

俄國 德俄新訂商約近已由俄皇批准施行

德國 德與各國新訂商約概以十年為期自一千九百零六年正月起到一千九百十五年十二月止現已議定簽押者為瑞士意大利羅馬尼亞奧大利四國并俄羅斯而五惟坎拿大尙未訂定因該政府欲望其母國英吉利代議有益無損之條約數款故尙需時日也 樞密院大臣羅森近派專員前往非洲東北埃及國南阿比辛尼亞國經營商務其兩國新訂商約亦已簽押施行

丹國 近有丹商與日人集合資本在哥卑海給地方設立丹日商務公司一所



美國 美總統羅斯福君近致書於議院令選商務代表人六名派往各國遊歷并察勘各國商情工藝以便推廣美國商務

### 各國賽會彙誌

美國 上海南洋公學會於甲辰年按照全堂建置形式製成木質模型一具送往美國聖路易會場陳列各國觀賽者贈以特別金色獎牌見者莫不稱羨 上海茶磁公司前備上等茶葉赴美賽會經萬國評議官農學博士等會場督辦總辦考驗評論各茶分數均在九十五分以上遂得有各式超等文憑金牌其在會場零售外尚存四萬餘磅已由美國白蘭克公司全數購去並訂立銷茶合約嗣後白蘭克茶公司專充茶磁公司之美國中央各省代理人永遠代銷茶磁公司商標之各種茶葉計其所占地面東以塞盤維亞省為界西至大石山南至墨西哥海灣北至英屬坎拿大共占美國腹地三十五省地方各該省中都府商港均由白蘭克公司兼任茶磁公司代理分局至界外之東方紐約波士頓等城西方太平洋沿岸各商埠均由茶磁公司另設經理處與白蘭克公司無涉並議定立約以後兩公司均應往返函電消息靈通考查報告中美兩國逐日茶市情形務使白蘭克茶公司得以竭力推廣華茶銷路在美國大興茶業云 此次湖北赴美賽會貨物計得有頭等金獎牌一面總督張香帥前巡撫瑞午帥各得頭等勳章一件前江漢關道岑觀察得金勳章一件並聞湖南亦得二等獎牌云 廣東程某少鄉居能織竹器物件巧不可階前曾將所造器物赴法國賽會獲資數千此次復赴聖魯易賽會帶有竹絲織造軟簾及畫圖等器此器歷兩年之久乃克造成悅目適觀人爭購取在會場出沽得值美金二千餘圓 聖路易賽會其關於工藝出品日本各官私學堂得賞牌者如東京美術學堂出品東京高等工業學堂出品女子職業學堂出品各得大賞牌一佐賀縣有田工業學堂出品京都染業學堂出品京都美

圖

七十六

七

術工業學堂出品香川縣工業學堂出品富山縣工業學堂出品石川縣工業學堂出品各得金賞牌一靜岡漆器徒弟學校出品會津漆器徒弟學校出品各得銀賞牌一名古屋商業學校出品得銅賞牌一另有日本昔日紡紗表冊係桐生染業學校教習採集者得賞金牌各國學堂出品雖不少如得大賞牌三箇則古往今來無其匹云

比國 黎業斯賽會會期外務部特電催江督迅飭商務局購備賽品以便匯送會場等因當由商務局詳准江督飭撥官錢局贏餘項下銀一萬兩交局採購精美物品附寄至比並奉手批粗劣貨物萬勿購辦亦毋庸特派專員運送以節糜費云

商 務 印 書 館 出 版 類

農

話

每部一本  
價洋一角

通州陳啓謙述○自海上創辦農報以來報冊已哀然數百快然曾士大夫之農學非農夫之農學也陳君有鑒於此率自丁迄壬之農報度中國所尚行者達以但語命曰農話刪繁就簡提要鉤元意在可以實行也我國中有耕讀之志者盍一觀之

德國工商勃興史

每部一冊  
價洋六角五分

法國伯羅德爾著日本文都省譯本館重譯○德國工商之業至近年而益盛不知幾經培養始能臻此地步是書歷舉其所以致盛之由不外於國家保護學校教育我國近來重視商務提倡工藝凡為學者不可不急取研究也

萬國商業歷史

每部一冊  
價洋六角

英國器賓著日本林會登吉譯本館重譯○交通日便商戰日烈鐵路輪舟往來聯集而由古迄今以及各國互相關繫之道非深加考察無以通曉處此商戰之局固當知其已然尤當審其所以然中國商業之不振亦由遇事無從考察耳爰而譯印是編以資參考

商務印書館出版  
雜書類

各國憲法

每部一册  
價洋五分

日本某某著出洋學生編輯所譯○憲法為近世界立國之原最緊重要惟各國成書卷帙多綜括非易是書旁徵博引事簡義全前凡七章分載憲法之淵源後附國家思想異同之要詳列細目即若掌文學者觀此一斑足駭全豹

各國國民公私權考

每部一册  
價洋五分

日本井上毅原著出洋學生編輯所譯○民權之說蓋觸泰西界限不明流弊甚重是書詳載公私權之界限與其作用而各國之異同古今之沿革無不備列洵我為國今日救時要書也

明治政黨小史

每部一册  
價洋五分

日本東京日日新聞原著出洋學生編輯所譯○國家不患有黨而慮無政黨者其宗旨不同其徑術不同而其愛國之心則一也日本自明治維新改革政體而政黨以立國亦以強我國則戊戌變法以後新舊黨人互相軋轢而國家卒受其禍讀此可以知所返矣

商 務 印 書 館 出 版  
財 政 類

學務大臣 理財學精義

以條達通暢之詞出之東文譯本中可為傑作每部

經濟通論

實理財學中一大著作也每部一冊價洋七角五分

國債論

極是書分性質利害種類三篇詳晰貫綜足為研究財政者之寶筏每部一冊價洋二角

地方自治財政論

如何不重民困又能集資興辦實政是書可為之先導矣每部一冊價洋二角五分

歐洲財政史

歲出歲入之類別並財力及負債之比較均有圖表

英國度支考

載詳備足資取法後列各表尤便比較每部一冊價洋四角

日本田尻稻次郎著吳縣王季點譯○是書詳論富國富民之道凡分四章一總論二生殖三分布四消費細目二百有奇可謂至繁極博而作者能

冊價洋四角

日本持地六三郎著本館譯○我云財政日本云經濟實同一義是書先論經濟學之綱要沿革次論生殖次論交易次論分配終論消費體用兼備

日本土子金四郎著吳縣王季點譯○我國疲於外債而論者遂多持國債之議然使不明其性質不究其利害而貿貿然為之必蹈昭信股票之覆

日本石塚剛毅著友古齋主人譯○凡辦一事理財為先財政不善百事皆廢嗣後學堂警察諸政必將以地方之財治地方之事方今民窮才竭必

日本小林丑三郎著休爾胡宗瀛譯○歐洲各國今日繁富至此實有由來是書循流溯源自古世中世以及近世各國財政因革無不備載其最近

覽了然每部一冊價洋二角

英國司可得開勒著金匯華龍譯○我國財政積亂已極非創立歲入之豫算不能有濟英為至富之國管理財政條理精密實不可及是書記

商 務 印 書 館 出 版 類

中 國 現 勢 論

每部一本  
價洋六角

近來列強經營中國之急如泉始達如火始然故齊魯東向調查中國之內情考察列國之邦交不遺餘力是書爲法人所著由日本之中國調查會譯爲日文其書係最近之作而頗詳該其所論與英日各國見地各異亦足以窺彼邦之輿論也譯以嚮我國士夫庶于列強對待我國之情形可略窺其梗概矣

籌 華 芻 言

每部一本  
價洋三角

美國李佳白著○美儒李佳白先生學問淵邃寓華日久諳悉華事時時以振興中國推廣教育爲懷近在滬上創設尚賢堂定期演說每次講義均登報章及門之士以爲未屢乘意請將生平著作公諸同好先生乃首輯此編名曰籌華芻言呂鏡宇尙書評爲持論中肯誠不誣也

## 宗教

論提倡佛教 錄乙巳五月初八日新聞報

亞教以勸人爲善爲宗旨。足以補政刑所不及。故列國有奉爲國教者。其來中國。乘各教之衰。而又以學堂善舉等。開中國各教從來未有之局面。其盛行宜也。特其教規。有與中國人習慣之風俗。先入之迷信。奉行之禮法。截然相反者。故其推行。尙未能至廣。否則必將胥國而奉亞教矣。夫使亞教之來。不挾國權以俱來。則雖胥國之人而奉亞教。亦於人有益於國無損。所以數十年來。痛心疾首於亞教而橫肇仇教之禍者。爲其挾國權以俱來。至以教務之交涉。惹起國際之交涉。甚至以教務以外之交涉。牽入教務。而惹起國際之交涉也。通達之教士。亦知教務與國際。當判爲二途。故本耶穌愛人之意。不欲以國權相壓。然而尙有多數教士。藉國權以行教。而奉爲國教之國。亦以保護自任。常有利用其國權者。此所以熱誠之士。於保國保種之外。又有保教之說。蓋卽陰爲抵制之意也。保教說者。保孔教也。與佛教無異。今佛教之創言設學者。固亦此說之濫觴歟。然吾觀浙江三十六寺僧之所爲。實爲保利而非爲保教。當各處士紳議改寺院爲學堂之時。三十六寺僧。依附日僧。欲藉日本之國

權以保衆姓所捐之寺產。設布教場。議僧學堂。舉浙省官紳之全力以與之抗。幾不能勝。及保護寺產之。上諭降。而三十六寺僧。悉就範圍。布教場可以不復設矣。僧學堂可以不議開矣。利既可保。教可不論。紳僧互訂條約。日見初五而浙僧引日本國權之風潮息矣。浙省之風潮既息。而京師又有僧人覺先。具稟學務處。請設佛教學務公所。亦日見初五保利乎。保教乎。利用日本之國權乎。不利用日本之國權乎。吾雖未可必。然而以感化言。亞教有進取之旨。佛教有寂滅之旨。故亞教之行於中國。可爲對病發藥。而佛教之盛行。則可使中國人心志愈灰。興會愈淡。即痼疾愈深。故佛教既衰。吾大不必再爲之鼓動。以抵制言。佛教而不藉他國之國權。猶可說也。佛教而藉他國之國權。則其爲禍必烈於亞教。亞教之中。有與中國人習慣之風俗。先入之迷信。奉行之禮法。不同者。故雖得國權之助。尙未能胥國之人而奉之。佛教之別宗。則與中國人之風俗。迷信禮法。一一吻合。若再有強國之國權。以相助。必致胥國之人而奉之。而他國之國權。亦卽隨所在而驅策我。挾制我。我尙何國。故其爲禍必較亞教爲烈也。願提倡佛教者。三復斯言。

論佛教國同盟 錄乙巳第十三期外交報

靜觀萬物之理。凡有多數之物。彼此相爭。久之必漸併而爲二大派。相與對待而立。此二派



者其對待而立之日。或至甚久。未可知也。若其不然。中有一派。竟自僵仆。而讓一派獨立。無對。以占此世界。則此一派中。又必自行分析。而成二派。如此演之。遞嬗無窮。永無一派獨立。無對之日。此觀萬物。莫不然矣。而人事尤甚。夫世界之初。人嘗與動物爭矣。未幾而人獨存。於是人又與人相爭。劣者先亡。優者繼進。終無一種一教。可以自稱無敵者。此殆造物至玄。妙不可思議之公例。非物類所能達。所以宗教家推理想之極致。必分之為二元。佛教立佛。說與波旬說為對待。耶教回教立天帝與魔鬼為對待。孔教立一陰一陽為對待。格致家窮。實驗之。匯歸亦必分正電與負電為對待。過此以往。即非理想言詮。所能證解矣。由是觀之。則萬有之源。必非有二而萬化之用。必不備一也。而天演之理。遂行乎其中矣。

試舉近來之人事觀之。黃色人立政教於東方。白色人立政教於西方。其開化之時。均在萬

年以上。伏臘神農與埃進步之時。又均在二千年以上。三千年以下。春秋戰國九流並起與

諸賢之生大約均在四五百年之內其種族之年齒。彼此正等。而一處東海一處西海左右。大瀛中梗沙磧。無

由相見。固各以其所行之政教為至善。而不可易也。而彼此四鄰之小族。其文化又未足與

之頡頏。其政教益無由見比較之驗。即使其間偶有小小之交通。而無切己之利害。則莫不

以殊族異政。資為談劇。無人為之剖毫析芒。揣度勝負也。惟一日因用器物質之發明。得去

宗教

四十二

乙巳

交通之阻礙而萬里如在戶庭。於是相刃相刺之切而有不兩立之勢。則東西政教之優劣其分別將不以空言而以實事矣。

由人種之競爭。其黑種紅種櫻色種。先後淪亡。漸併而為黃白二大種。即由文化之競爭。其間無數之別教。如祆教、婆羅門教、回教、猶太教、中國之天師教以及各部族之土教、其教雖不同、而皆不能統攝世界之勢。先後淪亡。漸併而為釋迦耶穌二大教。中國儒教僅存於政治、上見之於國、先是白人與耶教已駸駸有統一宇內之勢。實亦幾公認而不疑。然究其實而論之、西方之進化、指歐洲政治、改良以來、不過較東方先二百年耳。人類之存亡為世界莫大之事。其因果皆積數百萬年而後定。以數百萬年之事而繫之二百年。猶且暮也。固不能即為勝敗之據矣。故及日俄之戰而黃白種之問題於是又騰佈於世界。

佛教國同盟之說亦萌芽於此時之政治家。其意見本報頗已譯登。譯為論東亞古爾佛七期譯報第一類。此說雖不過一時理想。將來或竟光大。或即消滅。均不可知。然亦有所對待而起。即循上文所言之公例。非漫然無根據者。當甲午中日交戰時。德皇曾親繪一圖。以贈俄皇。圖中畫一大水。水之東有一佛像。合掌乘龍。豪光四徹。西向渡海而至。水之西有陸地。地上立有天神。手持火劍。此耶穌教上帝之使者。西顧叱咤。若指揮其同類以迎敵者。

其後列類天神者六七十人。各持劍盾而立。空中則懸一大十字架。此畫之意。純用寓言。佛像表泰東佛教各國。天神持劍。德皇自喻。其後之六七十人。表歐美各國。十字架表耶穌。其意以爲日既勝中。則各佛教國皆將興起。積漸將侵入歐洲。以白人所以加諸黃人者。還以加諸白人。此其端。惟已先見之。故願率西方耶教諸國。及其未至而共拒之也。此圖成之十年以前。西人未之奇也。及日人再勝俄人。則此圖之意。已有端倪。而黃禍之說。乃大佈於歐美。是不啻隱懸一耶教同盟之意。以示東方。而東方亦遂有佛教國同盟之說。至於所謂佛教國者。中國日本印度蒙古暹羅韓國皆是也。此問題之大。實爲世界至鉅之事。其成敗利鈍。本報自維所具之學識。與所立之地位。皆不足以論定之。毋甯付之蓋缺。惟此等至大無比之風潮。已徧傳於天下。而我國內地諸人。多有不知其事者。是以本報不敢不舉其事之源委。以告我國人。使知今日固有如是之問題云爾。

各省教務彙誌

京師 僧人覺先曾遊日本。徧覽彼國佛教徒所設各種學校。回華後。因至京師具稟學務處。請設中國佛教學務公所。并集款開辦學校及工藝院等事。當奉學務處批示。略云。該僧覺先。知我國佛教之衰。皆由僧人無學。洵爲知本之論。該

僧等擬於京師設立中國佛教總公所推諸各省由各寺住持公選有德僧人與辦學校事務志願宏大殊堪嘉許據擬簡章各條於設立學校之外並設立貧民工藝院如從此著力尤能造福地方立見寔效惟辦事必臻妥善周密方能逐漸推行應將詳細章程妥擬呈閱所有選派監督一節俟辦有端緒再行稟候酌奪云云

直隸 定州民教因爭奪物產互相鬪毆平民擊斃者四五人傷者數人平民即焚燒教民房屋以洩其憤

奉天 懷德縣教士被戕一案自經議定賠償新約即由駐華德使批准照請外務部銷案

山東 招遠某教民與某鄉民口角與訟因衙役需索遂糾聯同黨二百餘人與之相鬪並以挾嫌鬪教各等情稟該會牧師海亞西司提反等該牧師遂到縣協議

河南 鹿邑縣天主堂兩華教士忽被人殺斃該縣知縣訪悉兇手即係該堂教民欲將該教民等一一提究而該洋教士堅不允認仍請縣尊另行緝捕現豫撫已委朱大令立峰前往查辦 武安縣民教不和相聚鬪毆民人死者一名人心大為震動

江西 廣信府河口鎮耶穌教堂購就三堡十八坪屋基數處建造新堂規模大加擴充云 甲辰冬安遠縣天主堂教婦杜氏被耶穌教民會某唆使同族棍徒搶劫一案經天主堂神甫互請究辦案懸半載未結近調署該縣錢大令志銘統商兩教秉公訊斷並會同紳士調處認賠議結兩造允服銷案 萬載縣天主耶穌兩教民滋事焚燬引綿莊屋傷及二十餘人已斃數命事為大吏所聞適該縣張大令在省飭令趕緊回縣辦理教案

浙江 杭州各寺前因有創設僧學堂之議現經杭紳樊恭煦等公同商酌立約五條如下一前議僧捐學堂經費概作罷論惟寺院房屋財產其大者仰邀 勅賜其次則出自募施要而言之皆公家物也既已予之不復收之則可若諸僧

視爲己有擅歸他人則必不可一讓開僧學堂紳意在開通智識意在抵制捐款今既不捐則僧學堂亦無庸開辦有名無實徒滋流弊一各處議辦僧捐方與未艾吾杭此舉不可謂非加意體恤願諸僧謹遵法戒恪守清規庶幾上報國恩下對檀越我等宜照常禮貌相待決無違言否則放棄權利遠礙公理地方有官有紳自不能置之不問一地方公事有需用寺院房屋者除從前因案查封入官外或租或借仍由紳士公同妥議稟官辦理務取公平免生枝節一呈請撫院出示保護各僧寺產諸紳亦均表同情一各寺住持蒙衆紳立約保護公議停辦僧學堂亦邀同諸山計三十六寺立約五條如下一前議僧捐學堂經費概作罷論惟寺院房屋財產大者仰邀勅賜次則出自募施要而言之皆公家物也僧等既受諸公家不得不視如己物斷不願持贈他人致招物議一前議開僧學堂原爲開通智識起見特恐有名無實徒滋流弊今僧等公議決意不辦一各處議辦僧捐方與未艾吾杭各寺院蒙衆紳公議一律免捐實已體恤周舉僧等自當謹遵法戒恪守清規以期上報國恩下對檀越何敢放棄權利有違公理一地方公事需用寺院房屋者除從前因案查封入官外或租或借由衆紳公同妥議稟官辦理必能俯順輿情保全僧衆一衆紳呈請撫憲出示保護各僧寺產僧等自當仰體盛心倍加敬戒餘杭縣東北鄉浮里莊子午里地方有美教士蓋懷德在彼傳教三月初八日夜間正當衆衆宜講即有匪徒潛匿堂內夜半啓門引外匪入隨有二十餘人一擁登樓蓋教士猝難抵禦致傷頭額及左手等處餘人亦受微傷不敢抗拒任令携贓而逸餘杭縣方大令風聞後即會同營汛前往勘驗並懸重賞購線緝拿旋即人贓並獲按律擬罪蓋教士傷勢亦漸平復遂由美領事與浙撫議結償銀七百二十五圓了結一面仍將未獲之匪務獲懲辦云歸安縣尊經閣等處地基與教堂交涉一案現經浙撫派紳委員議結收回原地所有應付地價填土築牆等費及捐助教堂善舉各規元一千兩已由銅元局照數籌給慈谿教民強租大慈庵致起糾葛經高教士親自到

庵查悉確有借端敲詐情事立即囑令吳教民歸還嗣復因南鄉就近紳士往商萬教士面允於兩禮拜內令吳教民等退出將該庵歸還甯海縣教案所有未了各事件業經議完結已革甯海縣知縣蕭慶增永遠不准服官浙省與已革提標中軍周友勝一併開釋紹興大善寺餘地被天主教民向住持勒租當由各紳士羣起譁阻復經都中同鄉官助之力爭而駐京主教亦曾致電到堂飭勿強租方始允退所立租票亦由會司鐸送縣塗銷備案作廢

福建 廈門三十六崎頂東光教社爲日本布教師武田惠教氏所創開會時與者百餘人其願爲門徒而聽教者復源源而來武田氏乃擇每月十五日聚徒演說一切條款兼閩督崇將軍電達外務部謂福州某縣教士出入呵殿排列儀仗舉止有類瘋狂致民衆不服屢次譁噪釀事端請照會法使迫令歸國云

湖北 監利縣屬白螺磯有顧姓弟兄因爭產涉訟兄投入天主教弟投入聖公會兩不相下各聚同教數百人在螺山械鬪聖公會被重傷者兩人當道得電後即飭沙防營錢管帶前往排解復經該處紳耆出爲調和幸未釀成巨禍英教士揚格非在漢口沈家廟上首正街新設福音教堂一所已由英總領事照會江漢關道嚴觀察飭地方官保護一雲麥孝感兩縣毗連之地名劉家店又名會家店向有天主教堂一所該處民人頗與之不協遂私籌的款由紳耆來漢請聖公會前往該處設堂傳教期相抵制該會吳主教誠恐民人挾有嫌隙藉此與官民爲難遂派會長余某及教士許某前往該處密查明確旋即回漢請由主教派人前往佈置

湖南 衡郡總教堂彭牧師致函岳陽縣略稱敝會在貴治設立教堂一所近查該市入教之人頗有不守教規在外藉故爲非實屬可恥業與孫老牧師相商即將該市教堂暫行封閉茲將招牌取去嗣後該市人若指本堂奉教名色即係冒充概不與本堂干涉云云該縣令即將原函稟呈湘撫端帥旋奉批謂據稟彭總教士因該縣教民不守教規在外

藉故爲非遂深以爲恥即將教堂封閉並聲明該市人若指奉教名色卽係冒充等語具見彭總教士執理不阿極爲難得應卽如稟立案仍由該縣將本部院深相嘉與之意函達彭總教士知之仰洋務局迅飭遵照云云

四川 甯遠痞匪苟吉三案積如山又與耶穌教民某有隙遂投入天主教勾結匪黨與耶教尋仇某日搶劫素與有隙之某耶教民家並姦其婦焚其屋而去耶教中人亦招集匪徒與之決鬪苟勢不勝強迫平民入教附已不聽者殺之爾教糾聚人衆酣戰半月地方官及教主均不能彈壓川督錫清帥聞報卽照會法主教領事請勿再派人前赴該處領事照覆謂教士游歷不能禁止云

廣東 日本佛教自傳入粵省後入其教者頗多嗣復分設一本願寺於大東門外於三月初旬在該寺再舉行進堂禮演說該教一切宗旨辦理隨後又頒發戒律證書俾各教徒共相遵守

雲南 滇督丁循帥電告政府永北麗江各處土番仇教倡亂現已派兵往剿

宗  
教



五  
十

七  
月



商 務 印 書 館 出 版  
小 說 類

# 繡 像 小 說

預 定 第 二 十 五 冊 至 第 四 十 八 冊 全 年 四 元

歐美化民多由小說博桑繡起推波助瀾其從事於此者本皆名公鉅卿魁儒碩彥察天下之大勢洞人類之曠理潛推往古預揣將來然後抒一己之見著而為書以醒齊民之耳目或對人羣之積弊而下砭或為國家之危險而立鑑揆其用意無一非裨國利民中國建國最古作者如林然非怪謬荒誕之言即記穢褻邪淫之舉求其裨國利民者幾幾乎百不獲一夫卒樂忘倦人情皆同說詞唱歌感化尤易本館有鑒於此於是鳩合同志首創此編遠撫泰西之良規近絕海東之餘韻或手著或譯本隨時甄錄月出兩期藉思開化夫下愚遠計貽譏於大雅嗚呼庚子一役近事可稽愛國君子倘或引為同調暢此宗風則請以茲編為之嚆矢著者雖為執筆亦祈慕焉

## 各種編譯目錄

- 文明小史
- 活地獄
- 醒世維新論
- 泰西歷史讀本
- 東語讀本英荷日語
- 絕新夢傳奇
- 經國美談新說
- 益智問答
- 時調鳴歌
- 鄰女語
- 貞婦問談
- 老殘游記
- 癡人說夢記
- 月珠壇民間小說
- 以上編譯
- 汗漫游(譯英文本)
- 天方夜談(譯英文本)
- 同頭看(譯英文本)
- 珊瑚美人(譯英文本)
- 賣國奴(譯英文本)
- 以上編譯

商 務 印 書 館 出 版

大字銅板康熙字典

每部洋三元

大字御批通鑑輯覽

每部洋五元

袁丁凡  
王鳳洲  
綱鑑合編

每部洋一元五角

大字正續古文辭類纂

每部洋一元五角

歷代名臣言行錄

每部洋八角

史鑑節要便讀

每部洋二角五分

嚴侯官天演論

每部洋二角

阿黎既彌留。謂海森曰。人貴自敕。當善守吾言。今以五誠語汝。一曰母濫交。擇友所以益身。二曰母盛氣陵人。汝以是施。人必以是報。與人接。當謙若不及者。三曰母多言。語曰寡言免禍。又曰寡言者。身之盾也。多言敗行。如暴雨之毀禾稼。四曰母縱酒。沈酗櫻禍。實致惡之首。五曰母聚斂。汝雖貧。用之得當。人必助汝。脫不當。巨貲坐擁。無益於公。徒以守財虜見憎於衆口耳。言竟而絕。海森天性至孝。哀毀甚。居喪至三月不出。蓋向例固止一月者。蘇丹以其違例。意不憚。別簡人襲其職。且欲拘海森。籍其家。維齊新任事。承旨往捕。海森有舊僕。聞之。急奔白海森。趣速行。海森大驚。擬入室治裝。僕曰。拘者行在門矣。稍遲禍及。海森乃倉皇蒙面遁。出郭。至阿黎墓。墓形若圓閣。中寬廓。可居人。海森擬留焉。旋有素論之。猶太富商。業銀行。名以撒者。歸經阿黎墓。見海森。驚詢之曰。日云暮矣。公胡來此。且若有不豫色。然得母有意外事乎。海森曰。然。吾夢先人責予。懼而來禱。以撒曰。阿黎君先曾有貨舟數艘。藏海港。此固君物也。君倘欲售。余當出一千西哀司爲定值。海森正苦無資。喜諾之。以撒即探囊付如數。海森爲署收券。以撒袖而去。海森以遭先妄之禍。倉卒出走。悲不自勝。乃伏墓大哭。俄憊甚。假寐石上。酣然入夢矣。

墓既宏敞。人跡罕至。遂爲魔宅。見海森美之。謂天仙化身不啻也。旋遇一仙爲素論者。即謂

之曰。頃一美少年來。姿曠世無匹。君見必心傾。盍往觀。遂相與入墓。魔詰以世有映麗若此少年者乎。仙亦大讚嘆。既而曰。予在開羅見一女。足與競美。是女爲埃及維齊斯幾西亭穆罕默德女。年及笄。蘇丹聞其美。欲立爲后。言於維齊。維齊遽對曰。臣弟阿黎曾承乏維齊。以與臣口角遠遁。近訪得弟已在柏索拉病歿。遺一子。先與臣女有結婚之約。萬死不敢背。蘇丹大怒。立命斯幾西亭嫁女於國人以辱之。國人貌醜惡。今婚書已立。國人且在浴室矣。魔執前說。謂必無人足與少年競美者。仙曰。余不暇與辨。當共往開羅觀耳。吾思蘇丹辱大臣女。無禮。盍以此少年易之。則兩美具矣。於以慰維齊悲。解少女愁。敗蘇丹計。一舉三得。請相與施術。曰。善。瞬息間。海森已至開羅。

海森寤。四顧。則身已在市。大驚。魔拍其肩。予以炬。曰。無多言。其速進。見巨室有吉事。環觀者至衆。汝雜衆隨墻入。墻貌惡。不難辨。既入。取汝囊中西袞司分畀樂師輩。萬勿吝。致僨大事。再進。見新婦。則又以西袞司畀諸侍女焉。用余言。當有奇遇。慎毋蔥縮。

海森從之。趨浴室。燃炬雜衆中。以環墻者均執火炬也。須臾。墻乘馬出。海森隨之行。復取西袞司予樂師。衆利其贈。皆悅之。

至斯幾西亭宅。門者阻海森。而樂師爲先容。納焉。乃熄炬引之入。至廳事。見墻坐新婦側。貌

果奇醜而新婦姿絕世。飾翠羽。絡明珠。華妝靚飾。而面有怏怏色。左右皆貴家婦。盛服持燭敷坐。見海森入。注視相耳語曰。必若是人。乃足偶新婦耳。並語侵蘇丹。至是衆視線皆集於海森。而圍人若疣贅矣。

須臾樂奏。新婦起更衣。待婢以其衣飾示海森。海森復取西袞司。遍賄之。并及樂工。衆大悅。咸願奉海森。益醜圍人。不復顧。凡七更衣。衆散。侍婢擁新婦入密室卸粧。而海森猶裴回未去。圍人見而大恚曰。汝何人。乃敢闖入。其亟去。海森逡巡欲出。魔止之曰。勿出。可入告新婦曰。蘇丹實命吾爲汝夫婿。汝姣。婦必樂從。予當以術阻圍人也。

時魔幻爲貓。色黝異。呼聲聒人耳。圍人鼓掌逐之。而貓軀漸膨大。瞬息若牛。目灼灼有光。聲亦加厲。圍人大怖。仆地。囁嚅曰。仙何故相迫。魔曰。咄。汝竟敢妻維齊女耶。圍人曰。僕實不知女爲仙所眷。不然。斷不敢近禁。幸恕之。惟命是聽。魔曰。居此。勿聲。若日出前離此地。立碎汝首。圍人噉應之。魔又顛倒圍人首趾。懸諸庭。禁不令動。時海森從魔言。入新婦室。適婦在他所。坐待之。未幾。一侍者隨婦至。及戶。侍者退。新婦見海森。詫問曰。君其余夫之友耶。海森曰。蘇丹實簡予爲汝夫。而戲以圍人代之耳。請勿爲所愚。新婦聞之喜。笑鬻融融然。益增斌媚。謂海森曰。予初謂遇人不淑。將終身無啓顏日矣。不圖遇君子。請矢永好。乃解衣就寢。海

森亦弛外服。置巾囊諸物於椅。方二人酣臥時。仙魔相議曰。事已諧矣。日將出。不可使久居。乃以術運海森至大馬色城。置之衢間。倉卒間竟遺其巾囊焉。

既至大馬色。日出。城關啓。行人若織。海森猶酣寐。衆見其僅衷袒服。大恠。有謂其逋逃者。有謂其中酒者。相與藉藉。忽微風吹海森衣。露膚色如雪。衆益喧笑。海森亦驚覺。問此何所。答以大馬色城。海森曰。公等戲言耶。予昨夕在開羅。今胡至此。衆爲軒渠。乃目爲病狂。

有一老人語海森曰。君神經殆失。何所言猶恍也。海森曰。吾昨日在柏索拉。比晚就婚於開羅。今又至是。余亦不自知何故。衆益笑。海森旋入郭。踵之者輒鳴掌呼風漢。騰謔滿衢路。左右居皆闕隔以觀。海森惡之。適經一餅師肆。乃入避。

先是餅師嘗爲盜魁。大馬色人多側目。見海森入。衆悉散去。餅師詰海森。具述之。餅師奇其事。有頃曰。子來亦大佳。吾無子。君能父余否。海森初怒其唐突。繼思孤寄於此。拒恐得禍。不得已姑允。餅師大喜。爲置新衣一襲。詣行政官所。以認海森爲子告。自是海森遂於大馬色城操餅師業。

斯幾西亭女既寤。不見海森。意其恐擾己清夢故。潛起去耳。不以寘念。俄維齊至視女。見忻然有喜色。大怒。責其無恥。女曰。父勿怒。宵來同榻者。乃一翩翩美少年。吾蘇丹特以國人爲

戲耳。斯幾西亭大惑不解。女仍力辯。且言婿不久即歸也。

斯幾西亭聞言。即出覓不得。惟圍人倒懸庭中。駭問故。圍人曰。嘻。維齊。汝竟以不可近之女。偶余耶。余受虐極矣。而今而後。吾不復爲君壻。斯幾西亭復不解。所謂釋縛趣之去。圍人備道昨夕事。且謂日不出。不敢離。恐余首不保。斯幾西亭力斥之。圍人鼠竄去。述諸蘇丹。亦大駭異。

女遲少年不至。方惶急。而斯幾西亭入。詰女曰。汝知此少年爲誰氏。女不能對。斯幾西亭頗怏怏。女曰。尙有衣巾遺此。斯幾西亭取而諦觀之。曰。此維齊之服也。見巾中有書一。亟讀之。則阿黎手筆也。心大痛。並見囊貯西寰司殆滿。及猶太商購貨交易券。既竟。謂女曰。此少年非他。乃汝亡叔阿黎子海森也。此西寰司想彼所以具聘者。以吻親阿黎手蹟不置。悲甚而厥。久之始蘇。於是斯幾西亭備知阿黎抵柏索拉後情狀。其婚娶日。生子日。均與己同。乃備述於蘇丹。并呈阿黎手書及交易券。蘇丹遂賞不問。斯幾西亭既歸。急欲見海森。至七日仍杳。復命訪諸開羅。皆無所得。乃筆其本末。并詳青廬之陳設。以此書與海森所遺巾囊。閉之一室。未幾。其女有身。九月舉一男。斯幾西亭名之曰愛結柏。愛結柏七齡。即出就傳讀。師素負大名。從遊者多。而家望均下。愛結柏驕甚。輒氣陵同學。同學嫌之。訴諸師。師陰

令衆相約爲戲。各言父母及己名。不如約者斥。於是愛結柏曰。吾名愛結柏。父名斯幾西亭。穆罕默德。母名美后。衆曰否。斯幾西亭。乃汝外大父也。胡云父。愛結柏力辨。衆譁笑之。愛結柏怒而啼。師正告之曰。斯幾西亭。實汝外大父。汝父乃魔耳。因爲述圍人事。並誠以自後宜自謙下。毋侮人以取辱。蓋欲藉此以折其氣也。

愛結柏既媿且憤。大哭而歸。趨見母。母見其涕流被面。亟詰之。愛結柏哽咽不自勝。久之。述學侶相戲語。且曰。兒父究爲誰。曰。斯幾西亭。愛結柏曰。非也。乃予外大父耳。請明示予父名。母不覺悽然以泣。斯幾西亭聞而詢其故。備述愛結柏語。相對沈瀾。於是斯幾西亭謁蘇丹。乞假往柏索拉。踪跡海森。允其請。斯幾西亭卽歸治裝。偕女及愛結柏首途。十九日而抵大馬色。其地景物。頗足流覽。擬少勾留。於河濱支帳焉。衆人素耳大馬色名。咸欲一攬其勝。美后亦命奴隨愛結柏出游。

愛結柏盛服出。黑奴手杖以從。入市。愛結柏美丰姿。面若朝霞之豔。途之人環而觀。皆嘖嘖稱道。旋經海森餅肆。觀者愈衆。遂爲之塞。愛結柏不得已。止肆外。海森聞聲。亦出視。時海森假父已死。承其產。所製餅出大馬色諸家上。故其貿易頗盛。

海森見愛結柏。怦然心動。欲延之入。奴不允。固請。乃入。海森出佳餅以饗。愛結柏極口贊美。



海森曰。此製出吾母。吾母製餅。人無駕其上。食時。海森詳察愛結柏舉動。酷類己。陰念豈美后所產耶。方欲再詰其自來。而奴趣之行。不得已閉肆從之。

奴見海森踵至。怪之。問其故。海森曰。予別有事耳。奴疑甚。深悔使愛結柏入肆食。致招其來。蹀蹀然怒以目。愛結柏解之曰。同道行。何礙。未幾抵斯幾西亭居所。愛結柏見海森注視己。徬徨不去。亦滋詫。且恐斯幾西亭見而致詰也。乃拾石擲海森。中額。血如注。海森狼狽歸。自悔孟浪。致爲所辱。治創。操業如故。愛結柏及其奴既見斯幾西亭。迄未道入肆事也。

斯幾西亭留大馬色三日。乃遍游愛毛斯。哈馬斯。愛里卑。復渡幼發拉的河。至米索波太米。馬亭。穆索耳。散者拉。洛昆。叩諸地。最後至柏索拉。謁蘇丹。問阿黎子海森所在。蘇丹謂自阿黎死。閱二月。海森即逸去。其母爲故維齊女。今尙在。告以居所。斯幾西亭偕女及愛結柏往訪之。既至。則居頗壯麗。以雲石爲柱。門楣金書阿黎名。斯幾西亭使從者入報。則謂主方哭於複室。先是海森久不歸。疑其死。日必哭。斯幾西亭既入。乃備述本末。阿黎妻大喜。見愛結柏。則謂頗似其父。斯幾西亭欲同赴埃及。阿黎妻允之。別蘇丹。蘇丹且致饋於埃及。蘇丹儀甚盛。斯幾西亭行經大馬色。購所產物。愛結柏與黑奴欲一探餅師消息。相與入市。抵其肆。見前石中額者仍操業。愛結柏謂之曰。與君有一面。尙憶否。海森見之。心大動。急延入。且謝。

前冒昧。謂已亦不解何故相隨。或情不能自止耳。愛結柏奇其言。要之曰。予行。君能不踵至。則翌日當復來。海森許諾。仍出餅以食。愛結柏邀之入坐。海森欲起持之。愛結柏不許。且謂其用情若太過者。海森乃作歌以道愛結柏之美。食畢。海森復以玫瑰和雪進。愛結柏舉立盡。謝海森。匆匆歸。須臾夕食。阿黎妻命愛結柏旁坐。食以餅。且曰。若味之。此予手製。愛結柏已飽食。不能進。稍就吻。卽置諸槃。阿黎妻大詫。曰。兒何簡食。余製餅。味獨絕。汝父外。無能及者。然亦由予授耳。愛結柏曰。兒曩食於市者。實有過無不及也。

阿黎妻聞之。怒。盛氣責黑奴。不應。挈愛結柏入市食。奴不服。謂僅與餅師談。實未嘗食。而愛結柏固言食之。阿黎妻益怒。趨告斯幾西亭。斯幾西亭亦怒斥之曰。謂汝可託。乃譎謬若是。主已承。汝尙狡賴耶。命衆僕縛撈之。奴不勝痛。始對如愛結柏言。並言頃所食者。實遠勝於此。

阿黎妻終未之信。意世間安有製餅勝我者。立命奴購至。食之一痛幾絕。斯幾西亭急問故。阿黎妻曰。作此餅者。必吾子也。

斯幾西亭問安從知之。阿黎妻曰。予之製餅。法至祕。吾兒外。無知者。今餅味類吾手製。以是知兒尙在也。斯幾西亭曰。姑勿宣。使餅師來。果爲海森也。與之赴開羅。而後告其故。阿黎妻

亦然之。

於是斯幾西亭。命僕率五十人。往毀海森肆。且囑之曰。若餅師叩毀肆之故。則詢以。是否製餅者。是。卽縛之來。惟慎毋少傷損。於是衆擁入海森肆。恣意毀踐。海森大驚怖。問所以毀肆者。衆曰。製餅者爲誰。海森卽自承。且謂所製實爲他肆冠。何罪而侵余。衆不答。裂衣拳其手。曳之出。觀者咸不平。羣騰紛擾。幾欲釀禍。幸總督所部兵至。始解散。先是斯幾西亭往謁督。告以捕海森事。請兵彈壓。大馬色督雖統轄敘利亞。亦隸埃及蘇丹。故從斯幾西亭請也。海森既至。柯黎妻自帳後窺。見果爲海森。欲出持之。而格於斯幾西亭約。不敢出。海森謂斯幾西亭曰。僕何罪而遭逮。曰。汝製餅劣。必殺汝。海森曰。噫。餅劣。乃罪至於死。雖苛暴之政。不出此。斯幾西亭瞋目曰。母刺刺。予不能恕汝。命卽啓行。置海森於木籠中。載以駝。日飼之。不令與母妻見。行二十日。抵開羅。駐城外。斯幾西亭命昇海森至。復召木工謂之曰。速造木椿若干。海森詰何所用。則曰。以之釘汝。肆諸市。爲製劣餅者儆。焉有作餅而遺椒粉者。海森搏膺呼冤不置。自思餅遺椒粉細事耳。而家毀身囚。尙不足。必欲殺以爲快。誠亙古未聞之奇冤。不圖於奉回教講法律之國身受之。大哭不止。須臾。木工以鐵釘木椿進。海森益大痛。自謂以細故受慘死。何孽而至此。

時薄暮。斯幾西亭命進海森於籠。俟翌日行刑。己以駝載海森先驅抵家。以籠置別室。命女來。謂之曰。汝尙憶結婚夜。諸室陳設否。倫已忘。則檢視予書所載。必使一一設如前。且以所遺巾囊置諸椅。女諾之。斯幾西亭復謂美后曰。汝其解衣假寐。海森入。若與汝言別緒。則亂以他語。佯作初寤狀。趣其寢。明日可偕來見汝姑。言竟出。美后卽弛服臥。斯幾西亭命諸僕退。留數人出海森於籠。易其服。置堂中。閉門去。

海森方酣睡。不知衆所爲。及寤。環顧四周。彷彿十年前結婚處也。大異之。繼見一室與堂繼連。戶半闔。觀中有椅置外服及巾囊。識爲己物。海森揉目自問。豈身在夢中耶。美后見其驚。暗卽揭帳謂之曰。君何事徘徊門外。妾適寤。不見君。度必出散步。夜未央。君盍速休。海森見與語者。非他人。卽十年前與共一夕之新婦也。色驟變。大疑。逡巡入。察椅上巾囊。果不謬。覺所經諸事。歷歷。又不類夢幻。隱自語曰。此真不可思議。旋趨牀謂之曰。予與卿不已別久乎。美后曰。君言竊未省。甫離榻。而遽謂別久。或記憶之悞耶。海森曰。予記憶力雖遜。然十年前與卿同夢。境猶在目。而居大馬色十載。所歷亦纖悉不能忘。若宵來果同衾枕。則所謂十年之別離。僅須臾耳。美后曰。安知君所謂在大馬色十年。非夢境耶。海森遂縷述和服臥大馬色城下。後與餅師居。及被繫至開羅囚禁事。且謂此後事益奇。似非夢醒。恐已受慘刑死。

矣。言竟大笑。美后曰。噫。君何辜而遭此禍。其殆有隱惡。故受冥譴耶。海森曰。僅以作餅不置。椒粉故耳。以至微末事。而受刑綦酷。天下甯有此不平事。豈真皆夢境耶。非也。美后慰之曰。嘻。君受驚矣。遂同寢處。海森輾轉不成寐。以久別得驩聚。惟恐爲夢。思檻車之困。鐵釘之刑。又惟恐非夢。而將受毒也。更擁衾環視。室所陳列。與疇曩吉夕。無少差異。疑怪不能決。黎明。斯幾西亭入。海森躍起。見而色頓灰敗。然觀其顏溫霽。異前日之目。稜稜驚視者。心少安。總隱怵不已。忽失聲而嗜曰。噫。子固以予餅劣而欲殺予者也。斯幾西亭爲之頓解。乃縷述始末。并謝前愆。且曰。予非好爲此狡獪。蓋欲揚則先抑。欲甘則先苦。以非常之驚駭。而忽得非常之愉快。益鑿心有味矣。團聚在卽。汝尙不知在大馬色所心愛之兒。卽汝子也。須臾。海森與其母子相見。相持歷述。悲歡交集。愛結柏亦投懷。睨父。不復如在大馬色時之落落也。時斯幾西亭以始末告蘇丹。蘇丹奇其事。旣歸。宴諸朋戚。以慶骨肉之會合云。

蓋發述畢。加利勿爲色喜。遂貸黑奴死。復悼少年。以悞殺其妻失偶。遣宮中女爲之繼。贈匿至厚。且寵之不衰。

小說



二十

七月

商 務 印 書 館 出 版  
問 答 書

中國歷史問答	世界歷史問答	普通博物問答	地文學問答	生理學問答	富國學問答	學校管理法問答
--------	--------	--------	-------	-------	-------	---------

詳載中國歷代史事自上古迄國朝上下數千年間依次敘述瞭如指掌並設為問答俾易明曉實史學中最新最善之書每本洋二角五分

研究實學歷史為先但欲貫注古今於紀事編年等書中尤以問答體者為易明晰此編分上古中古近世一切大事無不備載每本洋二角

是書發明飛潛動植聲光化電一切原理窮奧極微推究盡致設為問答詞旨簡明最合格致教科之用每本洋三角

地文為天然科學研究地理者不可不知若空中之水大陸界之組成生物之分布皆格致學之最要者是編詞簡意賅允推初學善本每本洋三角

泰西各邦莫不以研究生理為學術之要為衛生之源是編討論營衛出顯入微尤便推闡允宜家置一編以為強固形體之助每本洋二角五分

富國之學為當今急務是書取一切理蘊行爲問答無理不達無蘊不呈盡人能讀教授初學尤宜每本洋五分

歷舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

商務印書館出版  
各種教科書

理財學課本

每部一册  
價洋五角

美國華克著上海顏惠慶譯○我國財政困乏非人工物力使然實籌財政者不知計學公理故也是書取計學精要之義逐條指出最便初學揣摩顏君留學美國多年精於彼國語言文字故能取深奧之理而達以淺顯之詞誠理財學之階梯也

哲學要領

每部一册  
價洋二角

德國科培爾著日本下田次郎譯山陰葵元培重譯○哲學要領事理之祖宗教流別而惟物惟心有神無神淵源則同泰西富強胚胎於是是書約舉哲學之總念類別方法系統皆以最近哲學大家萊德黑智爾哈爾安門諸家之說為基礎發揮盡致且於古代哲學提要鉤元足示學者研究之法

新說教授學

每部一册  
價洋一角五分

日本橫山榮次著本館譯○今各省皆設學堂而師範未立猶之帆檣未備而欲駕舟以航海也其教育之不能適宜無待言矣師範學堂不易獨立而教授之法盡人宜知是編首緒論二教授之目的三教授之材料四教授之作用為教習者果能會通而仿行之亦可收師逸功倍之效矣

讀書法

每部一册  
價洋一角

日本澤柳政太郎著本館譯○凡十章一讀書法之必要二讀書之歷史及其性質三讀書適宜之時四專心讀書五選書專修六專修書選擇之標準七寫讀法及暗記法八提要分法及解法九讀書之分量十讀書法雜則名言論足資楷模閱之可知開卷之益



雜俎

光緒三十一年四月中國事紀補遺

▲為記者知此事之見於是日也  
▲為記者以見報之在是日也

十四日。▲廣西亂匪。殺武緣縣高井寨司巡檢。二十三  
 日。▲上海工部局。在青浦設椿築路。華官阻之。保主權也。  
 二十四日。▲京師大學堂學生。開運動會。二十五  
 日。▲川督錫良。聞巴塘藏番願歸順。派員往撫。▲政務處  
 議覆刊刻。諭旨閣抄。▲廣西殺降匪郭十二。即誘擒叛  
 匪首陸阿發者也。▲前為日軍所拘之遼陽州牧。訊無確  
 供。▲杭紳與寺僧互訂條約。二十六日。▲新簡駐華美  
 使柔克義抵京。▲戶部官銀行。議改章招商股。▲津海關  
 道。請郵斐洲病斃華工。▲開辦八省土膏統捐。以武昌為  
 總局。▲伊犁議設製毛廠。

光緒三十一年五月中國事紀

雜俎

初一日。△有俄兵一旅團。侵入伊犁。踰塔爾巴哈台嶺。自  
 科布多繞行烏里雅蘇台東北。直抵札薩克圖地方。測量  
 險要。備立標柱。再沿色楞格河。從買賣城東南而至恰克  
 圖。與俄步兵一師團之從員加爾侵入者相會。再溯色楞  
 格河之上流。犯我札薩克圖地。政府即以此事。命駐俄使  
 臣胡惟德。向俄政府交涉。▲廣州士商。會議抵制美約。  
 初二日。▲俄國水雷艇。續至吳淞。允照成例。拆卸軍械。▲  
 俄艦五艘至汕頭。▲日本艦隊至大叢山洋面。▲湖州士  
 商。集議抵制美約。▲浙江慶生虞輝祖。創辦科學儀器館。  
 奉。旨賞加國子監學正銜。△俄國迫我政府。要求日軍  
 令將新民屯駐兵撤退。日本不允。初三日。▲御史黃昌  
 年。奏劾署江督周馥。奉。旨交鄂督張之洞查辦。△江西  
 會昌定南長甯等州縣。有匪徒滋事。由贛閩粵三省督撫  
 相約會剿。△直督袁世凱。禁止南省銅圓。裝運進口。初  
 四日。▲日本魚雷艇東雲。駛入黃浦江。旋於初五日退出。  
 △滿洲日軍。不准華官征收由通江子至營口。沿遼河各

五十三

五十三

處釐稅。△俄人私購庫倫土地數處。▲蘇州士商會議抵制美約。初五日。△駐華德使告外務部。言德國兵船。願代中國掃除海盜。外務部辭之。△駐華德使。請外務部飭廣東東莞縣。保護被盜之教士。△駐華俄使照會外務部。謂日本在韓國擅權。中國應為駁阻。△川督錫良。奏設成都官立銀行一摺。奉 硃批財政處戶部知道。△阻日軍築軍用鐵路於中立地。△九江阻止英人借地打靶。△南昌阻設太古分行。△駐美使臣梁誠。電請開放滿洲。△蒙古寶蘭郡王。擊敗日軍所招匪隊。△貴撫柯逢時。降二級留任。為任用匪人也。△道員黃中慧。請中外同志。預籌東三省善後策。△奉天新任將軍趙爾巽。赴任無期。不合於日軍之意也。△上海製造局與船塢。分撥存料不勻。江督派道員調停之。△外務部定買賣小輪新章。△有法教士籌華人數名。洋槍隊二百名。至惠安縣教堂接事。教堂亦鳴礮相迎。外務部照會法使。嚴行查究。▲金陵文德橋坍。聚觀競渡者。溺死數十人。初六日。△政務處議奏。嗣後

各省創改章程。及議定事件。奉 旨允准後。即行刊布。△外務部照請駐華德使。撤去高密駐兵。德使不允。△俄國賄誘在庫倫之喇嘛。令往俄國傳教。欲以侵略蒙古西藏。△商部聲明。商標章程。以漢文為准。▲湖南長沙。設立鐵路總公司。奏派張祖同。席匯湘為總辦。△伊犁將軍馬亮。奏自行招股。在伊犁創辦皮毛公司一摺。奉 旨該部議奏。初七日。△新任奉天將軍趙爾巽。求各省協助經費。△法人請代造桂柳鐵路。△飭令各省將軍督撫。並各關道。酌量籌解京師習藝所經費。△駐華英使。請外務部將九廣鐵路辦法。速與督辦鐵路大臣。盛宣懷商酌。又請代辦廣東鐵路。外務部擬欲自行辦理。△駐華德使。以湖南新定礦務章程。有礙禮和洋行礦權。與外務部力爭。△外務部以英商承辦安徽銅官山礦務逾限。咨請英使廢約。英商不從。△駐華代理俄使。向外務部聲言。中國建築京張鐵路。如用他國資本。俄必出而反對。△駐華代理俄使。向外務部聲言。若中國不將蒙古一帶中立地界。允為擴

五十四

七月

張則俄國當令兵隊直進蒙古。中國不得再責以違犯中立。初八日。▲以張星吉調補雲南迤南道。胡泰福調補廣西右江道。▲戶部造幣廠開工。△有俄運船一艘。入吳淞口。△外務部仿照米穀辦法。酌定運煤出口章程。照會駐華各使。並飭各關一律照辦。初九日。△開美國允許中國將粵漢鐵路收回。計贖路費銀七百萬兩。△魯撫楊士驥。電告外務部。謂膠州德國總督。欲招募土人。編一保衛礦山隊。△駐華德使。面向外務部聲稱。德國並無要索山東及南方利權。及佔領土地之意。惟膠州總督。得在境南施用其行政權。△又請准在濰縣設立領事館。△疆撫潘效蘇奏。哈薩克民人。常率衆入境遊牧。並有搶掠盜竊情事。現已遵旨設立卡倫十七處。駐兵查禁。▲蘆漢鐵路黃河橋工告竣。▲福建士商。倡立保工會。以抵制美約。△政府飭各省。無論路政礦務。不得借用外款。或附搭外股。及由外人包工等事。△駐日使臣楊樞。請定派遣留東學生學額。△刑部咨請理藩院。酌改札薩克各部落。及蒙

雜 道

古各旗刑律。▲福州天津士商。均會議抵制美約。▲廣州士商又會議抵制美約。▲九龍鐵路英工程師到香港。粵省官紳電請力阻。△滬甯鐵路議開枝路於青龍山。爲有煤礦也。十一日。△政務處會議。擬裁九卿衙門。△署粵督岑春煊電部。請挽回九廣鐵路利權。△皖撫誠勳在署中添設督練公所。△裁撤廣西柳州轉運局。十二日。▲俄國病院船克斯圖魯馬。駛至上海。▲商部奏訂江西鐵路章程。奉旨依議。▲美國美亞商會委員。催美總統速辦禁止華工問題之交涉。爲華商議以不用美貨。抵制美工條約也。△有洋人至吳縣。騙出管押之行夥。△上海德副領事。巡謁青浦縣。商築馬路。△日軍截留遼河民船。十三日。△外務部電令出使各國大臣。探聽各國對待日俄和局主見。隨即電開。△外務部電詢魯撫。以德國請在濟南設總領事。△華商與日商訂約。合創織綢公司於上海。十四日。△派員前往日本。調查宮內省制度。△練兵處不准廣東移建製造局於清遠。△直隸定州民教相

五十五

乙巳

十五日。△外務部准法人將福建邵武金礦展限二十四箇月。▲奉 旨交片命各衙門會議六部增設丞參事。△學務處通飭各省。提倡蒙小學堂。▲營口士商會議抵制美約。十六日。△俄國照會新疆巡撫。擬欲租借綏來庫爾喀等處煤油礦地。△閩省紳商有電入京。不認張振勳為商務大臣。△北洋督練處議定租用草場。收放戰馬。▲新加坡天津汕頭南京杭州潮州各地士商。均會議抵制美約。十七日。△政府飭派重兵。駐守庫倫。十八日。△湖北將全省釐金。改為統捐。以六月初一日為始。△上海租界巡捕房。不遵向章。凡押解公堂訊斷之犯。無論定案與復訊。均欲帶回捕房。由江海關道與領事交涉。△戶部尚書張百熙。飭各司員條陳戶部利弊。△四川五屯各地礦產。統歸官辦。十九日。▲上海商務總會首董會鑄。聲言美國不依期改定工約。當照前議。專設總會聯絡各埠。實行抵制各法。△外務部會議。擬定各國駐使除呈遞國書。覲見外。所有該公使及參隨。並公使夫人。

例應 覲見者。以後分為兩季。進內 覲見。△戶部庫款所存不滿三百萬。△廣東裁缺糧道。決定歸併藩司兼辦其事。△廷議各督撫將軍。籌議對付日俄和局之策。二十日。△四川新創吸水機器。△四川萬縣創設商會。△駐華美使與外務部會議禁工續約。△學生赴美者。美總領事欲改用新式護照。△日本議紳赴北京。徧謁公卿。二十一日。▲上諭准潘萬才終制。起劉光才為貴州提督。△日本在新民屯設立運貨小鐵路。直督請外務部阻之。△日本兵官帶兵至昌圖府康平縣。索去押犯八名。△日軍統將請各國公使。暫停發給遊歷執照。△在南非洲脫國之華工八百名。因滋事被逐出境。△廣東羅定州內會黨謀起事。不成。△蘇撫陸元鼎。奏設實業學堂。△學務處批准僧人覺先。請設佛教學務公所於京師。△署江督周馥。議加徐州土藥捐。△北洋派知府衛興武等赴德閱操。二十二日。△駐滬英商。致函外務部。責中國不守馬凱條約詳細情形。△俄國紅十字船一艘。駛赴上海。▲杭

州士商會議抵制美約。二十三日。△政府將派專使。參預日俄和局。商諸美國。美力阻之。△駐俄使臣胡惟德。三年期滿。奉旨留任。▲署江督周馥委關炯代理上海會審公堂委員。二十四日。▲廣東學政朱祖謀開缺。以于式枚繼之。△俄人在東三省招募馬賊。為俄兵前驅。△在蓋州之日本軍政署。令村民開列戰時損失之財產。預備向俄索償。△長江提督移駐鎮江。▲揚州士商會議抵制美約。▲山東濰縣煤礦炸裂。礦工死者七人。▲上海德總領事赴金陵。謁江督。△美總統降諭。優待往美之華商。及遊歷人。△徽州太平府。添設官電局。二十五日。▲奉旨。六月初二日。在保和殿考試出洋畢業學生。▲諭停萬壽筵宴。△政府議行立憲政體。△日俄兩國。定於西八月初旬。在華盛頓開議和局。日本擬派伊藤侯爵。及小村外郎。為全權大臣。俄則派納里道夫。及羅善。為全權大臣。△德國聲言。並無先自撤退中國兵之意。△湖南洋務局。詳請照會英國。謂在英注册之長沙礦務公司。不合條

彙報

約章程。請即停辦。以免糾葛。△日軍又拘奉天康平縣總巡穆克圖善。△直督袁世凱。奏飭各省禁止會議抵制美國禁工續約。二十六日。▲江北提督劉永慶到甯。△練兵處電催各省咨報編改陸軍營制情形。二十七日。▲以鐵良調補戶部右侍郎。增崇調補兵部左侍郎。▲大學士崇禮。因病開缺。▲魯撫楊士驤。至烟臺巡河也。△浙省留學生。電阻開議浙贛鐵路。△駐俄使臣胡惟德。請派專使。參預和局。△外務部尚書。已允日僧入內地傳教。△直督袁世凱。請外務部阻止日軍。由新民屯築行軍鐵路至法庫門。△美使請許中美合辦陝西榆林延安屬內煤礦。△豫撫陳夔龍。奏請改撫民廳為直隸廳。△魯撫楊士驤。奏併武衛右軍先鋒隊。△湖北火藥局新庫成。二十八日。▲王文韶開去軍機大臣差使。以兵部左侍郎徐世昌入軍機。△英美兩國駐使。勸駐華日使。勿被俄人離間中日之交誼。△署江督設江北學務處。△江西茶商。不照納盈餘茶稅。二十九日。▲以徐世昌派充政務處大臣並

五十七

乙巳

雜選

與陳良弼爲會辦練兵大臣。▲上海德領事回自金陵。所  
求於汪督者頗諸慮。三十日。△袁世凱周馥張之洞聯  
銜奏請自今十二年後實行立憲政體。△安徽紳商電爭  
鎮官出礦權以氣約輸逾期不辦。擬請廢約自辦。



五十八

七

叢談

以太說 以太西文作 *Ether*。乃空中精氣。說者謂地球  
 上潔氣。不過百餘里即盡。潔氣之上。尚有精氣。充塞玉宇。  
 即所謂以太也。日月星辰。賴以不墜。聲光色電。因之而傳。  
 蓋日月星辰。具有攝拒二力。故能循厥秩序。不即不離。然  
 使其攝拒者。以太爲之也。聲光色電。皆成浪紋。然所以使  
 其成浪紋者。亦以太爲之也。且如吾人之腦筋。萬物之質  
 點。亦無非以太所蓄之處。其功力實滿布兩間也。

火山動靜 美洲西印度羣島中之瑪丁伊克島。近有火  
 山名比利者。陡然轟裂。熱流噴出。陷沒島中之聖別城。  
 附近土地。皆變荒墟。人畜死亡。不計其數。惟格物學者數  
 人。冒險居之。以察動靜。但見轟裂之後。山口之旁。火灰成  
 邱。高累不已。以有障蔽。目不能盡。蓋山口吐煙太密故也。  
 及密煙已散。忽現出一奇妙之景。有大峯若犬齒然。高約  
 三百尺。出山口中。日益增高。一年之間。高至四百六十二  
 尺。迄今猶日高不止。此就其矗立於山口外者言之也。若

叢談

其在山內山下者。尙屬不可思議。而所以能日高者。地中  
 必有極熱流質。排之使出無疑。倘一旦海水衝入地隙。激  
 盪此極熱流質。必又有轟天裂地之劫。其時此犬齒大峰  
 者。或全發露於口外。或竟脫口而出。如巨彈之離砲門。則  
 靈鷲飛來。正不知落於何所。而城市盡爲所壓。是地球皆  
 爲悚懼者也。

天生肥皂 加拿大西英屬哥倫比亞某山中。近忽有肥  
 皂發見。掘之得二萬噸。乃天然生成者。可見地不愛寶。不  
 特五金煤礦油鹽。爲自然之利也。

身食比較 西國會計家算得人之一生。約七十年。所食  
 之物。約重十六萬華斤。而人身不過一百二十五斤。以十  
 六萬斤之食物。與一百二十五斤之人身相比。加增一千  
 二百倍。

膚色之理 世界人種。膚色各異。味者於此。以爲大有珍  
 域。其實非也。近格致家。蒸森。取皮膚之橫剖面。以最精顯  
 微鏡放大之。攝影爲圖。雖其薄如紙。而能攝爲數層。因知

十七

乙巳

人種皆源於亞細亞。及散居各處。因經緯度之不同。與其四圍之境遇。遂致變成各色。今攷其膚層之間。第一層為透明之外皮。第三層為近肉之內肌。惟第二層中。為無數顆粒質。此顆粒排列。多寡深淺。乃足以致膚色各異之原由。而質點之近光不同。則其至確鑿之解釋也。故膚色之殊別。並不及內肌之內。且耐寒耐熱。恒恃此外層顆粒之變化。以適宜而生存。然則彼以膚色分人種者。固尚未及此耳。

髮髮變色 凡人經大恐怖之事。能令髮髮變色。法國醫報載醫士巴析愛記一壯年鄉人。髮淡黑。無星點。一日自田間歸。其幼子跨驢而前。路難行致墜。適當驢足下。鄉人瞥見大驚。面色改常。手足無措。疾往抱持。幸無恙。乃不意八日內。容顏枯槁。髮髮彫落。未幾重生。則皆軟如絨。白如銀矣。

人手保險 有西人哥必列者。彈琴為業。年出保險金千五百圓。保手之不傷。其賠費有二辦法。一偶傷能復用者。

得金一萬圓。一傷而永廢者。得金五萬圓。又波蘭人巴達羅斯開者。亦彈琴為業。年出金四千圓。保其手指傷則賠費五萬圓。又猶太人毛夫那。以寫真為業。會保其手險。近因坐自行車而仆。致傷其手。遂得賠費。

驗醉酒法 某國醫生。查得醉酒之人。手必震甚。故驗法只令飲者放二指於別人掌中。若無甚震動。則知其人尚未醉。若骨節震動。即知其人已醉可矣。

避蚊頭帳 蚊不但見於溫熱雨道。即寒道亦有之。如西伯利亞蒙滿等處。三月之際。蚊集如雲。張手拍之一掌而斃三十餘。北美地方尤甚。夜無蚊帳不能臥。即坐時亦須衣服堅厚。否則為嚙。頭上無衣可著。須罩有巾帽。土人謂之頭帳。

避火布袋 西國房屋高大。一遇失火。則層樓上人。促難逃避。有人以粗布作一袋。適足容身。長垂於地。人入其中。緩緩卸下。無論樓高若干。皆甚穩妥。故學堂棧房及平民住宅。靡不用之。亦有以為夜宿之所者。